


施

注

蘇

詩

第七冊





施註蘇詩卷之三十六

漫堂先生宋 榮

閱定

毗陵邵長蘅

刪補

樸園先生張榕端

商丘宋 至

長洲顧嗣立



詩四十八首

時在惠州作
施注缺今補

真一酒 并引

米麥水三一而已此東坡先生真一酒也

撥雪披雲得乳泓蜜蠶又欲醉先生

公自注真一色味頗類予
在黃州日所醞蜜酒也

稻垂麥仰陰陽足器潔泉新表裏清曉日著顏紅有暈

春風入髓散無聲人間真一東坡老與作青州從事名

遊博羅香積寺

并引白鶴故居圖香積寺在惠州南博羅縣西山下

寺去縣七里三山犬牙夾道皆美田麥禾甚茂寺

下谿水可作碓磨若築塘百步閘而落之可轉兩

輪舉四杵也以屬縣令林抃使督成之

抃字天和

二年流落鼃魚鄉朝來喜見麥吐芒東風搖波舞淨綠

初日滋露酣嬌黃汪汪春泥已沒膝剡剡秋穀初分秧

誰言萬里出無友見此二美喜欲狂三山屏擁僧舍小

一谿雷轉松陰涼要令水力供白磨與相地脈增隄防

霏霏落雪看收麩隱隱疊鼓聞舂糠散流一啜雲子白

炊裂十字瓊肌香豈惟牢九薦古味

公自注東哲餅賦饅頭薄持起搜牢九

要使

真一流天漿詩成捧腹便絕倒書生說食真膏肓

國語范蠡謂王孫雄曰故濱於東海之陂鼃鼃魚鼃之與處而鼃鼃之與同階柳子厚詩麥芒際天搖青波文選麥漸漸以擢芒謝靈運詩花上露猶滋白鶴故居

圖三山者大北山象頭山白水山皆在水南一谿者即東江也在山之北柳州山水記泉大類穀雷鳴西奔漢武帝外傳太上之藥則有風實雲子金精玉液杜子

美詩飯抄雲子白晉書何曾性奢豪每燕見不食大官所設帝輒命取其食蒸餅上不拆作十字不食也真二酒名按東哲餅賦有饅頭薄壯起溲牢九之名而先

生詩用作牢九又自注中薄壯作薄持起溲作起搜又三十八卷真一酒歌亦用起搜字想別有所據未詳

次韻定慧欽長老見寄八首

蘇州定慧長老守欽使其徒卓契順來惠州問予

安否且寄擬寒山十頌語有璨忍之通而詩無鳥

可之寒吾甚嘉之為和八首

吳郡圖經續記定慧禪院本萬歲子院在長洲縣東祥符中改

今額傳燈錄天台寒山子者本無氏族始豐縣西七十里有寒明二巖以其於寒巖中居止故名有頌三百餘首傳布人間又三祖僧璨鏡智

禪師五祖弘忍大滿禪師賈島初為僧
名無本可即僧可明也舊云郊寒島瘦

左角看破楚南柯聞長膝鈎簾歸乳燕穴紙出癡蠅為
鼠常留飯憐蛾不點燈崎嶇真可笑我是小乘僧

左角用蠻觸事南柯用淳于棼事並已見左傳隱十二年滕侯薛侯來朝爭長卒
長滕侯傳燈錄古靈神贊禪師見蜂子投紙聽求出師曰世界如許廣闊不肯出
鑽他故紙驢年去遂有偈曰空門不肯出投牕也太癡百年鑽故紙未見出頭時
韓退之詩癡如遇寒蠅李白書云白崎嶇歷落可笑人也傳燈錄圭峰云悟我空
徧真之理而修者是小乘禪

鐵橋本無柱石樓豈有門舞空五色羽吠雲千歲根松
花釀仙酒木客餽山飧我醉君且去陶云吾亦云

白鶴故居圖鐵橋峰在大石樓峰東大小二石樓在羅浮山下一統志五色雀出
羅浮山貴人至則先翔舞先生在儋州有五色雀詩見三十八卷續神仙傳朱孺
子一日忽見二花犬相趨入枸杞叢下因異之尋掘得二枸杞根形狀如犬白樂
天詩不知靈藥根成狗怪得時聞吠夜聲耳原化記有老人雪中訪崔豈真獻松花

酒老人云花澀無味乃
取一丸藥投之味頓別

羅浮高萬仞不看扶桑卑默坐朱明洞玉池自生肥從
來性坦率醉語漏天機相逢莫相問我不記吾誰

白鶴故居圖朱明洞在麻姑峰
之北又詳上卷遊羅浮山詩注

幽人白骨觀大士甘露滅根塵各清淨心境兩奇絕真
源未純熟習氣餘陋劣譬如已放鷹中夜時掣絀

楞嚴經優婆尼沙陀白佛言觀不淨相生大厭離白骨微塵歸於空虛維摩經始
在佛樹力降魔得甘露滅覺道成楞嚴經根塵同源縛脫無二又世間一切根塵
陰處界等皆如來藏清淨本然
張衡鷓鴣賦蒼鷹鷲而受絀

誰言窮巷士乃竊造化權所見皆我有安居受其全戲
作一篇書千古發爭端儒墨起一作豈相殺予初本無言

閒居蓄百毒。救彼跛與盲。依山作陶穴。掩此暴骨橫。區區效一漑。豈能濟含生。力惡不已出。時哉汝非爭。

周禮醫師掌醫之政令聚毒藥以供醫事注毒五毒也疏藥之辛苦者又韓退之詩醫師加百毒詩大雅陶復陶穴左傳宣十二年楚子曰今我使二國暴骨暴矣禮記大道之行力惡其不出於身也不必為已

少壯欲及物。老閒餘此心。微生山海閒。坐受瘴霧侵。可

憐鄧道士。攝衣問呻吟。覆舟卻一作私渡。斷橋費千金。

按鄧道士名守安嘗造東新橋見下卷兩橋詩序

淨名毗耶中。妙喜恒沙外。初無往來相。二土徒故切同一在。

云何定慧師。尚欠行脚債。請判維摩憑。一到東坡界。

維摩經毗耶離城中有長者名維摩詰僧肇注云維摩詰秦言淨名也又佛言有國名妙喜佛號無動是維摩詰於彼國沒而來此生

二一作三月十九日攜白酒鱸魚過詹使君食槐葉

冷淘杜子美槐葉冷淘詩青青高槐葉采掇付中廚新麩來近市汁滓宛相俱云云

枇杷已熟粲金珠。桑落初嘗灑玉蛆。暫借垂蓮十分盞。

一澆空腹五車書。青浮卵椀槐芽餅。紅點冰盤藿葉魚。

醉飽高眠真事業。此生有味在三餘。

水經注劉白墮宿擅工釀採挹河流醞成芳酌懸食同枯枝之年排於桑落之辰故酒得其名霏雪錄河東桑落坊有井每至桑落時取水釀酒甚美庾信詩蒲城桑落酒灞岸菊花天王注槐芽餅取槐葉汁溲麵作餅即鮮碧色禮記少儀牛羊與魚之腥聶而切之為膾注云聶之言牒也先霍葉切之復報切之則成膾三國志注董遇言為學當以三餘冬者歲之餘夜者日之餘陰雨者時之餘也

江漲用過韻

草木生故墟。牛羊滿空瀆。春江圍草市。夜浪浮竹屋。已

連漲海白尚帶霍山綠坎離更休玉魚鼈橫陵陸得非
崑崙囚欲報陸渾衄行看北風競來救南國蹙長驅連
山燒一掃含沙毒孤吟愍造化何時停倚伏當憐水旱
氓不作舟車蓄江流儻席卷社酒期茅縮

房千里竹室記予環堵所棲率用竹以結其四周植者為柱楣撐者為椽桷破者為雷削者為障一統志霍山在龍川縣有三百七十二峰按東江過龍川入惠州界故云周易坎為水離為火漢書音義五行有王相死囚休廢即五行相勝之意也韓退之陸渾山火詩女丁婦壬傳世婚一朝結雙奈後昆又月及申酉利復怨助女五龍從九鯤溺厥邑囚之崑崙注水火相配今火勝水故結雙然水生于申火死于酉故帝於此時令之報怨溺火官之邑而囚火官于崑崙也按此正申上句坎離休王之意左傳襄十八年晉人聞有楚師師曠曰不害吾驟歌北風又歌南風南風不競又成十六年南國蹙射其元王中厥目山海經大荒南有域處水中含沙射人影中則成瘡史記旱則資車水則資舟物之理也左傳僖四年爾貢包茅不入無以縮酒

連雨漲江二首

越井岡頭雲出山牂牁江上水如天牀牀避漏幽人屋
浦浦移家蚤子船龍卷魚鰕并雨落人隨雞犬上牆眠
只應樓下平階水長記先生過嶺年

史記西南夷傳牂牁江廣數里出番禺城下後漢南蠻傳楚遣將莊蹻伐夜郎軍至且蘭椽船於岸而步戰既滅夜郎且蘭有椽船牂牁處乃改其名為牂牁注繫船牀也亦作牂牁杜甫茅屋為秋風所破歌牀牀屋漏無乾處類書延平人瀕海而居以舟為宅辨水色知龍居又曰龍人

急雨蕭蕭作晚涼臥聞榕葉響長廊微明燈火耿殘夢
半濕簾帷浥舊香高浪隱牀吹甕盎聞風驚樹擺琳琅
先生不出晴無用畱向空階滴夜長

嵇含南方草木狀榕樹南海桂林多有之葉如木麻實如冬青枝條最繁其蔭十畝柳子厚詩山城過雨百花盡榕葉滿庭鶯亂啼

四月十一日初食荔支

漁隱禁俗待人詠物
形容之妙近世東坡
海山仙人思乃官誦
此則知其妙為文也

結乃幸御中自
慰之語

南村諸楊北村盧

公自注謂楊梅盧橘也

白華青葉冬不枯垂黃綴紫

煙雨裏特與荔支為先驅海山仙人絳羅襦紅紗中單

白玉膚不須更待妃子笑風骨自是傾城姝不知天公

有意無遣此尤物生海隅雲山得伴松檜老霜雪自困

檀梨麤先生洗盞酌桂醕冰盤薦此蘋虬珠似聞江鱈

斫玉柱更洗河豚烹腹腴

公自注予嘗謂荔支厚味高格兩絕果中無比惟江鱈柱河豚魚近之耳

我生

涉世本為口一官久已輕尊鱸人間何者非夢幻南來

萬里真良圖

查江東漢湯志常疑雲山白似泛海見習南唐者云凡言上木松檜之外橘荔枝支取其枝葉陰愛也

臨海異物志楊梅其子大如彈丸正赤五月中熟司馬相如上林賦盧橘夏孰師古曰盧黑也廣州記盧橘皮厚味酸大如柑至夏熟土人呼為盧橘張勃吳錄餘冬錄云相如作賦不知盧橘名枇杷按上林賦自有枇杷然柿之文不應重出蔡君謨食荔支詩絳衣仙子過中元別葉空枝去不還古今注中單觀衣地漢高

本集與張文潛片牒
云唐居若原云一物而
信者梳柳方枝一柱為
此上人不知以此為枝也

活半筆力健筆
起沈著頓挫之致

祖始改名汗衫唐輿服志凡祀天地之服皆白紗中單左傳昭二十八年叔向欲取于申公巫臣氏其母曰夫有九物足以移人苟非德義則必有禍禮記檀黎鑽之莊子天運篇其猶相梨橘柚即其味相反而皆可于口韓退之柿詩然雲燒樹火實駢金鳥下啄賴虬卵臨海異物志玉珧柱美如珧玉晉安南異物名記肉柱膚寸美如珧玉即江瑤也一云江瑤即海月藝苑雌黃河豚水族之奇味本草吳越人春月甚珍貴之九重其腹腴呼為西施乳禮記少儀冬右腴疏曰腴腹下也杜子美設鱸歌偏勸腹腴愧年少

檉榔杖寄張文潛一首時初聞黃魯直遷黔南

范淳父九疑也

黃汝州別駕黔州安州范武安軍節度副使永州安州領聖三年春經黔州別駕賀州安州

睡起風清酒在亡身隨殘夢兩茫茫江邊曳杖檉榔瘦

林下尋苗蕞撥香獨步儻逢勾漏令遠來莫恨曲江張

遙知魯國真男子獨憶平生盛孝章

合注魯國似指黃范孝章似自喻也

唐書劉禹錫傳作問大鈞謫九年等賦又敘張九齡為宰相建言放臣不宜與善地悉徙五谿不毛處議者以為開元良善臣而卒無嗣豈伎心陰責最大雖他美

莫贖耶欲感諷權近而憾不釋張九齡傳韶州曲江人時呼為張曲江楊彪傳融謂曹操曰孔融魯國男子也會稽典錄盛憲字孝章有天下大名孫策欲誅之孔文舉與曹公書意欲曹公致書救之書未至而已誅矣初憲為臺郎路逢童子容貌非常憲怪而問之曰魯國孔融憲異之乃載歸結為兄弟

答周循州

周序字文之時為循州守元和郡縣志循州漢南

蔬飯藜牀破衲衣掃除習氣不吟詩前生自一作是盧行者後學過呼韓退之未敢叩門求夜話時叨送米續晨炊知君清俸難多輟且覓黃精與療饑

盧行者名慧能即曹溪六祖抱朴子內篇黃精一名救窮一名垂珠服花勝實服實勝根

與程正輔游碧落洞

合注碧落洞在英德先生赴廣途次已有所

空山不難到絕境未易各何時謫仙人來作釣天聲胸中幾雲夢餘地多一作恢宏長庚與北斗錯落綴冠纓黃

查注唐周處字伯白是名游碧石居洞作別難為有碧瀾之下寸之皆新色白

公獻紫芝赤松餽青精谿山久寂寞請續離騷經抱枝寒蛩咽繞耳飛蚊清謫仙撫掌笑笑此羽皇銘我頃嘗獨游自適孤雲情君今又繼往霧雨愁青冥感君兄弟意尋羊問初平玉牀分箭鏃不忍獨長生詩成輒寄我妙絕陶謝并孤鴻方避弋老驥猶在坳鳥獸如可羣永寄槁木形何山不堪隱飲水自修齡

曹子建與陳琳書披翠雲以為衣戴北斗以為冠高士傳四皓者角里先生綺里季夏黃公東園公也避秦逃入商洛山作歌曰莫莫高山深谷逶迤曄曄紫芝可以療饑真誥霍山有道者鄧伯原受青精石飯之法杜子美詩豈無青精飯使我顏色好按羽皇銘疑即用前卷自注山玄卿新宮銘事

六月十二日酒醒步月理髮而寢

羽蟲見月爭翾一作翻我亦散髮處軒干梳冷快肌骨

據律之中清氣若仕者手與到之作

唐羌言下詔曰遠國珍羞本以薦奉宗廟苟有傷害豈愛民之本其敕大官勿復受獻按漢書曰元興先生詩云永元蓋末年改元即永元十七年也王注十五年誤張平子西京賦所惡成瘡痂武夷山在建州粟粒芽茶之極品者范希文鬪茶歌年年春日東南來建溪水暖冰微開溪邊奇花冠天下武夷仙人親手栽錢俶歸朝諡忠懿先生有表忠觀碑互見前三十四卷忠孝王注歐陽牡丹譜姚黃者千葉黃花出於民姚氏家

江月五首

并引

嶺南氣候不常吾嘗云菊花開時乃重陽涼天佳月即中秋不須以日月為斷也今歲九月殘暑方退既望之後月出愈遲然予嘗夜起登合江樓或與客游豐湖入栖禪寺扣羅浮道院登逍遙堂逮曉乃歸杜子美云四更山吐月殘夜水明樓此殆古今絕唱也因其句作五首仍以殘夜水明樓為

韻

一更山吐月玉塔臥微瀾正似西湖上湧金門外看冰輪橫海闊香霧入樓寒停鞭且莫上照我一杯殘
二更山吐月幽人方獨夜可憐人與月夜夜江樓下風枝夕一作久未停露草不可藉歸來掩關臥唧唧蟲夜話
三更山吐月栖鳥亦驚起起尋夢中遊清絕正如此駈雲掃衆宿俯仰迷空水幸可飲我牛不須違洗耳
四更山吐月皎皎為誰明幽人赴我約坐待玉繩橫野橋多斷板山寺有微行今夕定何夕夢中遊化城

春秋元命苞玉衡北兩星為玉繩星謝眺詩玉繩低建章杜子美詩不違銀漢落亦伴玉繩橫

五更山吐月。牕迥室幽幽。玉鉤還掛戶。江練卻明樓。星
河澹欲曉。鼓角冷知秋。不眠翻五詠。清切變蠻謳。

韓退之詩。蟲鳴室幽。幽月吐牕。炯炯鮑昭月詩始出西南樓。纖纖如玉。鈞謝玄暉詩。澄江靜如練。

聞正輔表兄將至以詩迎之

今注富直。表兄按正輔乃其母。曾程浩。子公。姑。嫁。此。時。提。刑。粵。中。

生逢堯舜仁。得作嶺南游。雖懷楚然喜。豈免跼墮憂。莫
雨侵重腿。曉煙騰鬱攸。朝繁見蜜啣。夜枕聞鶻鷗。幾欲
烹鬱屈。固嘗饌鉤輈。舌音漸獠變。面汗嘗駢羞。賴我存
黃庭。有時仍丹丘。目聽不任耳。踵息殆廢喉。稍欣素月
夜。遂度黃茅秋。我兄清廟器。持節瘴海頭。蕭然三家步
橫此萬斛舟。人言得漢吏。天遣活楚囚。惠然再過我。樂

查注。齊志。野。張。老。水。與。妻。不。咸。有。自。大。注。迷。其。事。外。家。不。以。志。以。死。也。陰。不。平。久。矣。可。後。東。城。名。弟。以。念。母。之。故。和。釋。城。城。之。有。還。時。幸。同。其。先。世。隙。以。正。輔。而。本。路。意。將。使。之。甘。心。焉。而。正。輔。反。背。中。外。之。信。周。旋。甚。苦。也。公。唱。和。中。亦。不。忍。見。也。

先生於程氏兄弟。位。孫。勳。非。別。稱。表。弟。正。輔。別。稱。表。兄。

哉十日雷。但恨參語賢。忽潛九原幽。萬里儻同歸。兩鰓

當對糗。公自注。載喪婦已三年矣。正。強歌非真達。何必師莊周。

公自注。載喪婦已三年矣。正。輔近亦有亡嫂之戚。故云。

楚然足音出莊子。跼墮用後漢馬援事。竝已見左傳。成六年。韓獻子曰。郇瑕氏之。地其惡。易觀。易觀則民愁。民愁則墊隘。于是乎有沈溺重腿之疾。蜜啣。即鼠胎。餉。之以蜜。飮筵上。獠民喜食之。互詳下卷。聞子由瘦。詩注。嶺表異錄。鴉一名鴝。鷗。夜。飛。晝。伏。能。拾。人。爪。甲。以。為。山。則。鳴。于。屋。上。又。名。鬼。車。韓退之南食詩。惟蛇舊所。識。實。憚。口。眼。睜。開。籠。聽。其。去。鬱。屈。尚。不。平。又。陸龜蒙。苦熱詩。蛇煩爭鬱屈。蟹躁實。郭索鉤輈。鷓鴣聲也。韓退之詩。鷓鴣鉤輈。猿叫歇。李羣玉詩。方穿詰曲崎嶇路。又。聽鉤輈格磔聲。南越志。鷓鴣肉白而脆。味勝雞雉。韓退之南食詩。腥臊始發。越吞。咀。面。汗。駢。楚。辭。遠。遊。仍。羽。人。于。丹。丘。兮。雷。不。死。之。舊。鄉。列。子。老。聃。之。弟。子。有。亢。舍。子。者。得。聃。之。道。能。以。耳。視。而。目。聽。莊子。大宗師。至人之息。以踵。衆人之息。以喉。再。見。唐書。李珣傳。為殿中侍御史。宰相韋處厚曰。清廟之器。非擊搏才。柳子厚。鐵爐。步。志。江。之。滸。凡。舟。可。縻。而。上。下。者。曰。步。九。國。志。王。審。知。聞。徐。寅。名。辟。居。幕。下。寅。不。樂。一。旦。拂。衣。去。曰。丈。尺。之。水。前。波。後。堰。焉。能。容。萬。斛。之。舟。乎。王。注。漢。吏。指。正。輔。楚。囚。先生。自。謂。也。漢書。楊敞傳。霍光遣田延年報敞。以廢昌邑。王事。敞汗流。洽。背。徒。唯。唯。而已。敞。夫。人。遽。從。東。廂。與。延。年。參。語。許。諾。注。三。人。共。言。故。云。參。語。

再和 七言奉作。正輔既見和。及次。方。啟。履。對。盈。勸。學。佛。湯。奉。

查注此詩填宮坊
實多用陽白對法
西相比石覺其板
重

稚川真長生少從鄭公游孝章偶不死免為文舉憂餘
齡會有適獨往豈相攸由來警露鶴不羨撮蚤鷗願加
視後鞭同駕躅空軒寧食墮齒董勿憶齊眉羞何時遂
縱壑歸路同首丘東岡松柏老西嶺橘柚秋著意尋彌
明長頸高結喉無心逐定遠燕領飛虎頭君方卒功名
一汎范蠡舟我亦霑霑渥漸解鍾儀囚寧須張子房萬
戶自擇畱猶勝嵇叔夜孤憤甘長幽南牕可寄傲北山
早歸耄此語君勿疑老彭跨商周

嵇康下獄有幽憤詩

平日書葛洪傳從祖玄吳時學道得仙以其煉丹祕術授弟子鄭隱洪就隱學悉得
其法盛孝章注見本卷詩大雅為韓姑相攸箋云相視攸所也周處風土記白鶴
性警至八月露降流於草木上滴滴有聲則鳴莊子秋水篇鴟鵂夜撮蚤察毫末
書出瞋目而不見丘山視後鞭亦用莊子語已見唐逸史蔡少霞夢為蒼龍溪王

寫太皇真訣記得四句云昔乘魚車今履瑞雲躡空仰塗綺絡輪囷互見三十五
卷公自注爾雅齧苦董也本草一種黃花者有毒殺人即毛芹也又烏頭苗一名
董有毒唐書張果傳帝密語高力士朕聞飲董無苦真仙人也因取以飲果三進
頽然如醉顧曰非佳酒也頃視齒焦縮顧左右取鐵如意擊墮之更出藥傳其斷
良久復生齊眉意指鰥居也禮記狐死正首丘言不忘本也漢書雷侯世家高祖
自擇齊二萬戶欲以封張良良曰始臣起下邳與上會留臣願封畱足矣世本彭
祖在商為守藏史在周為柱下史年八
百歲又神仙傳彭祖壽八百歷三代

同正輔表兄游白水山

白鶴故居圖白水山羅
浮山之西瀑布在焉

偉哉造物真豪縱攫土搏沙為此弄擘開翠峽走雲雷
截破奔流作潭洞因隨化人履巨迹得與仙兄躡飛鞚
曳杖不知巖谷深穿雲但覺衣裘重坐看驚鳥救一作霜
葉知有老蛟蟠石甕金沙玉礫粲可數古鏡寶奩寒不
動念兄獨立與世疎絕境難到惟我共永辭角上兩蠻

筆之奇矯
經評

觸一洗胸中九雲夢。浮來山高回望失。武陵路絕無人
送筠籃擷翠爪。甲香素縵分碧銀。餅凍歸路霏霏湯谷
暗野堂活活神泉湧。解衣浴此無垢人。身輕可試雲間
鳳。

莊子大宗師偉哉夫造物將以予為此拘拘也再見按翠峽二句指瀑布化人句
指佛迹也山有佛迹崖見前卷杜子美詩黃門飛鞚不動塵韓退之詩林柯有脫
葉欲墮鳥驚救古詩淮南王籥金瓶素縵汲寒漿
王褒湯泉碑湯谷揚波神泉愈疾山有湯泉故云

與正輔遊香積寺

本集尺牘五正輔書云亂似香積為內附上
又書云和示香積詩其曰洞明也

越山少松竹。常苦野火厄。此峰獨蒼然。感荷佛祖力。茯
苓無人採。千歲化琥珀。幽光發中夜。見者惟木客。我豈
無長鑱。真贗苦難識。靈苗與毒草。疑似在毫髮。把玩竟

偶借藥以散長嘆

不食棄置長太息。山僧類有道。辛苦嘗谷汲。我慙作機
舂。鑿破混沌穴。幽尋恐不繼。書板記歲月。

杜子美詩長鑱長鑿白木柄韓退之詩前計頓乖張居然見真應真漢書
地理志號會之地土陜而險山居谷汲王注傳曰杵臼之智不及機舂

次韻正輔同游白水山

祇知楚越為天涯。不知肝膽非一家。此身如綫自縈繞。
左旋右轉隨繅車。誤拋山林入朝市。平地咫尺千褒斜。
欲從稚川隱羅浮。先與靈運開永嘉。首參虞舜款韶石。
次謁六祖登南華。仙山一見五色羽。雪樹兩摘南枝花。
赤魚白蟹一作白魚赤蟹著屢下。黃柑綠橘邊常加。糖霜不待蜀
客寄。荔枝莫信閩人誇。恣傾白蜜收五稜。細斲黃土栽

三極公自注正輔分人參歸種韶陽來詩本用極字惠州無書不見此字所出故且從木奉和朱明洞裏得靈草

然放杖凌蒼霞豈無軒車駕熟鹿亦有鼓吹號寒蛙

仙 人勸酒不用勺石上自有樽壘窪徑從此路朝玉闕

千里莫遣毫釐差故人日夜望我歸相迎欲到長風沙

豈知乘槎天女側獨倚雲機看織紗世閒誰似老兄弟

篤愛不復相疵瑕相攜行到水窮處庶幾一見雷子嗟

干年枸杞嘗夜吠無數草棘工藏遮但令凡心一洗濯

神人仙藥不我遐山中歸來萬想滅豈復回顧雙雲一作飛鴉

莊子德充符自其異者視之肝膽楚越也白樂天詩途窮平谷險舉足劇褒斜西都賦注褒斜谷在長安城西南南曰褒北曰斜長四百七十里謝靈運傳在永嘉登山臨水佳處無不游嘗自始寧南山伐木開徑直入臨海周禮籩人掌肆籩之實加籩之實菱芡栗脯物產志糖霜出遂寧宋時入貢荔支譜廣南及梓夔之間

所出大率早熟其精好者僅比閩中之下品東觀漢記上賜朱祐白蜜一石蘇頌本草圖經雍洛間有梨花蜜白如凝脂嶺表錄瀧州山中多紫石英其大小皆五稜兩頭如箭鏃煮水飲之暖而無毒三極見三十四卷寄紫團參詩注又互見本卷人參詩注李白長干行相迎不道遠直至長風沙同安志長風沙鎮在懷寧縣東一百二十里王維詩行到水窮處坐看雲起時雙雲鴉似指失偶事先生前詩有兩鰓之語玩洗凡心及萬想滅一語可見雲鴉即所云雲鬢鴉鬢也作飛鴉解非

和子由次月中梳頭韻

子由詩序云轍有白髮近二十年矣然止百餘莖不增不減虔州道

人王正彥教令拔去以眞水火養之恐不復更生從其言已數月而白髮不出更年歲不見豈眞不生耶子瞻兄示我月中梳頭詩戲次來韻言拔白之驗詩曰水上有車車自翻懸流如線垂前軒霜蓬已枯不再綠有客勸我拔其根枯根一去紫茸茁珍重已試幽人言紛紛華髮不足道當返六十過去魂

夏畦流膏白雨翻北牕幽人臥羲軒風輪曉長春笋節

露珠夜上秋禾根公自注或爲子言草木之長常在昧明間早作而伺之乃見其拔起數寸竹笋尤甚又夏秋之交稻方含秀黃

昏月出露珠起于其根纍纍然忽自騰上若有推之者或入于莖心或垂于葉端稻乃秀實驗之信然此二事與子由養生之說契故以此爲寄從來

白髮有公道始信丹經非妄言此身法報本無二他年

妙絕兼形魂公自注傳燈錄有形神俱妙者乃不復有解化之事

杜牧之詩公道世間惟白髮法報法身報身也字見華嚴合論

十一月九日夜夢與人論神仙道術因作一詩

八句既覺頗記其語錄呈子由弟後四句不甚

明了今足成之耳

析塵妙質本來空公自注夢中於此句若了然有所得者更積微陽一線功照夜

一燈長耿耿閉門千息自濛濛養成丹竈無煙火點盡

人間有暈銅寄語山神停伎倆不聞不見我何窮

楞嚴經又鄰虛塵析入空者用幾色相合成虛空傳燈錄壽州道樹禪師得法於北宗秀在壽州三峰山結茅而居有一野人常化作佛及菩薩羅漢天仙等形或

放神光或呈聲響如此涉十年後寂無形影師告衆曰野人作多色伎倆眩惑於人只消老僧不見不聞伊伎倆有窮吾不見不聞無盡

章質夫送酒六壺書至而酒不達戲作小詩問

之章濠浦城人從聖初知廣州見李史本傳

白衣送酒舞一作淵明急掃風軒洗破觥豈意青州六從

事化為烏有一先生空煩左手持新蟹漫繞東籬嗅落

英南海使君今北海定分百榼餉春耕

王注章時為廣帥孔融為北海復濟陽錄王禹玉以錢二萬兩十壺餉公嘗相嘗有樽中酒不空語故云

小圃五詠

人參

上黨天下脊遼東真井底玄泉傾海腴白露灑天醴靈

苗此孕毓肩肢一作股或具體移根到羅浮越水灌清泚地

殊風雨隔臭味終祖禰青極綴紫萼圓實墮紅米窮年

生意足黃土手自啟上藥無炮炙齧齧盡根柢開心定

魂魄憂恚何足洗糜身輔吾生一作軀既食首重稽

本草人參生上黨山谷及遼東釋名人參一名海腴春秋運斗樞瑤光星化而為人參故又名神草隋書五行志高祖時上黨人宅後每夜有人呼聲求之不得去宅一里所見人參枝葉異常掘之得人參一如人體四肢畢備本草圖經人參初生小者一極兩葉年深者生四極各五葉中心一莖有花細小如粟藥如絲紫白色秋後結子如大豆青生熟紅白落藥性論人參主安精神定魂魄開心益智

地黃

地黃飼老馬可使光鑒人吾聞樂天語喻馬施之身我
衰正伏櫪垂耳氣不振移栽附沃壤蕃茂爭新春沈水

得穉根重湯養陳薪投以東阿清和以北海醇崖蜜助

甘冷山薑發芳辛融為寒食餽嚙作瑞露珍丹田自宿

火渴肺還生津願餉內熱子一洗胸中塵

白樂天採地黃者詩凌晨荷鍤去薄暮不盈筐攜來朱家門賣與白面郎與君啖肥馬可使照地光願易馬殘粟救此苦饑腸本草地黃宜肥壤虛地則根大而多汁本草陶隱居云阿膠出東阿其用皮有老少則膠有清濁又崖蜜生南方巖嶺間入藥最勝杜子美成州詩崖蜜亦易求釋名糖之清者為餽纂異記甘珍逢三書生曰我有瑞露珍釀百花中與飲甘香可愛天寶遺事楊貴妃含玉嚙津以解肺渴

枸杞

神藥不自閔羅生滿山澤日有牛羊憂歲有野火厄越

俗不好事過眼等茨棘青萸春自長絳珠爛莫摘短籬

護新植紫筍生臥節根莖與花實收拾無棄物大將玄

化云忽生跳出題
外方有變化美名
一板佳保去字法

吾鬢小則餉我客似聞朱明洞中有千歲質靈虬或夜
吠可見不可索仙人儻許我借杖扶衰疾

詩小雅楚楚者茨言抽其棘本草枸杞冬採根春夏採葉秋採莖實又枸杞久服
輕身不老一名仙人杖劉禹錫枸杞井詩枝繁本是仙人杖根老能成瑞犬形詩
國風無使虬也吠
又靈虬注見本卷

甘菊

越山春始寒霜菊晚愈好朝來出細粟稍覺芳歲老孤
根蔭長松獨秀無眾草晨光雖照耀秋雨半摧倒先生
臥不出黃葉紛可掃無人送酒壺空腹嚼珠寶香風入
牙頰楚些發天藻新萸蔚已滿宿根寒不槁揚揚弄芳
蝶生死何足道頗訝昌黎公一作翁恨爾生不早

紀云寓慨深至

先生記菊帖云嶺南地暖而菊獨後開考其理菊性介烈須霜降乃發而嶺海常
以冬至微霜故也吾以十月望與客泛菊作重九書此為記唐太宗殘菊詩階蘭
凝曙霜岸菊照晨光范至能譜序惟甘菊一種可食仍入藥餌楚些注已見神仙
傳王母云神仙之書受而不敬是謂慢天藻韓退之秋懷詩鮮鮮霜中菊既晚何
用好揚揚弄芳
蝶爾生還不早

薏苡

伏波飯薏苡禦瘴傳神良能除五谿毒不救讒言傷讒
言風雨過瘴癘久亦亡兩俱不足治但愛草木長草木
各有宜珍產駢南荒絳囊懸荔支雪粉剖枕榔不謂蓬
荻姿中有藥與糧春為芡珠圓炊作菰米香子美拾橡
栗黃精誑空腸今吾獨何者玉粒照座光

鄴道元水經注武陵有五谿謂雄谿橘谿酉谿元谿辰谿謂之五谿蠻後漢馬援
傳初援在交趾常餌薏苡以勝瘴氣軍還載之一車及卒後有譖之者以為前所

紀云忽以議論裝
頭此亦章法又別
查云年之開白轉

載皆明珠文犀再見蔡君謨荔枝詩厚葉纖枝雜絳囊使君分寄驛人忙臨海異
物志枕柳皮中有白粉似稻米及麥麵可作餅餌崔豹古今注芡一名鴈頭廣雅
鷄頭謂之菝芡歐陽永叔食雞頭詩爭先園客採新苞剖蚌得珠從海底本草薏
苡米白色如糯米呼為薏珠子春熟炊為飲食氣味如麥飯乃佳宋玉賦主人之
女為臣炊彫胡之飯註彫胡菰米也廣雅菰蔣其米謂之彫胡杜子美寓居
同谷縣詩歲拾橡栗隨狙公又黃精無苗山雪盛短衣數挽不掩脛再見

雨後行菜 一本菜字下才圃字

夢回聞雨聲喜我菜甲長平明江路濕並岸飛雨漿天
公真富有乳膏瀉黃壤霜根一蕃滋風葉漸俯仰未任
筐筥載已作杯盤一作想艱難生理窄一味敢專饗小摘
飯山僧清安寄真賞芥藍如茵葷脆美牙頰響白菘類
羔豚冒土出躡掌誰能視火候小竈當自養小陶公田園詩

詩國風于以盛之維筐及筥杜子美詩自鉏稀菜甲小摘為親情劉惔嶺南異物
志南土芥高五六尺芥心嫩薑謂之芥藍陳仁玉園譜芝菌最為上品葷凡九種

霜根四句寫得生動

味極香美海錄碎事江東人呼地菌為土困陸佃埤雅菘葉如蕪菁
性凌冬晚凋故曰菘俗謂之白菜左傳宣二年宰夫胹熊蹯不熟

殘臘獨出二首 小南草溪注惠州西湖志載此詩題作殘臘獨出湖上

幽尋本無事獨往意自長釣魚豐樂橋採杞逍遙堂羅
浮春欲動雪日有清光處處野梅開家家臘酒香路逢
眇道士疑是左元放我欲從之語恐復化為羊

杜子美詩江路野梅香神仙傳左慈字元放徐墮有道德居丹徒慈過之墮門下
客欺慈云徐公不在慈便去客報徐公有一老翁眇目吾欺之云公不在矣公曰
咄咄此是左公過我化羊事屢見

江邊有微行詰曲背城市平湖春草合步到栖禪寺堂
空不見人老稚掩關睡所營在一食食已寧復事客來
豈無得施子靜掃地風松獨不靜送我作鼓吹

通首酷寫靜境
結云風松獨不靜
此是反托之法

詩國風遵彼微行陶淵明詩
傾身營一飽少許便有餘

新年五首

紹聖三年先生年六十一在惠州即古白
鶴基始營新居故有結茅來此住之句

曉雨暗人日春愁連上元水生挑菜渚煙濕落梅村小
市人歸盡孤舟鶴踏翻猶堪慰寂寞漁火亂黃昏

荆楚歲時記正月七日謂
之人日以陰晴卜豐耗

北渚集羣鷺新年何所之盡歸喬木寺分占結巢枝生
物會有役謀身各及時何當禁畢弋看引雪衣兒

江掩擬雜體詩問君亦何為百年會有役談苑李昉五禽呼
鷺為雪客天寶遺事楊貴妃鸚鵡名雪衣娘詩借用其字耳

海國空自煖春山無限清冰谿結一作瘴雨雪菌到江城
更待輕雷發先催凍笋生豐湖有藤菜似可敵尊羹

亦是杜語

查云格律純學
少陵

三年白未詳必有
所括觀未二由自見

一統志豐湖在惠州府城西廣十里有漱玉灘點翠洲諸勝
中產藤菜王注先生嘗言豐湖有燕脂藤味滑美大類蓴

小邑浮橋外青山石岸東茶槍燒後有麥浪水前空萬
戶不禁酒三年真識翁結茅來此住歲晚有無同

茶譜蘄州團黃茶本集先生詩餘叙云余也釀酒名萬家春蓋後南萬
有一槍兩旗之號戶酒也

荔子幾時熟花頭今已繁探春先揀樹買夏欲論園居
士常攜客參軍許叩門明年更有味懷抱帶諸孫

二月八日與黃燾僧曇穎過逍遙堂何道士宗

一問疾先生與程正補書云本州黃燾推官甚廉幹郡中珠履之
不知筆刻能及之否如道與緣自達

安心守玄牝閉眼覓黃庭問疾來三士澆愁有半餅風
松時落藥病鶴不梳翎樽空我歸去山月照君醒

竟體裁對絕不
見排比之迹故由
筆妙

先生賀子由生第四
孫待早謀二頃田莫
待八州督自注云吾
前後典八州

次韻高要令劉湜峽山寺見寄

新聞妙無多舊學閑可束猶當隱季主未遽逃梅福空
腸吐餘思靜似蠶綴族寸田結初果秀若銅生綠荆棘
掃誠盡黎棗憂不熟高人寧鑄金下士乃服玉君看嶺
嶠隘我欲巾笥蓄曾攀羅浮頂亦到朱明谷旋觀真歷
塊歸臥甘破屋故人老猶仕世味薄如穀偶從越女笑
不怕蠻江浴驚聞尺書到喜有新詩辱應憐五管客曾
作八州督骨銷讒口鏘膽破獄吏酷隴雲不易寄江月
乃可掬遙知清遠寺不稱空明腹蹇驢步武碎短瑟絃
柱促仰看泉落珮俯聽石響轂千峰瀉清駛一往無回

公自注藝天焰見
退之詩

躅狂雷失晤語過電不容目要知僧長饑正坐山少肉

人閒無南北蝸角空出縮仇池九十九公自注仇池有九十九泉余嘗夢至有詩嵩

少三十六公自注子由近買田陽翟北望嵩少甚近天人同一夢仙凡無兩錄陋邦

真可老生理亦麤足便回熱天焰長作照海燭公自注黃魯直寄詩

云蓮花合裏一寸燭牝馬海中燒百川魯直蓋近有得也

史記日者傳司馬季主楚人也卜于長安市本草生銅皆有青蓋銅之精華也抱朴子服玉當得璞玉以屑與水服之令人不死北史李預傳得餐玉之法乃採訪

藍田掘得百枚作屑食之經年有效韓退之詩吾老世味薄又洪濤春天禹穴幽越女一笑三年留舊唐書永徽後以廣桂容邕安南皆隸廣府謂之五府節度使

名嶺南五管又韓退之詩五管徧歷無賢侯王注引莊子謬晉書陶侃字士行嘗如廁見一人朱衣介憤斂袂曰君後當為公位至八州都督按先生有詩云八州

憐我往來頻即紀實也史記鄒陽上梁王書衆口鏘金積毀銷骨南史王融矯詔立竟陵王子良太學生魏準鼓成其事及融誅準懼而死舉體皆青時以為膽破

于良史詩掬水月在手韓退之詩雷驚雷激語難聞傳燈錄司馬頭陀自湖南來百丈謂之曰老僧欲住為山可乎對曰為山奇絕可聚千五百衆然非和尚所住

百丈云何謂也對云和尚是骨人彼是肉山設居之徒不盈于百矣西京賦光焰燭天庭韓退之詩居然妄推讓見謂熱天焰

施註蘇詩卷之三十一

施註蘇詩卷之三十七

長洲顧嗣立

漫堂先生宋

榮

毗陵邵長蘅

刪補

樸園先生張榕端

商丘宋

至

詩五十一首

起在惠州泊紹聖丁丑再貶儋耳作

食荔枝二首

并引

堯佐仁宗朝參知政事

惠州太守東堂祠故相陳文惠公堂下有公手植

荔枝一株郡人謂之將軍樹今歲大熟賞啖之餘

下逮吏卒其高不可致者縱猿取之

丞相祠堂下將軍大樹旁炎雲駢火實瑞露酌天漿爛

紫垂先熟高紅挂遠揚分甘徧鈴下也到黑衣郎

杜子美蜀相詩丞相祠堂何處尋後漢馮異傳每所止舍常獨屏樹下軍中號大樹將軍韓退之游青龍寺詩然雲燒樹火實駢詩幽風取彼斧斨以伐遠揚注遠枝揚起也漢司馬遷傳李陵素與士大夫絕甘分少能得人之死力晉王羲之傳有一味之甘割而分之不敢專饗羊祜傳鈴閣之下侍衛不過數十人宣室志張長史質凶屋以居觀黑衣人樹上擲瓦見擊其弟射殺之乃猿也

羅浮山下四時春盧橘楊梅次第新日啖荔枝三百顆

不辭長作嶺南人王子敬帖有奉柑三百顆之語蘇州詩云書後欲題三百顆洞庭須待滿林霜

鄭熊番禺雜編余在南中五年每食荔枝幾與飯相半

和子由盆中石菖蒲忽生九花

春萸秋莢兩須臾神藥人間果有無無鼻何由識蔭蔔
有花今始信菖蒲芳心未飽兩蛺蝶寒意知鳴幾螻蛄

何義門云菖蒲花形如蛺蝶

記取明年十二節小兒休更籥霜鬢

本草陶隱居補注云真菖蒲葉有脊四月五月亦作小釐花也南史梁武帝母張皇后見之曰見菖蒲花者當富貴因取吞之生武帝本草圖經菖蒲亦有一寸十二節者張籍菖蒲詩石上生菖蒲一本藥城集石盆種菖蒲甚茂忽開八九花或云十二節仙人勸我食令我頭青面如雪此花壽祥也遠因生口作頌亦存賦

遷居 并引

吾紹聖元年十月十二日至惠州寓合江樓是月

十八日遷於嘉祐寺二年三月十九日復遷於合

江樓三年四月二十日復歸於嘉祐寺時方卜築

白鶴峰之上新居成庶幾其少安平

前年家水東回首夕陽麗去年家水西溼面春雨細東

西兩無擇緣盡我輒逝今年復東徙舊館聊一憇已買

先生和陶集曰老出成三月自水東嘉祐寺遷合江樓迄今一年多病鮮歡頌懷亦東之樂日歸善縣後陳地為畝父老云此古白鶴觀也云欣然欲居之云白鶴新居成自嘉祐寺遷入此例以時軍詩云斯是斯夕言息其塵世似予茲也

白鶴峰規作終老計。長江在北戶。雪浪舞吾砌。青山滿
牆頭。髮鳥巢切鬢幾雲髻。雖慚抱朴子。金鼎陋蟬蛻。猶賢柳
柳州。廟俎薦丹荔。吾生本無待。俯仰了此世。念念自成
劫。塵塵各有際。下觀生物息。相吹等蚊蚋。

劉禹錫詩髮鬢雲鬟宮樣粧古樂府頭上阿墮髻音義竝同謂髮美貌晉葛洪傳
所著書言黃白之事絨之金匱自號抱朴子因以名書後忽坐至日中兀然若睡
而卒舉尸入棺甚輕如空衣世以為尸解得仙云又云上士舉形昇虛謂之天仙
中士遊於名山謂之地仙下士先死後蛻謂之尸解仙韓退之羅池廟碑羅池者
故刺史柳侯廟也其詞曰荔子丹兮蕉葉黃雜肴蔬兮進侯堂續仙傳丁約謂韋
子威曰郎君得道尚隔兩塵子威問其故約曰儒謂之世釋謂之劫道謂之塵莊
子逍遙游野馬也塵埃也生物之以息相吹也

兩橋詩 并引

惠州之東江谿合流有橋多廢壞以小舟渡羅浮

道士鄧守安始作浮橋以四十舟為二十舫鐵鎖
石矧隨水漲落榜曰東新橋州西豐湖上有長橋
屢作屢壞栖禪院僧希固築進兩岸為飛樓一作閣九
間盡用石鹽木堅若鐵石榜曰西新橋皆以紹聖
三年六月畢工作二詩落之

東新橋

羣鯨貫鐵索。背負橫空霓。首搖翻雪江。尾插崩雲谿。機
牙任信縮。漲落隨高低。輓轡卷巨索。青蛟挂長堤。奔舟
免狂觸。脫筏防撞擠。一橋何足云。謹傳廣東西。父老有
不識。喜笑爭攀躋。魚龍亦驚逃。雷電生馬蹏。嗟此病涉

久公私困畱稽。姦民食此險。出沒如鳧鷖。似賣失船壺。
如去登樓梯。不知百年來。幾人隕沙泥。豈知濤瀾上。安
若堂與閨。往來無晨夜。醉病休扶攜。使君飲我言。妙割
無牛鷄。不云二子勞。歎我捐腰犀。公自注。士造橋。予嘗助施犀帶。我亦壽使
君。一言聽扶藜。常當修未壞。勿使後噬臍。

鷗冠子學問篇中流失船一壺千金。遜齋間覽壺乃今所謂浮環者。凡渡江海必預備浮環以虞風濤覆溺之患。其形如環而空中用帛為帶。挂之項上。出兩手以按之。則浮而不溺。可以待救。至今浙人呼為壺後。漢劉表傳。表子琦與諸葛亮謀自安之術。亮初不對。後乃共升高樓。因令去梯。語亮云。世說殷浩廢後。恨簡文曰。上人著百尺樓上。僮將去。鄭審天寶故事。楊國忠本張易之子。天授中。易之恩幸無比。每歸私第。詔令居樓上。仍去梯。母恐絕嗣。乃令女奴駢珠上樓。遂生國忠。左傳。莊六年。若不早圖。後君噬臍。

西新橋

昔橋木千柱。挂湖如斷霓。浮梁陷積淖。破板隨奔谿。笑
看遠岸沒。坐覺孤城低。聊因三農隙。稍進百步隄。炎州
無堅植。潦水輕推擠。千年誰在者。鐵柱羅浮西。獨有石
鹽木。白螳不敢躋。似開銅駝峰。如鑿鐵馬蹏。岌岌類鞭
石。山川非會稽。嗟我久閣筆。不書紙尾鷺。蕭然無尺靠。
欲構飛空梯。百夫下一杙。椽此百尺泥。公自注。橋柱石礫之下。皆有堅木。椽入泥中。丈餘。謂之頂椿。探囊賴故侯。寶錢出金閨。公自注。子由之婦史。頃入內。得賜黃金錢數千。以助施。父老
喜雲集。簞壺無空攜。三日飲不散。殺盡西村鷄。似聞百
歲前。海近湖有犀。公自注。橋下舊名鱉湖。蓋常有鱉鱉之類。那知陵谷變。枯瀆生芟
藜。後來勿忘今。冬涉水過臍。

漢韋玄成傳天雨淖注云淖泥也會稽錄秦始皇作石橋欲過海觀日出處有神人驅石下海石去不速神輒鞭之流血三齊畧記亦云法帖中有王氏一帖最後大書一驚字相傳此帖之珍所酬至五十餘萬云爾雅穢謂之杙注糜也

悼朝雲 并引

紹聖元年十一月戲作朝雲詩三年七月五日朝

本集卷之三朝雲錢塘人年二十有三年

雲病亡於惠州葬之栖禪寺松林中東南直大聖

塔予既銘其墓且和前詩以自解朝雲始不識字

晚忽學書麤有楷法蓋嘗從泗上比丘尼義冲學

佛亦畧聞大義且死誦金剛經四句偈而絕 先生於朝雲公墓

苗而不秀豈其天不使童烏與我玄駐景恨無千歲藥

前作六如亭蓋取經中如夢幻泡影如露亦如電之語

贈行惟有小乘禪傷心一念償前債彈指三生斷後緣
歸臥竹根無遠近夜燈勤禮塔中仙

揚子育而不苗者吾家之童烏乎九齡而與我玄文按此言朝雲所生之子幹兒未百日而亡也杜子美少年行共醉終同臥竹根

丙子重九二首

三年瘴海上越嶠真我家登山作重九蠻菊秋未花惟
有黃茅浪堆壠生坳窠蠶酒蘖衆毒酸甜如梨櫨何以
侑一樽鄰翁餽畫蛇亦復強取醉歡謠雜悲嗟今年吁
惡歲僵仆如亂麻此會我雖健狂風卷朝霞使我如霜
印孤光挂天涯西湖不欲往暮樹號寒鴉

西湖惠州西湖也朝雲墓在湖上

窮途不擇友。過眼如亂雲。餘子誰復數。坐閱兩使君。共
飲去年堂。俯看秋水紋。此水與此人。相追兩泫泫。老去
各休息。造物嗟長勤。佳哉此令節。不惜與子分。何以娛
我客。遊魚在清澗。水師三百指。鐵網欲掩羣。獲多雖一
快。買放尤可欣。此樂真不朽。明年我歸耘。

白鶴峰新居欲成夜過西鄰翟秀才二首

林行婆家初閉戶。翟夫子舍尚留關。連娟缺月黃昏後

縹緲新居紫翠間。繫悶豈無羅帶水。割愁還有劍鉞山。

公自注韓退之云水作青羅帶山如碧玉簪柳子厚
云海上海峰若劍鉞秋來處處割愁腸皆嶺南詩也

中原北望無歸日

鄰火村春自往還

壘間畢卓防偷酒。壁後匡衡不點燈。待鑿平江百尺井。
要分清署一壺冰。佐卿恐是歸來鶴。次律寧非過去僧。
他日莫尋王粲宅。夢中來往本何曾。

晉畢卓盜飲注已見西京雜記匡衡好讀書家貧無油燭乃鑿鄰壁映光廣異記
天寶中玄宗重陽日獵沙苑有孤鶴飛帝射之中戴箭西南而去益州道觀第一
院有青城山道士徐佑卿寄寓一日自外持一箭歸曰吾行山中為飛矢所加因
挂箭於壁書月日且言後年箭主到此付之及玄宗幸蜀至觀見之乃沙苑縱獵
之日所射箭也廣德神異記亦云仍云觀即明月觀房瑄字
次律前世為僧事再見杜子美詩應同王粲宅畱井硯山前

次韻子由所居六詠

堂前種山丹。錯落馬腦盤。堂後種秋菊。碎金收辟寒。草
木如有情。慰此芳歲闌。幽人正獨樂。不知行路難。

王子年拾遺記魏明帝時昆明國貢嗽金鳥常吐金屑如粟此鳥畏霜雪乃起小
屋處之名辟寒臺宮人爭以所吐金為銀飾謂之辟寒金故相嘲曰不得辟寒金

那得聖人心西
陽雜俎亦云

詩人故多感。花發憶兩京。石榴有正色。玉樹真虛名。粲粲秋菊花。卓為霜中英。莫槃照重九。纈藥兩鮮明。

杜子美立春詩春日春繁細生菜忽憶兩京梅發時漢揚雄甘泉賦翠玉樹之青蔥按子由詩云後庭桂草盛憐汝計興亡注云矮鷄冠即玉樹後庭花故此和章及之

幽居有古意。義井分西牆。誰言三伏熱。止須一杯涼。先生坐忍渴。羣囂自披猖。眾散徐酌飲。逡巡味尤長。

韓退之詩紛紛百家起詭怪相披猖晉阮瞻傳瞻常羣行冒熱渴甚逆旅有井眾人競趨之瞻獨逡巡在後須飲者畢乃進其夷退無競如此

先生飯土墻。無物與劉叉。何以娛醉客。時覲砌下花。井水分西鄰。竹陰借東家。蕭然行脚僧。一身寄天涯。

史記秦始皇紀二世曰吾聞之韓子曰堯舜採椽不刮茅茨不剪飯土墻啜土飶雖監門之養不穀於此唐韓愈傳劉叉持愈數斤金去再見

東齋手種柏。今復幾尺長。知有桓司馬。榛茅為遮藏。近

聞南臺松。新枝出餘僵。年來此懷抱。豈復一作驚凡七。

史記孔子適宋與弟子習禮大樹下宋桓司馬雖欲殺孔子拔其樹孔子遂去凡七出莊子田子方篇詳見二十二卷王仲父哀辭注

新居已覆瓦。無復風雨憂。橙栽與籠竹。小詩亦可求。尚欲煩貳師。刺山出飛流。應須鑿百尺。兩縛載一牛。

杜子美堂成詩橙林礙日吟風葉籠竹和烟滴露梢又有與何十少府覓橙栽從韋二明府覓綿竹詩後漢耿恭傳匈奴擁絕澗水恭於城中穿井十五丈不得水恭歎曰昔貳師將軍拔佩刀刺山飛泉湧出乃整衣服向井再拜有頃水泉轉出

吳子野絕粒不睡過作詩戲之芝上人陸道士

皆和予亦次其韻

聊為不死五通仙。終了無生一大緣。獨鶴有聲知半夜。

字子厚眉山人
蘇詩文卷四

老蠶不食已三眠憐君解比人間夢

公自注芝有夢齋子由作銘

許我時

逃醉後禪會與江山成故事不妨詩酒樂新年

華嚴經寶輪妙莊嚴世界有佛名功德海光明輪於彼時為五通仙現大神通六萬諸仙前後圍繞圓覺經心悟實相具無生忍杜子美飲中八仙歌蘇晉長齋繡

佛前醉中往
往愛逃禪

次韻惠循二守相會

陰字韻四詩墨蹟及惠守和篇並藏吳興秦氏此詩云軾次韻南圭使君與循

州倡酬一首循州蓋周彥質字文之已見三十六卷有答周循州詩南圭使君乃惠州守方子容後題云因見二公唱和之盛忽破

戒作此詩與文之一闕
訖即焚之慎勿傳也

共惜相從一寸陰酒杯雖淺意殊深且同月下三人影
莫作天涯萬里心東嶺近開松菊徑南堂初絕斧斤音
知君善頌如張老猶望攜壺更一臨

禮記晉獻文子成室張光曰美哉輪焉美哉奐焉歌於斯哭於斯聚國族於斯文子北面再拜稽首君子謂之善頌善禱

又次韻二守許過新居

先生真蹟云軾啟疊蒙寵示佳篇仍許過顧新居謹依韻上謝伏望

笑覽集本作曉臆清快墨蹟作明快後題云一閱訖幸毀之切告切告集本與後詩相連題云次韻二守同訪新居以墨蹟觀之非

也今析題為二且載南圭一詩使託名先生集中藉以不朽云按南圭詩今缺

數畝蓬蒿古縣陰曉牕明一作清快夜堂深也知卜築非真

宅聊欲跣趺看此心聞道攜壺問奇字更因登木助微

音相娛北戶江千頃直下都無地可臨

大毗婆娑論結跏趺坐是相圓滿禮記檀弓孔子之故人曰原壤其母死夫子助之沐椁原壤登木曰久矣予之不託於音也歌曰狸首之斑然執女手之卷然王簡栖頭陀寺碑飛閣流丹下臨無地

又次韻二守同訪新居

墨跡云次韻南圭文之二太守同過白鶴新居之什伏望採覽後云

請一呈文之便
毀之切告切告

此生真欲老牆陰。卻掃都忘歲月深。拔薤已觀賢守政。
折蔬聊慰故人心。風流賀監常吳語。憔悴鍾儀獨楚音。
治狀兩邦俱第一。潁川歸去可重臨。

劉禹錫牆陰歌莫言牆陰數尺閒老盡主人如等閑拔薤用後漢龐參任棠事詳廿四卷遺直坊詩注陶淵明詩窮巷隔深轍頗回故人車歡然酌春酒摘我園中蔬杜子美遺興詩賀公雅吳語在位常清狂左傳成九年晉侯觀於軍府見鍾儀問之曰南冠而縶者誰也有司對曰鄭人所獻楚囚也使稅之問其族對曰泠人也公曰能樂乎對曰先父之職官也敢有二事使與之琴操南音互見十七卷陳州與文郎詩注漢黃霸傳為潁川太守治為天下第一徵守京兆尹坐貶秩有詔歸潁川前後八年郡中愈治

循守臨行出小鬟復用前韻

學語雛鶯在柳陰。臨行呼出翠帷深。通家不隔同年面。

公自注文之與南圭令弟同年得路方知異日心。趁著春衫遊上苑。要求國手教新音。嶺梅不用催歸騎。截鞚須防舊所臨。
公自注文之嘗倅韶撫言崔沆判罰盧瑑曰紫陌尋春便隔同年之面青雲得路可知異日之心截鞚唐姚元崇牧荊州事已見

種茶

松間旅生茶。已與松俱瘦。茨棘尚未容。蒙翳爭交構。天公所遺棄。百歲仍稚幼。紫笋雖不長。孤根乃獨壽。移栽白鶴嶺。土軟春雨後。彌旬得連陰。似許晚遂茂。能忘流轉苦。戢戢出鳥味。未任供白磨。且可資摘嗅。千團輸大官。百餅銜私鬪。何如此一啜。有味出吾囿。

後漢光武紀野穀旅生註旅寄也陸羽茶經紫者上綠者次荀者上芹者次又建人謂鬪茶為茗戰茶譜蜀州雀舌鳥嘴麥顆故用鳥味字

茶根移種徑雨而生
信居殆用自况
曰天之所遺棄
忘流轉苦詞旨了
然可見

白鶴山新居鑿井四十尺遇磐石石盡乃得泉
海國困蒸溽新居利高寒以彼陟降勞易此寢處乾但
苦江路峻常慙汲腰酸矻矻煩四夫磽磽斲層巒彌旬
得尋丈下有青石磐終日但迸火何時見飛瀾豐我粲
與醪利汝椎與鑽山石有時盡我意殊未闌今朝僮僕
喜黃土復可搏晨瓶得雪乳莫甕停冰湍我生類如此
何適不艱難一勺亦天賜曲肱有餘歡

詠難二字是通言
點睛處

三月二十九日二首

南嶺過雲開紫翠北江飛雨送淒涼酒醒夢回春盡日
閉門隱几坐燒香

門外橘花猶的樂牆頭荔子已爛斑樹暗草深人靜處
捲簾欹枕臥看山

吾謫海南子由雷州被命即行了不相知至梧
迺聞尚在藤也旦夕當追及作此詩示之

九疑聯縣屬衡湘蒼梧獨在天一方孤城吹角煙樹裏
落日未落江蒼茫幽人拊枕坐歎息我行忽至舜所藏
江邊父老能說子白須紅頰如君長莫嫌瓊雷隔雲海
聖恩尚許遙相望平生學道真實意豈與窮達俱存亡
天其以我爲箕子要使此意畱要荒他年誰作輿地志
海南萬古真吾鄉

鶴林云雷日子瞻
謂儋州子由謂雷海
皆字博取其字之
偏者而謂之時有
初士曰儋字在立人
子瞻其壯悍乎
雷字而在天上承天
之澤子由其未艾
身後皆驗

李太白遠別離九疑聯綿皆相似薛士昭九疑山圖記道州寧遠縣南六十里有九疑山山有九峰一曰蕭韶二曰女英三曰石城四曰娥皇五曰朱明六曰桂林七曰華蓋八曰巴林九曰石樓周回百餘里其形相似見者疑之故曰九疑蒼梧今梧州前志云舜葬於此記曰葬者藏也古樂府白紵歌愁來夜遲猶歎息拊枕思君終反側杜子美詩棣萼一別永相望後漢東夷歲國傳昔武王封箕子於朝鮮箕子教以禮義田蠶又制八條之教其人終不相盜無門戶之閉婦人貞信飲食以籩豆尚書五百里要服五百里荒服孔氏云緩服外之五百里要束以文教要服外之五百里言荒又簡畧也南史顧瑩王撰輿地志三十卷行於世

行瓊儋間肩輿坐睡夢中得句云千山動鱗甲

萬谷酣笙鐘覺而遇清風急雨戲作此數句

四州環一島百洞蟠其中我行西北隅如渡月半弓登

高望中原但見積水空此生當安歸四顧真途窮眇觀

大瀛海坐詠談天翁茫茫太倉中一作區區一米誰雌雄幽

懷忽破散永嘯來天風千山動鱗甲萬谷酣笙鐘安知

紀云安知以下以此此托好長壽源為此居古方不第第

非羣仙鈞天宴未終喜我歸有期舉酒屬青童急雨豈無意催詩走羣龍夢雲忽變色笑電亦收容應怪東坡老顏衰語徒工久矣此妙聲不聞蓬萊宮紀云信言又傲此

四州言瓊崖儋萬也漢賈捐之傳云朱崖儋耳郡皆在南方海中洲居史記孟子傳騶衍言中國名曰赤縣神州內有九州禹之序九州是也不得為州數中國外如赤縣神州者九乃所謂九州也於是有裨海環之人民禽獸莫能相通乃有大瀛海環其外天地之際焉又鄒衍之術迂大而闊辨故齊人頌曰談天衍莊子秋水篇計中國之在海內不似稊米之在大倉乎又則陽篇通達之中有魏於魏中有梁於梁中有王王與蠻氏有辯乎列子周穆王篇王及化人之宮實以為清都紫微鈞天廣樂帝之所居魏夫人傳青童君來降夫人之別寢命青華玉女烟景珠擊西盈之鐘夢雲用宋玉高唐賦笑電用玉女投壺事竝已見

次前韻寄子由

我少即多難遭回一生中百年不易滿寸寸彎強弓老矣復何言榮辱今兩空泥洹尚一路公自注古語云十方薄伽梵

紀云亦極奇恣

仇池福地東坡在
疑也夢夢一玉見
四十二卷桃花源
詩引

溼所向餘皆窮似聞崆峒西仇池迎此翁胡為適南海
復駕垂天雉下視九萬里浩浩皆積風回望古合州屬
此琉璃鐘離別何足道我生豈有終渡海十年歸方鏡
照兩童還鄉亦何有暫假壺公龍裁看向我笑錦水為
君容天人巧相勝不獨數子工指點昔遊處蒿萊生故
宮

仇池注詳三十二卷雙石詩再見唐地理志雷州海康郡本合州貞觀元年更名
漢書項羽贊舜蓋重童子項羽又重童子童即瞳也西京雜記高祖初入咸陽宮
周行庫藏云云有方鏡廣四尺九寸高五尺表裏有明人直來照之影則倒見以
手掩心即見五臟有病則知所在後漢費長房傳有老翁賣藥懸一壺於市肆市
罷翁跳入壺中長房見而異焉因詣翁俱入壺中於是隨入深山長房辭歸與一
竹杖曰騎此任所之既至可以杖投葛陂中也長房乘杖須臾來歸即以杖投陂
顧視則龍也互見八卷刁景純席上詩注丹臺錄謝元一名壺公乃費長房所
見暮入空壺者史記伍子胥傳申包胥謂子胥曰人眾者勝天天定亦能勝人

安期生

并引

安期生世知其為仙者也然太史公曰蒯通善齊
人安期生生嘗以策干項羽羽不能用羽欲封此
兩人兩人終不肯受亡去見漢蒯通傳予每讀此未嘗不
廢書而歎嗟乎仙者非斯人而誰為之故意戰國
之士如魯連虞卿皆得道者歟

安期本策士平日交蒯通嘗干重瞳子不見隆準公應
如魯仲連抵掌吐長虹難堪踞牀洗寧挹扛鼎雄事既
兩大繆漂然籥遺風迺知經世士出世或乘龍豈比山
澤臞忍饑啖柏松縱使偶不死正堪為僕僮茂陵秋風

莫思偉論雄詩
古今化評

祀查本作祖云作祀查祀

客望祀猶蟻逢海上如瓜棗可聞不可逢

列仙傳須於食柏實俛伶食松實續仙傳大中間有野人體生綠毛云我即姚泓也食松柏得長生唐逸史亦云漢武帝葬茂陵李賀金人辭漢歌茂陵劉郎秋風客漢郊祀志武帝望祀蓬萊之王注次以日祖字括言漢高祖也云謂高祖也屬幾至殊庭如瓜棗注屢見不以見其期而况武帝乎

夜夢

并引 查注按本集謝表云四月十九日起離惠州七月三日已丑昌化軍記占本題正合

七月十三日至儋州十餘日矣澹然無一事學道

未至靜極生愁夜夢如此不免以書自怡

夜夢嬉遊童子如父師檢責驚走音書計功當畢春秋

餘今迺始及桓莊初怛然悸寤心不舒起坐有如挂鉤

魚我生紛紛嬰百緣氣固多習獨此偏弃書事君四十

年仕不顧一作願留書繞纏自視汝與丘孰賢易韋三絕丘

韓退之與贖男女狀檢查如累

猶然如我當以犀革編

本坡以嘉祐二年丁酉中第五紹聖四年丁丑照錄身道四十年

韓退之詩歸舍不能食有如魚挂鉤更記孔子世家晚而喜易序象象說卦文言讀易韋編三絕左傳莊十二年衛人請南宮萬于陳飲之酒而以犀革裹之

遷居之夕聞鄰舍兒誦書欣然而作

幽居亂鼃黽生理半人禽楚然已可喜况聞弦誦音兒

聲自圓美誰家兩青衿且欣集齊味未敢笑越吟九齡

起韶石姜子家日南吾道無南北安知不生今海闊尚

挂斗天高欲橫參荆榛短牆缺燈火破屋深引書與相

和置酒仍獨斟可以侑我醉琅然如玉琴

毛詩子衿刺學校廢也青青子衿悠悠我心唐張九齡韶州曲江縣人韶州有韶石山姜公輔有高才敷奏詳亮德宗器之愛州日南人

聞子由瘦

公自注儋耳至難得肉

五日一見花猪肉十日一遇黃鷄粥土人頓頓食諸芋
薦以薰鼠燒蝙蝠舊聞蜜唧嘗嘔吐稍近蝦蟇緣習俗
十年京國厭肥羜日日烝花壓紅玉從來此腹負將軍
公自注俗諺云大將軍食飽捫腹而歎曰我不負汝左
右曰將軍固不負此腹此腹負將軍未嘗出少智慮也今者固宜安脫粟

人言天下無正味唧蛆未遽賢麋鹿海康別駕復何爲
帽寬帶落驚僮僕相看會作兩臞仙還鄉定可騎黃鶴

杜子美遣悶詩頓頓食黃魚又秦州詩充腸多諸芋朝整僉載嶺南獠民好爲蜜
唧唧鼠胎未瞬通身赤蠕者飼之以蜜釘之筵上躡躡而行以筋挾取咬之唧唧
作聲故曰蜜唧韓退之食蝦蟇詩余初不下喉近亦能稍稍詩小雅既有肥羜以
速諸父莊子齊物論民食芻豢麋鹿食薦唧蛆甘帶鷓鴣嗜鼠四者孰知正味九
域志雷州海康郡子由時責授雷州別駕漢西域傳烏孫公
主悲愁爲歌曰居常土思兮心內傷願爲黃鶴兮歸故鄉

客俎經旬無肉又子由勸不讀書蕭然清坐乃

無一事

病怯腥鹹不買魚爾來心腹一時虛使君不復憐烏攫
屬國方將掘鼠餘老去獨收人所弃游哉時到物之初
從今免被孫郎笑絳帕蒙頭讀道書

烏攫用黃霸傳事再見漢蘇武傳武在匈奴廩食不至掘野鼠奔草實而食之歸
拜典屬國漢貨殖傳白圭樂觀時變故人弃我取人取我予莊子老聃曰吾游於
物之初再見江表傳道士瑯琊于吉往來吳會立精舍讀道書制作符水以治病
人多事之策於郡城門樓會諸將賓客吉趨度門下諸將賓客三分之一下樓迎
之策怒收吉諸將連名陳乞策曰昔南陽張津爲交州刺史舍前聖典訓廢漢家
法律常著絳帕頭鼓琴燒香讀道書云以助化卒爲南夷所殺此甚無益諸君但
未悟耳今此子已在鬼錄
勿復費紙筆也卽命斬之

宥老楮

我牆東北隅張王張王並去聲維老穀樹先樗櫟大葉等桑柘

沃流膏馬乳漲。墮子楊梅熟。胡為尋丈地。養此不材木。
蹶之得輿薪。規以種松菊。靜言求其用。畧數得五六。膚
為蔡侯紙。子入桐君錄。黃繒練成素。黝面頰音作玉灌
灑烝生菌。腐餘光吐燭。雖無傲霜節。幸免狂醒毒。孤根
信微陋。生理有倚伏。投斧為賦詩。德怨聊相贖。

張王後漢班超傳遂雄張南道張音丁亮及韓退之笥詩得時今張王又劉禹錫
蒲桃歌張王日日高本草楮實一名穀實詩小雅爰有樹檀其下維穀又國風桑
之未落其葉沃若後漢宦者蔡倫傳自古書契多編以竹簡其用縑帛者謂之為
紙縑貴而簡重並不便於人倫乃造意用樹膚麻頭及敝布魚網以為紙天下咸
稱蔡侯紙唐藝文志有桐君藥錄三卷王注黃繒黃絹也世蓋以楮實練絹矣黝
面黑色也頰洗也顧命洮頰水是也一云楮汁能去面黝莊子蒸生菌又商丘大
木嗅之使人狂醒三日不已
子禍兮福所倚福兮禍所伏

觀碁

并引

子素不解碁嘗獨游廬山白鶴觀觀中人皆闔戶
晝寢獨聞碁聲於古松流水之間意欣然喜之自
爾欲學然終不解也兒子過迺龐能者儋守張中
日從之戲予亦隅坐竟日不以為厭也
五老峰前白鶴遺趾長松蔭庭風日清美我時獨游不
逢一士誰歟碁者戶外屨二不聞人聲時聞落子紋枰
坐對誰究此味空鉤意釣豈在魴鯉小兒近道剝啄信
指勝固欣然敗亦可喜優哉游哉聊復爾耳

禮記戶外有二屨言聞則入言不聞則不入北夢瑣言宣宗朝日本國王子入朝
帝令待詔顧師言與之對碁王子出紋楸玉局冷暖玉碁子蓋玉之蒼者如楸玉
色其冷暖者
因學記問誰歟碁者用枰之法
言冬暝夏涼

糴米

糴米買束薪百物資之市不緣耕樵得飽食殊少味再
拜請邦君願受一塵地知非笑昨夢食力免內愧春秧
幾時花夏稗忽已穉悵焉撫耒耜誰復識此意

入寺

曳杖入寺門輯杖挹世尊我是玉堂仙謫來海南村多
生宿業盡一氣中夜存已隨老鴉起饑食扶桑暎光圓
摩尼珠照耀玻璃盆不從佛印可稍覺魔忙奔閑看樹
轉午坐到鐘鳴昏斂收平生心耿耿聊自溫

楚辭遠遊一氣孔神兮於中夜存虛以待之兮無爲
之先又九歌暎將出兮東方照吾檻兮扶桑再見

次韻子由三首

東亭

仙山佛國本同歸世路玄關兩背馳到處不妨閑卜築
流年自可數期頤遙知小檻臨塵市定有新松長棘茨
誰道茅簷劣容膝海天風雨看紛披

東樓

白髮蒼顏自照盆董生端合是前身獨棲高閣多詞客
爲著新書未絕麟小醉易醒風力軟安眠無夢雨聲新
長歌自調真堪笑底處人間是所欣

公自注柳子厚詩云高
歌返故室自調非所欣

王注董生董仲舒也高閣新書意指仲舒下帷講
誦不窺園及著玉杯繁露等書特不泥本事耳

椰子冠

天教日飲欲全絲美酒生林不待儀自漉疎巾邀醉客
更將空殼付冠師公自注前漢高紀注云薛有作冠師規摹簡古人爭看簪導
輕安髮不知更著短簷高屋帽東坡何事不違時

漢袁盎傳字絲為吳相兄子種謂盎曰南方卑溼絲能日飲亡何詳四卷和劉道原詠史又屢見番禺雜編椰子中有汁二三升許蕃人好飲謂之椰子酒戰國策帝女儀狄造酒進之於禹漉巾用陶潛事屢見隋禮儀志簪導者簪所以建髮於冠導所以導櫟髮入巾幘之裏晉輿服志江左時楚人已著帽士人亦往往而然但其頂圓後乃高其屋云

次韻子由月季花再生

塵城集有所寫堂後月季再生與遠同賦詩

幽芳本長春暫瘁如蝕月且當付造物未易料枯枿也
知宿根深便作紫笋茁乘時出婉婉為我暖栗烈先生

枿 廣韵伐木餘枿

紀云借事扣寬
善于一立言

蚤貴重廟論推英拔而今城東瓜不記召南茨陋居有

遠寄小圃無闊躡還為久處訖坐待行年公自注子由明年六十臘

果綴梅枝春杯浮竹葉誰言一萌動已覺萬木活聊將

玉藥新公自注世謂此玫瑰花也插向綸巾折合注子由詩有何人從尋斧害去皆留枿偶乘秋雨滋冒土見微茁之內故

世說謝萬詣簡文著白綸巾鶴擎共談論折巾用郭林宗事再見

次韻子由浴罷

理髮千梳淨風晞勝湯沐閉息萬竅通霧散名乾浴顏

然語默喪靜見天地復時令具薪水漫欲濯腰腹陶匠

不可求盆斛何由足公自注海南無浴器故常乾浴而已老鷄臥糞土振羽雙

瞑目倦馬馱之善切風沙奮鬣一噴玉垢淨各殊性快愜聊

紀云此境東坡獨
關前與古人

自沃雲母透蜀紗。琉璃瑩斲竹。稍能夢中覺。漸使生處
熟。楞嚴在牀頭。妙偈時仰讀。反流歸照性。獨立遺所矚。
未知仰山禪。已就季主卜。安心會自得。助長毋相督。

楚辭離騷晞汝髮兮陽之阿淮南子湯沐具而蟻蝨弔噴玉字出穆天子傳詳廿
三卷迨作淮口遇風詩注傳燈錄老宿有語生疎處常令熱熱熱處處放令生疎
楞嚴經反流全一六用不行傳燈錄仰山惠寂禪師問香嚴近日見處如何香嚴
乃有偈曰去年貧未是貧今年貧始是貧去年無卓錫之地今年錫也無仰山曰
汝只得如來禪未得祖師禪張景
陽雜詩歲暮懷百憂將從季主卜

借前韻賀子由生第四孫斗老

今日散幽憂。彈冠及新沐。况聞萬里孫。已報三日浴。朋
來四男子。大壯泰臨復。開書喜見面。未飲春生腹。無官
一身輕。有子萬事足。舉家傳吉夢。殊相驚凡目。爛爛開

眼電。硤硤峙頭玉。

公自注季賀詩云頭玉硤硤
看刷翠杜郎生得真男子

但令強筋骨。可以

耕衍沃。不須富文章。端解耗紙竹。君歸定何日。我計久

已熟。長雷五車書。要使九子讀。

公自注吾與子
由共九孫男矣

簞瓢有內樂。

軒冕無流矚。人言适似我。窮達已可卜。蚤謀二頃田。莫

待八州督。

公自注吾前
後典八州

合注斗老疑述所生故詩中獨指述為言

幽憂字出莊子讓王篇彈冠用楚辭漁父竝已見周易復亨出入無疾朋來無咎
王注為有四男子故用大壯泰臨復句蓋一陽生則為復二陽生則為臨三陽生
則為泰四陽生則為大壯白樂天家醞詩捧疑明水從空化飲似陽和滿腹
春詩小雅吉夢維何維熊維羆男子之祥眼電晉王戎事再見适子由幼子

獨覺

瘴霧三年恬不怪。反畏北風生。體疥朝來縮。頸似寒鴉
焰火生薪聊一快。紅波翻屋春風起。先生默坐春風裏。

浮空眼纈散雲霞無數心花發桃李翛然獨覺午牕明
欲覺猶聞醉鼾聲回首向來蕭瑟處也無風雨也無晴

十二月十七日夜坐達曉寄子由

燈燼不挑垂暗藥爐灰重撥尚餘薰清風欲發鴉翻樹
缺月初升犬吠雲閉眼此心新活計隨身孤影舊知聞
雷州別乘應危坐跨海幽光與子分

謫居三適

旦起理髮

十日為海安眠海自運浩浩朝黃宮日出露未晞鬱鬱濛濛霜松老
櫛從我久齒疎含清風一洗耳目明習習萬竅通少年

道家以臍下為丹田腦項為黃宮

正宮度頗略全用及年托是正音透

苦嗜睡朝謁常怱怱爬搔未云足已困冠巾重何異服
轅馬沙塵滿風駿瑠鞍響珂月實與杻械同解放不可
期枯柳豈易逢誰能書此樂獻與腰金翁

查注傳燈錄癩馬楷枯柳

莊子海運則鵬徙於南溟王注道家以臍下為丹田腦項為黃宮故云若要不老還精補腦又先生嘗有詩云何異枯楊便馬疥此云枯柳豈易逢翻前詩意也

午牕坐睡

蒲團蟠兩膝竹几閣雙肘此間道路熟徑到無何有身
心兩不見息息安且久睡蛇本亦無何用鉤與手神凝
疑夜禪體適劇卯酒我生有定數祿盡空餘壽枯楊不
飛花膏澤回衰朽謂我此為覺物至了不受謂我今方
夢此心初不垢非夢亦非覺敢問希夷叟

睡地出佛遺教經再見周易枯楊生梯何可久也楊文公談苑陳搏閉門獨臥至百日周世宗命於禁中扁戶以試甚異之雍熙初賜號希夷先生

夜臥濯足

長安大雪年。束薪抱衾裯。雲安市無井。斗水寬百憂。今我逃空谷。孤城嘯鶴鷗。得米如得珠。食菜不敢留。况有松風聲。釜鬲鳴飈飈。瓦盎深及膝。時復冷暖投。明燈一爪剪。快若鷹辭鞫。天低瘴雲重。地薄海氣浮。土無重腿藥。獨以薪水瘳。誰能更包裹。冠履裝沐猴。

爪當牽莊子泣
充符篇

西京雜記元封二年大寒雪深五尺野鳥獸皆死牛馬悉躡縮如蟬杜子美詩漢時長安雪一丈牛馬毛寒縮如蟬又詩城中斗米換衾裯相許寧論兩相直又引水詩月峽瞿唐雲作頂亂石崢嶸俗無井又人生留滯生理難斗水何直百憂寬說苑墨子謂滑釐曰今凶年有欲與子隋侯之珠者又欲與子鍾粟者得粟不得珠得珠不得粟子將何擇重腿字出左傳已見上卷柳子厚栽竹詩適有重腿疾蒸鬱寧所宜

此論已於三槐堂
銘中世教之

子由生日

上天不難知好惡。與我一。方其未定間。人力破陰陽。小忍待其定。報應真可必。季氏生而仁。觀過見其實。端如柳下惠。焉往不三黜。天有時而定。壽考未易畢。兒孫七男子。公自注子由三子四孫次第皆逢吉。遙知設羅門。獨掩懸磬室。回思十年事。無愧篋中筆。但願白髮兄。年年作生日。

尚書洪範惟天陰騭下民注云騭定也天子由生於在宗宣元二年巳卯五格言而嘿定下民也又身其康強子孫其逢吉宗元符元年戊寅年巳六年
以黃子木拄杖為子由生日之壽

靈壽扶孔光。菊潭飲伯始。雖云閑草木。豈樂蒙此恥。一時偶收用。千載相癡疾。海南無嘉植。野果名黃子。堅瘦

多節目天材任操倚嗟我始剪裁世用或緣此貴從老
夫手往配先生几相從歸故山不愧仙人杞公自注本草枸杞一名仙人杖
漢孔光傳爲帝太師詔賜靈壽杖盛弘之荊州記菊水出穰縣芳菊被崖水極甘
香谷中飲此水上壽百二十七八十者猶以爲天太尉胡廣患風疾休沐南歸常
飲此水後疾遂瘳年八十二乃薨廣字伯始王注孔光胡廣二人皆畏懦諂諛故
云草木蒙恥番禺雜編黃子類交州子橘屬也淡黃色云百和嶠傳庾敞見而嘆曰
森森如千丈松雖礫石多節
目施之大厦有棟梁之用

施註蘇詩卷之三十七

施註蘇詩卷之三十八

長洲顧嗣立

漫堂先生宋 犖

閱定

毗陵邵長蘅

刪補

樸園先生張榕端

商丘宋 至

詩六十三首

起在儋耳泊元符三年庚辰復朝
奉郎提舉玉局觀北歸抵英州作

過於海舶得邁寄書酒作詩遠和之皆粲然可
觀子由有書相慶也因用其韻賦一篇并寄諸

子姪

我似老牛鞭不動雨滑泥深四蹠重汝如黃犢走卻來
海闊山高百程送庶幾門戶有八慈不恨居鄰無二仲

他年汝曹笏滿牀中夜起舞踏破甕會當洗眼看騰躍
莫指癡腹笑空洞譽兒雖是兩翁癖積德已自三世種
豈惟萬一許生還尚恐九十煩珍從六子晨耕篋瓢出
眾婦夜績燈火共春秋古史乃家法詩筆離騷亦時用
但令文字還照世糞土腐餘安足夢

杜子美百憂集行憶年十五心尚孩健如黃犢走復來後漢荀爽傳穎州為之語
曰荀氏八龍慈明無雙爽字慈明三輔決錄蔣詡竹下開三徑惟與羊仲求仲從
遊互詳五卷和邵同年詩注唐崔琳傳每歲時宴于家以一榻置笏猶重積其上
世傳小話有一貧士家惟一甕夜則守之以寢一夕心自惟念苟得富貴當以錢
若干營田宅若干蓄聲妓而高車大蓋無不備置往來于懷不覺歡適起舞遂踏
破甕故今俗間指妄想狂計者謂之甕算唐王勃傳父福時嘗誥諸子於韓思彥
思彥曰武子有馬癖君有譽兒癖王家癖何多和使勃出其文思彥曰生子若是
可夸也杜子美羌村詩生還偶然遂禮記九十者天子欲有問焉則就其室以珍
從糞土腐餘用殷浩傳語詳
二十卷秦少游夢發殯詩註

上元夜過赴儋守召獨坐有感

使君置酒莫相違守舍何妨獨掩扉靜看月牕盤蜥蜴
臥聞風幔落蜘蛛燈花結盡吾猶夢香篆消時汝欲歸
搔首淒涼十年事傳柑歸遺滿朝衣

爾雅蝶蜺蜥蜴守宮詩國風伊威在室鄭氏云伊威委黍也此物家無人惻
然令人感思疏云伊威鼠婦也或並作蟲邊傳相先生在翰林時有上元侍飲詩
云猶有傳柑遺細馮注未聯因時節而念同安君也過母同安君故題音感
君追憶其事故云

海南人不作寒食而以上已上冢子攜一瓢酒
尋諸生皆出矣獨老符秀才在因與飲至醉符
蓋儋人之安貧守靜者也

老鴉銜肉紙飛灰萬里家山安在哉蒼耳林中太白過

鹿門山下德公回管寧投老終歸去王式當年本不來
記取南城上巳日木棉花落刺桐開

李白詩集有尋城北范居士失道落蒼耳中見范置酒摘蒼耳作三國魏管寧傳
避難居遼東文帝即位徵還郡注云寧在遼東積二十七年乃歸漢王式傳詔除
為博士既至止舍中會諸博士共持酒食勞式江公心嫉式謂歌吹諸生曰歌驪
駒云云式恥之讓諸生曰我本不欲來諸生強勸我竟為豎子所辱遂謝病免歸
番禺雜編木綿樹高二三丈切類桐木二三月間花既謝藥為綿彼人績之為毯
潔白如雪溫暖無比刺桐樹似青桐而矮三四月時紅芳滿樹禁煙時士女競愁
花陰亦曲
江之偶也

新居

東坡至儋耳軍使張中請館於行衙又別飾官舍為安居計朝
廷命湖南提舉常平董必者察訪廣西遣使臣過海逐出之中
坐黜死雷州監司悉鑄秩遂買地築室為屋五間潮人王介石
為客於儋躬泥水之役其勞甚於家隸故詩有逐客猶遭屏句

朝陽入北林竹樹散疎影短籬尋丈間寄我無窮境舊
居無一席逐客猶遭屏結茅得茲地翳翳村巷永數朝

風雨涼畦菊發新穎俯仰可卒歲何必謀二頃

五色雀

并引

海南有五色雀常以兩絳者為長進止必隨焉俗
謂之鳳凰云久旱而見輒雨潦則反是吾卜居儋
耳城南嘗一至庭下今日又見之進士黎子雲及
其弟威家既去吾舉酒祝之曰若為吾來者當再
集也已而果然乃為賦詩

雞腸壘壘下垂至肩故名
儋耳見後漢孝明紀注

楊浮異物志儋耳南方夷也生則
鏤其頰皮連耳匡分為數支狀如

粲粲五色羽炎方鳳之徒青黃縞玄服翼衛兩紱朱仁
心知閔農常告雨霽符我窮惟四壁破屋無瞻鳥惠然

香云通首俱少陵神味

此粲者來集竹與梧。鏘鳴如玉佩。意欲相嬉娛。寂寞兩
黎生。食菜真臞儒。小圃散春物。野桃陳雪膚。舉杯得一
笑。見此紅鸞雛。高情如飛仙。未易握粟呼。胡為去復來。
眷眷豈屬吾。回翔天壤間。何必懷此都。

韓退之詩丹穴五色羽其名為鳳凰詩小雅瞻烏爰止于誰之屋詩國風惠然肯
來又見此粲者詩疏鳳凰非梧桐不棲非竹實不食左傳莊二十二年鳳凰于飛
和鳴鏘鏘番禺雜編五色雀一名音聲鳥每樂作有聲如鼓者墳者笛者版者滿
山嘈噴久而自罷詩小雅交交桑扈率場啄粟握粟出卜自何能穀賈誼弔屈原
賦歷九州而相君
今何必懷此都也

倦夜

紀云結有意致遂令通體俱有歸宿否則竟成
空調矣

倦枕厭長夜。小牕終未明。孤村一犬吠。殘月幾人行。衰
鬢久已白。旅懷空自清。荒園有絡緯。虛織竟何成。

用過韻冬至與諸生飲酒

公自注符吳皆坐客
其餘皆即事實錄也 已卯作

小酒生黎法。乾糟瓦盎中。芳辛知有毒。滴瀝取無窮。凍
醴寒初泮。春醅暖更饒。華夷兩樽合。醉笑一歡同。里閭
峩山北。田園震澤東。歸期那敢說。安訊不曾通。鶴鬢驚
全白。犀圍尚半紅。愁顏解符老。壽耳鬪吳翁。得穀鵝初
飽。亡猫鼠益豐。黃薑收土芋。卷耳斫霜叢。兒瘦緣儲藥。
奴肥為種松。頻頻非竊食。數數尚乘風。河伯方夸若。靈
媧自舞馮。歸塗陷泥淖。炬火燎茆蓬。膝上王文度。家傳
張長公。和詩仍醉墨。戲海亂羣鴻。

番禺雜編黎人在海南山洞中一日熟黎亦供州縣之役又有生黎所居洞深百
餘里善登木如猿猴詩小雅有饒簋飧鄭氏云饒滿簋貌王注峨山在眉州震澤

在常州陸務觀云故事謫散官雖別駕司馬皆封賜如故宋尚書在鄜時詩云經時不中櫛慵更佩金魚先生時謫瓊州別駕故用犀圍尚半紅之句揚子頻頻之黨甚於鸞斯亦賊夫糧食而已乘風河伯俱用莊子屢見司馬相如大人賦使靈媧鼓琴而舞馮夷已見晉王坦之字文度膝上事屢見漢張釋之傳子摯字長公官至大夫免以不能取容當世故終身不仕韋續

縱筆三首

寂寂東坡一病翁白須蕭散滿霜風小兒誤喜朱顏在

一笑那知是酒紅 樂天詩云醉貌如霜葉雖紅不是春

父老爭看烏角巾應緣曾現宰官身溪邊古路三叉口

獨立斜陽數過人 懷遠卻寫成閑遠

北船不到米如珠醉飽蕭條半月無明日東家當祭竈

隻雞斗酒定騰吾

類老表如此出之
言語妙天下

漢孫寶傳入舍祭竈請比鄰再見騰肉字出孟子

貧家淨掃地

貧家淨掃地貧女好梳頭下士晚聞道聊以拙自修扣門有佳客一飯相邀畱春炊勿草草此客未易媮慎勿用勞薪感我如薰蕕德人抱衡石銖黍安可廋

老子下士聞道大笑之杜子美詩一飯未嘗畱俗客數篇今見古人詩詩小雅勞人草草左傳襄三十年季武子曰晉未可媮也注媮薄也晉荀勗傳常在武帝坐進飯謂人曰此是勞薪所炊帝遣問膳夫乃云實用故車脚世服其明識左傳僖四年晉卜人曰一薰一蕕十年尚猶有臭

次韻子由贈吳子野先生二絕句

吳子野名復古一字遠遊潮州人東

坡與一見論出世間法嘗著養生論一篇為子野作也與遊二十餘年南遷至真揚間見子野無一語及得喪休戚事獨告坡曰邯鄲之夢猶足破妄而歸真目見而身履之亦可以悟矣未幾南歸訪東坡於惠過子由於循坡徙僮耳子野又從之為作遠遊菴銘

送坡北歸遇疾而殂以文祭之曰嗚呼子野道與世違寂默自求
闔門垂幃兀爾坐忘有似子微或似壺子杜氣發機急人緩已忘
其渴饑送我北還中道弊衣有疾不藥但卻
甘肥問以後事一笑而麾可以知其人矣

馬跡車輪滿四方若為閉暑小茆堂
仙心欲捉左元放
癡疾還同顧長康

後漢左慈字元放曹操欲于座上收殺之慈乃卻入壁中云云
互見二十卷次韻孔毅父詩注長康顧愷之字世傳癡絕屢見

江令蒼苔圍故宅謝家語燕集華堂
先生笑說江南事
祇有青山繞建康

江令江總也為陳中書令劉禹錫金陵五題其一江令宅云南朝詞臣北朝客歸
來惟見秦淮碧池臺竹樹三畝餘至今人道江家宅其一烏衣巷云朱雀橋邊野
草花烏衣巷口夕陽斜舊時王謝堂前燕飛入尋常
百姓家九域志江寧府天禧元年為建康軍節度

被酒獨行徧至子雲威徽先覺四黎之舍三首

半醒半醉問諸黎竹刺藤梢步步迷
但尋牛矢覓歸路
家在牛欄西復西

杜子美詩竹寒沙碧浣花谿橋刺藤稍咫尺
迷韓非子商太宰問市南門之外牛矢何多

總角黎家三四童口吹蔥葉送迎翁
莫作天涯萬里意
谿邊自有舞雩風

符老風情奈老何朱顏減盡鬢絲多
投梭每困東鄰女
換扇唯逢春夢婆

公自注是日復見符
林秀才言換扇事
投梭晉謝鯤事已見趙德麟侯鯖錄東坡在昌化嘗負大瓢行歌田畝間蓋哨
遍也饒婦年七十謂曰內翰昔日富貴一場春夢坡然之里人因呼為春夢婆

夜燒松明火

歲暮風雨交客舍悽薄寒夜燒松明火
照室紅龍鸞快

焰初煌煌碧煙稍團團幽人忽富貴蕙帳芬椒蘭珠煤
綴屋角香滿音流銅槃公自注滿松瀝也出本草注坐看十八公俯仰灰
燼殘齊奴朝爨蠟萊公夜長歎海康無此物燭盡更未

闌

本草唐本注云松取枝燒其上下承取汁名滿晉石崇傳小字齊奴常以蠟代薪
歐陽公歸田錄寇萊公自少年富貴不點油燈雖寢亦然燭達旦每罷官去後人
至官舍見厠溷間燭淚在地往往成堆按雷州海康郡萊公貶此地終焉

庚辰歲人日作時聞黃河已復北流老臣舊數

論此今斯言乃驗二首

神宗元豐四年澶州言河決小吳埽詔東行河道已填淤不可復更

不修閉哲宗元祐三年知樞密院安燾等疏議回河東流平章重
事文忠烈中書侍郎呂正愨從而和之力主其議子由在西掖言
於右僕射呂正獻曰河決而北先帝不能回而諸公欲回之是自
謂過先帝也正獻曰當與公籌之然竟莫能奪其役遂興議論紛

維元元年以金河
還字存史館紀錄
至元符二年夏六
月河決內黃在流
遂勢絕

五六非自學語乃
真幸也均不矣
志厚之台

老去仍棲隔海村夢中時見作詩孫天涯已慣逢人日
歸路猶欣過鬼門三策已應思賈讓孤忠終未赦虞翻
典衣剩買河源米屈指新筍作上元

然至於累歲公嘗侍上讀祖宗寶訓因及時事曰黃河執方
北流而強之使東當軸者恨之老臣舊數論此指此事也

作詩孫陸務觀云在蜀見蘇山藏公墨迹疊韻竹後題云寄作詩孫符字仲虎
九域志容州鬼門關漢伏波將軍馬援討林邑蠻路由此立碑石龜尚在韓退之
贈張十一詩念君又署南荒吏路指鬼門幽更復諺云若渡鬼門關十去九不回
三國吳虞翻傳孫權積怒徙翻交州在南十餘年卒河源米河源縣屬惠州當是
杭林所產也白樂天嘗
酒詩一甕香醪新插筍

不用長愁挂月村檳榔生子竹生孫公自注海南勒竹每節生
枝如竹竿大蓋竹孫也

新巢語燕還窺硯舊雨來人不到門春水蘆根看鶴立

夕陽楓葉見鴉翻此生念念隨泡影莫認家山作本元

他云未出寺聊自
寬之移少憚悅
視之

杜子美詩月挂客愁村舊
雨字出杜子美秋述已見

庚辰歲正月十二日天門冬酒熟予自漉之且
漉且嘗遂以大醉二首

自撥牀頭一甕雲幽人先已醉濃芬天門冬熟新年喜

麴米春香並舍聞公自注杜子美詩云聞道
雲安麴米春蓋酒名也菜圃漸疎花漠漠

竹扉斜掩雨紛紛擁裘睡覺知何處吹面東風散纈紋

證類本草孫真人枕中記云天門冬釀酒
服之去三虫伏屍輕身益氣令人不饑

載酒無人過子雲年來家醞有奇芬醉鄉杳杳誰同夢

睡息齁齁得自聞口業向詩猶小小眼花因酒尚紛紛

點燈更試淮南語汎溢東風有穀紋

王績醉鄉記乃命周公且立酒人氏之職典司五齊拓上七千里僅與醉鄉達焉
嗟乎醉鄉氏之俗豈古華胥氏之國乎何其淳寂也如是余將遊焉莊子駢拇篇
吾所謂聰者非謂其聞彼也自聞而已矣淮南子東風至而酒汎溢高誘注云酒
汎謂米麴麴之汎者風至而沸動許氏注云酒汎清酒也東風震方也木味酸相
感故也

追和戊寅歲上元戊寅年正月元符元年

春鴻社燕巧相違白鶴峯頭白板扉石建方欣洗牀廁

姜龐不解歎蠨蟻一龕京口嗟春夢萬炬錢塘憶夜歸

合浦賣珠無復有當年笑我泣牛衣

漢石奮傳長子建為郎中令每五日洗沐歸謁親入子舍竊問侍者取親中君廁
牀身白澣灑姜龐廣漢姜詩妻同郡龐盛之女也詩事母至孝妻奉順尤篤詳十
八卷五禽言詩注再見詩國風伊威在室蠨蟻在戶伊威注見本卷蠨蟻長跖也
漢王章傳初為諸生學長安獨與妻居章疾病無被臥牛衣中與妻決涕泣後章
為京兆欲上封事妻曰人當知足獨不念牛衣中涕泣時邪果下廷尉獄既死
妻子皆徙合浦采珠致產數百萬注云牛衣編亂麻為之即今俗呼為龍具者

王注先生嘗自跋云
戊寅上元在僊身過
子夜余初守舍作述
字韻詩今原在上元
已再期矣家在魚池
白鶴峯下過子不
若婦子佳予若此
其婦亦甘言子情然
為之故和者亦有
石建姜龐之語又
此悼懷同安君未
始及有牛衣之句悲
君石止而子存也
以不子看予而勿
及傷懷

題過所畫枯木竹石三首

老可能為竹寫真小坡今與石傳神山僧自覺菩提長
心境都將付臥輪

老可謂文與可小坡言過也過字叔黨先生之子時謂小東坡傳燈錄臥輪禪師
偈云臥輪有伎倆能斷百思想對境心不起菩提日日長六祖聞之曰未也乃云
慧能無伎倆不斷百思想對境心數起菩提作麼長

散木支離得自全交柯蚴蟻欲相纏不須更說能鳴鴈
要以空中得盡年

莊子人間世匠石之齊見櫟社樹曰散木也又支離其身者猶足以養其身終其
天年況支離其德者乎漢司馬相如傳青龍蚴蟻於東廂莊子山木篇弟子問於
莊子曰昨日山中之木以不材得終其天年今主人之鴈以不材死先生
將何處莊子笑曰周將處夫材與不材之間似之而非也故未免乎累

倦看澀勒暗蠻村亂棘孤藤束瘴根唯有長身六君子

猗猗一作依依猶得似淇園

詩國風瞻彼淇澳綠竹猗猗毛傳綠玉芻也
竹篇竹也漢溝洫志下淇園之竹以為桴

真一酒歌并引

布算以步五星不如仰觀之捷吹律以求中聲不
如耳齊之審鈆汞以為藥策易以候火不如天造
之真也是故神宅空樂出虛跼踖者以氣升孰能
推是類以求天造之藥乎於此有物其名曰真一
遠遊先生方治此道不飲不食而飲此酒食此藥
居此堂予亦竊其一二故作真一之歌其辭曰
空中細莖插天芒不生沮澤生陵岡涉閱四氣更六陽

森然不受螟與蝗飛龍御月作秋涼蒼波改色屯雲黃
天旋雷動玉塵香起搜十裂照坐光踟跌牛噍昨笑反安且
詳動搖天關出瓊漿壬公飛空丁女藏三伏遇井了不
嘗釀為真一和而莊三杯儼如侍君王湛然寂照非楚
狂終身不入無功鄉

莊子青青之麥生於陵陂按麥熟頭昂故芒可云插天也此詩通首皆指麥言之
王注麥以九月種四月熟涉閏四氣者謂備四時之氣更六陽者謂自十一月一
陽生至四月為六陽也又王克論衡云穀之多蟲者麥也稻時有蟲麥與秬無蟲
又麥以四月熟時為秋禮記月令孟夏之月麥秋至是也按卦氣圖十一月復卦
為乾之初九遁至三月夬卦為乾之九五四月正陽之月為純乾卦乾九五飛龍
在天則飛龍御月者指三月也是時麥欲秋矣故下有蒼波屯雲之句又柳子厚
詩云麥芒際天搖青波稍老謂之蒼波稍熟則又如黃雲之屯也又論衡云日月
星隨天而西譬若蟻行磨上則磨可以言天旋又天文志天無雷而有聲謂之雲
磨則磨可以言雷動又東晉餅賦云漫項薄持起搜牢九四物之名晉何曾性豪
侈作蒸餅不裂作十字不食詩蓋用曾事也再見又佛氏謂盤足為踟跌楞嚴經

云有牛呵病謂吐而噉也又黃庭經言口為天關瓊漿以言華池之水也壬公言
水丁女言火既出華池之水則壬水飛而在上丁火伏而在下矣韓退之陸渾火
詩女丁婦壬傳世燈王績字
無功著醉鄉記已見本卷

汲江煎茶

查注楊誠齋極其貴此詩謂一茶之中內之皆奇
一自注唐入云茶
須緩火炙活火煎

活水還須活火煎
自臨鈞石取深清
大瓢貯月歸春甕
小杓分江入夜鉶
茶雨已翻煎處
腳松風忽作瀉時聲
桔腸未易禁三椀
坐聽荒城長短更

予來僂耳得吠狗曰烏觜甚猛而馴隨予遷合
浦過澄邁泗而濟路人皆驚戲為作此詩

烏喙本海獒幸我為之主食餘已瓠肥終不憂鼎俎晝
馴識賓客夜悍為門戶知我當北還掉尾喜欲舞跳跟

馮云此詩唐書韻

同用

同書案並考作

唐原五月大赦書
移廣州安置

一時戲筆
繪入情至
小疵報筆
二內其屬
矣

趁童僕吐舌喘汗雨長橋不肖躡徑渡清深浦拍浮似
鵝鴨登岸劇虓虎盜肉亦小疵鞭篋當貫汝再拜謝厚
恩天不遣言語何當寄家書黃耳定乃祖

爾雅犬四尺為獒漢張蒼傳肥白如瓠魏賈岱宗狗賦其所折伏敬主識人晝則無窺窬之客夜則無姦淫之賓漢蒯通傳里婦云昨暮夜犬得肉黃耳晉陸機犬名詳見九卷捕蝗至浮雲嶺詩注

澄邁驛通潮閣二首

倦客愁聞歸路遙眼明飛閣俯長橋貪看白鷺橫秋浦
不覺青林沒晚潮
餘生欲老海南村帝遣巫陽招我魂杳杳天低鶻沒處
青山一髮是中原

楚辭宋玉招魂帝告巫陽曰有人在下我欲輔之魂魄離散汝筮與之巫陽對曰掌夢上帝其命難從若必筮予之恐後之謝不能復用巫陽焉乃下招曰云云韓退之詩乘潮簸扶本系伏波將軍廟碑有云南望遠山以水有若若者一胥近岸指一髮髮耳其語係常雨用之蓋以言也漁隱楚語

洞酌亭 并引

瓊山郡東眾泉感發然皆冽而不食丁丑歲六月
南遷過瓊始得雙泉之甘於城之東北隅以告其
人自是汲者常滿泉相去咫尺而異味庚辰歲六
月十七日遷於合浦復過之太守承議郎陸公求
泉上之亭名與詩名之曰洞酌其詩曰

洞酌兩泉挹彼注茲一銚之中有澗有溜以淪以烹眾
噉胡感切莫齊自江徂海浩然無私豈弟君子江海是儀既

味我泉亦齋音我詩

詩大雅洞酌彼行潦挹彼注茲列于仲尼篇口將爽者先辨淄澠張湛曰淄澠水異味既合則難別也又說符篇孔子曰淄澠之合易牙嘗而知之揚子易牙能喊不能齊不齊之口注喊者嘗其味也禮疏齋謂至齒嘗之

六月二十日夜渡海

丁丑六月十一日在雷州子由別渡海今庚辰歲遷合浦止於六月渡海

參橫斗轉欲三更苦雨終風也解晴雲散月明誰點綴
天容海色本澄清空餘魯叟乘桴意麤識軒轅奏樂聲
九死南荒吾不恨茲遊奇絕冠平生

樂府善哉行月沒參橫北斗闌于左傳昭公四年春無淒風秋無苦雨詩國風終風且霾晉謝重傳嘗侍會稽王道子坐于時月夜明淨道子嘆以為佳重率爾曰意謂乃不如微雲點綴道子戲曰卿居心不淨乃欲滓穢太清耶韓退之詩水色與天容此處皆潔淨楞嚴經譬如澄清百千大海楚辭離騷雖九死其猶未悔

自雷適廉宿於興廉村淨行院

荒涼海南北佛舍如雞棲忽行榕林中跨空飛拱枅當
門冽碧井洗我兩足泥高堂磨新甑洞戶分角圭倒牀
便甘寢鼻息如虹霓僮僕不甯去我為半日稽晨登一
葉舟醉兀十里谿醒來知何處歸路老更迷

韓退之青龍寺詩刻畫圭角出崖窾
杜子美詩山晚黃雲合歸時恐路迷

廉州龍眼質味殊絕可敵荔支

龍眼與荔支異出同父祖端如甘與橘未易相可否異
哉西海濱琪樹羅玄圃纍纍似桃李一一流膏乳坐疑
星隕空又恐珠還浦圖經未嘗說玉食遠莫歎獨使一作有
皴皮生弄色映瑠玊蠻荒非汝辱幸免妃子汙

二十九卷次款江海
叔並呈光之詩第四
日兩舟夜渡海
津地過次白先生渡
海北還以三吏黃瓊
州晚到適角場
可在此詩在渡海之
後

番禺雜編龍眼子樹葉俱似荔支但子圓小止淡黃一色廣人多呼為亞荔支左傳莊七年夜中星隕如雨珠還後漢孟嘗事已見按皴皮指荔支妃子污謂楊妃嗜生荔而致禍也注已見

合浦愈上人以詩名嶺外將訪道南嶽畱詩壁

上云間伴孤雲自在飛東坡居士過其精舍戲

和其韻 皇朝題元符三年八月十日施注

孤雲出岫豈求伴錫杖凌空自要飛為問庭松尚西指

不知老矣幾年歸 一作時

陶淵明辭雲無心以出岫柳子厚詩仙山不屬分符客一任凌空錫杖飛大唐新語玄奘法師西域取經以手摩靈巖寺松樹曰吾西去汝可西長若吾歸即東向使吾弟子知之及去其杖年年西指長數丈一年忽東向弟子曰吾師歸矣乃迎之果至後號為摩頂松

梅聖俞之客歐陽晦夫使工畫茅菴已居其中

一琴橫牀而已曹子方作詩四韻僕和之云 宋按

史元符三年正月哲宗崩徽宗即位先生以五月始被命移廉州六月離儋耳七月至廉三為歐陽晦夫賦詩

寂寞王子猷回船剡谿路迢遙戴安道雪夕誰與度倒

披王恭篔簹半掩袁安戶應調折絃琴自和撚須句

歐陽晦夫惠琴枕 晦夫梅聖俞之門人

中郎不眠仰看屋得此古椽圍尺竹輪囷濩落非笛用

剖作袖琴徽軫足流傳幾處到淵明臥枕綸巾酒新漉

孤鸞別鶴 一作鶴 誰復聞鼻息鞦韆自成曲

張鷟文士傳蔡邕經會稽高遷亭見屋椽竹東閭第六可以為笛取用果有異聲邕初平元年拜中郎將古琴操一曰別鶴操商陵牧子作陶淵明詩知我故來意取琴為我彈上絃驚別鶴下絃離孤鸞西陽雜俎許州有一老僧自四十夏以後每寢熟即聲如鼓篋自成均節許州伶人伺其寢即譜其聲按之絲竹皆合古奏

晦夫名淵桂州人坡以玉合浦晦夫時為石原令又有上晦夫簡移而晦夫推及

僧覺亦不自知
十餘年如此

留別廉守

查注紀年錄載廉守張左藏而逸其名

編萑以苴豬瑾塗以塗之小餅如嚼月中有酥與飴懸
知合浦人長誦東坡詩好在真一酒為我醉宗資

禮記內則炮取豚若將剖之剗之實棗於其腹中編萑以苴之塗之以謹塗炮之
注云將音詳萑蘆葦之類苴裏也謹當為瑾黏土也言行錄丁晉公與楊大年拋
令大年云有酒如線遇鍼則見晉公云有餅如月
遇食則缺後漢宗資為汝南太守詩意謂廉守也合注先生初移唐州好以此何也

餅筵

并引查注按紀年錄先生于庚辰七月到廬八月被命接舒州團練
副使移永州安置其別廬月日自明計其居廬不及兩月也

庚辰八月二十八日劉幾仲餞飲東坡中觴聞笙

簫聲杳杳若在雲霄間抑揚往返麤中音節徐而
察之則出於雙餅水火相得自然吟嘯蓋食頃乃

歷落才多逸之氣

已坐客驚歎得未曾有請作餅筵詩記之

孤松吟風細泠泠獨蠶長繅女媧笙陋哉石鼎逢彌明
蚯蚓竅作蒼蠅聲餅中宮商自相賡昭文無虧亦無成
東坡醉熟呼不醒但云作勞吾耳鳴

神仙傳園客養蠶成五色獨蠶繅之經月不絕再見禮記明堂位女媧之笙簧莊
子齊物論有成與虧故昭氏之鼓琴也無成與虧故昭氏之不鼓琴也晉載記石
勒為人耕聞鞞鐸之音以告其
母母曰作勞耳鳴非不祥也

歐陽晦夫遺接羅琴枕戲作此詩謝之

攜兒過嶺今七年晚塗更著黎衣冠白頭穿林要藤帽
赤腳渡水須花縵不愁故人驚絕倒但使俚俗相恬安
見君合浦如夢寐挽須握手俱汎瀾妻縫接羅霧縠細

兒送琴枕冰徽寒無絃且寄陶令意倒載猶作山公看
我懷汝陰六一老眉宇秀發如春巒羽衣鶴氅古仙伯
岌岌兩柱扶霜紈至今畫像作此服凜如退之加渥丹
爾來前輩皆鬼錄我亦帶脫巾欹寬作詩頗似六一語
往往亦帶梅翁酸

番禺雜編生黎人用藤織裹頭謂之麗賴子西域記西域國人首冠花縵身衣纓
絡杜子美詩相對如夢寐又詩問事競挽須東軒雜錄晏公一日見韓愈畫像語
坐客曰此貌大類歐陽修安知非愈後身也詩國風顏如渥丹梅翁謂梅聖俞也
東坡題梅詩集後云先君與二丈游時某與子由年甚少公獨深知之南遷過合
浦見其門人歐陽晦夫
出其詩藁數十幅云

次韻王鬱林

晚塗流落不堪言海上春泥手自翻漢使節空餘皓首

故侯瓜在有顏垣平生多難非天意此去殘年盡主恩
誤辱使君相投拭寧聞老鶴更乘軒

漢朱博傳長陵大姓尚方禁少時嘗盜人妻見斫創著其頰博
笑曰大丈夫固時有是馮翊欲洒卿恥技拭用禁能自效否

藤州江下夜起對月贈邵道士

王十朋曰按先生送邵道士
蕭還都崎嶇印此人

江月照我心江水洗我肝端如徑寸珠墮此白玉盤我
心本如此月滿江不滯起舞者誰歟莫作三人看嶠南
瘴毒地有此江月寒乃知天壤間何人不清安牀頭有
白酒盞若白露漙獨醉還獨醒夜氣清漫漫仍呼邵道
士取琴月下彈相將乘一葉夜下蒼梧灘

徐元用使君與其子端常邀僕與小兒過同遊

東山浮金堂戲作此詩

元用查注本坡伴抗時時為仁和令姓名疇錢塘事

昔與徐使君共賞錢塘春愛此小天竺時來中聖人松
如遷客老酒似使君醇繫舟藤城下弄月鐔江濱江月
夜夜好雲山朝朝新使君有令子真是石麒麟我子乃
散材有如木輪囷二老白接羅兩郎烏角巾醉臥松下
石扶歸江上津浮橋半沒水揭此碧鱗鱗

南史顧憲之為建康令甚得人和故都下飲酒得醇者輒呼為顧建康謂其清且美焉陳後主詩璧月夜夜好瓊樹朝朝新

送鮮于都曹歸蜀灌口舊居

籟盡霜鬢照碧銅依然春雪在長松朝行犀浦催收芋
夜渡繩橋看伏龍莫歎倦遊無駟馬要將老健敵千鍾

馮注斜川集方以諫家方人占勝寺遊山石梁次以詩諫則徐元用嘗印守藤

子雲三世惟身在為向西南說病容

犀浦在郫縣青城山記云李冰琢五石犀以厭水一在青城二在犀浦一在成都市橋一在江中號犀浦為沉犀浦杜子美南鄰詩園收芋栗未全貧繩橋在灌口有伏龍觀杜入奏行運糧繩橋壯士喜漢揚雄傳字子雲蜀郡成都人也歷成哀平二世不徙官

送邵道士彥肅還都嶠

洞天福地記第二十都嶠山洞周回一百八十里名寶玄之天在容州

乞得紛紛擾擾身結茆都嶠與仙鄰少而寡慾顏常好
老不求名語益真許邁有妻還學道陶潛無酒亦從人
相隨十日還歸去萬劫清遊結此因

晉許邁傳字遠遊初學道時其妻尚在父母既終乃遣妻孫氏還家遂攜其同志徧遊名山焉晉書陶潛傳或有酒要之雖不識主人亦欣然無忤酣醉便返

書韓幹二馬

赤髯碧眼老鮮卑回策如縈獨善騎頰白紫騮俱絕世

邵道士見率卷全石筆編有元祐三年九月東坡書贈都嶠邵道士石刻如坡多微邵道士久矣

馬中岳湛有妍姿

後漢鮮卑傳東胡之支也別依鮮卑山故因號焉晉明帝紀乘巴滇駿馬微行至
于湖陰察王敦營壘敦晝寢驚起曰此必黃鬚鮮卑奴來也晉王湛傳兄子濟有
從馬絕難乘湛騎此馬姿容既妙回策如縈善騎者無以過之詳見二十七卷和
王晉卿詩注賴白顏延年有賴白馬賦季太白紫騮馬詩紫騮行且嘶雙鬣碧玉
蹠岳湛借用夏侯湛
潘岳連璧事已見

將至廣州用過韻寄邁迨

查注邁迨字家屬住直州迨
時在書中

皇天遣出家臨老乃學道北歸為兒子破戒堪一笑披
雲見天眼回首失海潦蠻唱與黎歌餘音猶杳杳大兒
牧衆穉四歲守孤嶠次子病藥醫三折乃麤曉小兒耕
且養得暇為書繞我亦困詩酒去道愈茫渺紛紛何時
定所至皆可老莫學柳儀曹詩書教氓獠亦莫事登陟

斜川集有將至五
羊先寄伯達仲穆二
更符印次先生所用
韻也

劉禹錫詩中稱柳
州言柳儀曹

谿山有何好安居與我遊閉戶淨灑掃

左傳定十三年晉知伯將伐公齊高疆曰三折肱知為良醫唯伐君為不可揚子
古之學者耕且養唐柳宗元傳自禮部員外郎坐貶後徙柳州刺史南方為進士
者走數千里以宗元為師
經指授者為文辭皆有法

贈鄭清叟秀才

風濤戰扶胥海賊橫泥子胡為犯二怖博此一笑喜問
君奚所欲欲談仁義耳我才不逮人所有聊足已安能
相付子過聽君誤矣霜風掃瘴毒冬日稍清美年來萬
事足所欠惟一死澹然兩無求滑淨空裴几

韓退之南海廟碑廟在今廣州治之東南
海道八十里扶胥之口黃木之灣再見

和孫叔靜兄弟李端叔唱和

孫叔靜名懿錢塘人徙江
都年十五遊太學老蘇先

生亟稱之哲宗擢提舉廣東常平東坡居惠州極意與周旋二子
娶晁無咎黃魯直女黨事起家人危之叔靜一無所顧平生篤於
行義君子人也微時與蔡京善察其人常曰蔡子貴人也然才多
而德薄志大而行不副若不能謹守恐貽天下憂京還朝遇諸途
京曰我若用願助我叔靜曰公能以正論輔人主節儉以先百吏
而絕口不言兵戢何為者京默然後卒如其言仕為太僕卿殿中
少監以顯謨閣待制知曹州單州
靖康二年卒年八十六諡通靖

病骨瘦欲折霜髯簡更疎喜聞新國政兼得故人書秉
燭真如夢傾杯不敢餘天涯老兄弟懷抱幾時攄

杜子美簡諸子詩少陵野老骨欲折
又羌村詩夜闌更秉燭相對如夢寐

廣倅蕭大夫借前韻見贈復和答之二首

生還麤勝虞蚤退不如疎垂死初聞道平生誤信書風
濤驚夜半疾病送災餘賴有蕭夫子幽懷得少攄

查注龍象卷卷之葉
世祀字器之其在廣
州蘇文忠公與之游

唐蕭穎士傳人
稱為蕭夫子

心閑詩自放筆老語翻疎贈我皆強韻知君得異書滔
滔沮叟是綽綽孟生餘一笑滄溟側應無憤可攄

南史王筠傳為詩能用強韻袁山松漢書王朗為會稽守還許下時人稱其才進
曰不見異人當得異書抱朴子詩人疑蔡邕得異書搜其帳中果得王克所作論
衡綽綽用
孟子語

跋王晉叔所藏畫

徐熙杏花 徐熙鍾
陵人

江左風流王謝家盡攜書畫到天涯卻因梅雨丹青暗
洗出徐熙落墨花

圖書見聞志徐熙意出古今徐鉉云落墨為格雜彩副之迹與色不相隱映也沈
存中筆談國初江南布衣徐熙善畫花以墨筆畫之殊草草略施丹粉神氣迥出

查注本集賦賦中詩
云康居歲歲南海見部
刺史王公進叔持此道
殊時為難有豈日好
子可致者

此乃自寫

范生集詩卷之二十一

觀大瀛海巨浸與天永九州居其間無異蛇盤鏡空水
兩無質相照但耿耿妄云桂兔蟾俗說皆可屏我遊鑒
空閣缺月正淒冷黃子寒無衣對月句愈警借君方諸
淚一沐管城穎誰言小叢林清絕冠五嶺

前定錄袁孝叔遇異人得書云每受命卽開一幅累仕皆驗最後一幅畫蛇蟠鏡中而已五經通義月中有兔與蟾蜍月陰也蟾蜍陽也而與兔並明陰係陽也酉陽雜俎舊傳月中有桂有兔故異書言月桂高五百丈下有一人常斫之長慶中有人八月十五夜玩月光屬於林中如匹布尋視之見一金背蝦蟇疑是月中者淮南子陽燧見日燭而爲火方諸見月津而爲水大莊嚴論如是衆僧者乃勝智之叢林一切諸善行運集在其中

韋偃牧馬圖

神工妙技帝所收江都曹韓逝莫留人間畫馬唯韋侯
當年爲誰掃驂騮至今霜蹠踏長楸圉人困臥沙壠頭

後半徒是寓言

沙苑茫茫蒺藜秋風駿霧鬣寒颼颼龍種尚與駑駘遊
長稽短豆豈我羞八鑿六轡非馬謀古來西山與東丘

杜子美曹將軍畫馬引國初已來畫鞍馬神妙獨數江都王將軍得名三十載人間又見真乘黃又丹青引弟子韓幹蚤入室亦能畫馬窮殊相又韋偃畫馬歌戲拈秃筆掃驂騮欸見騏驎出東壁一匹齧草一匹嘶坐看千里當霜蹠又霜蹠蹠階長楸間又李鄴縣胡馬行一聞說盡急難材轉益愁向駑駘輩又始知神龍別有種不比俗馬空多肉

題靈峰寺壁

在廣州

靈峰山上寶陀寺白髮東坡又到來前世德雲今我是
依稀猶記妙高臺

華嚴經德雲比丘居勝樂國妙峰山之上

衆妙堂

先生有衆妙七集本題下有注廣州何道士五字堂記載集中

湛然無觀古真人我獨觀此衆妙門夫物芸芸各歸根
衆中得一道乃存道人晨起開東軒跌坐一醉扶桑暎
餘光照我玻璃盆倒射牕几清而溫欲收月魄餐日魂
我自日月誰使吞

老子玄之又玄衆妙之門又夫物芸芸各歸其根黃庭內景經出日
入月呼吸存注云日月者陰陽之精也左出右入身有陰陽之氣

題馮通直明月湖詩後

老行清篇墨未枯小馮新作語尤殊呼兒淨洗涵星硯

爲子賡歌墮月湖聞道牂江空抱珥公自注南詔有西珥河即
古牂柯江也河形如月抱

珥故名年來合浦自還珠請君多釀蓮花酒準擬王喬下

履鳧

西珥

又書云先什報已題
跋又書馮祖仁父信後
云河係合濟泰祖仁
出只先君子詩七篇燦
然有唐八風元符七年
十一月十九日當
詩也

王注老衍謂馮衍也漢西南夷傳蜀枸醬道
西北牂柯江江廣數里出番禺城下再見

次韻鄭介夫二首

鄭介夫名俠福清人事詳見宋史東坡南
遷始識介夫北歸至英介夫在焉和其二

詩嘉定六年 元符初俠編管英州徽宗立
賜諡曰介

一落泥塗迹愈深尺薪如桂米如金長庚到曉空陪月
太歲今年合守心相與齧羶持漢節何妨振履出商音
孤雲倦鳥空來往自要閑飛不作霖

左傳襄三十年趙孟謂絳縣老人曰吾子辱在泥塗久矣武之罪也戰國策蘇秦
謂楚王曰國之食貴於玉薪貴於桂後漢郎顛傳孝經鉤命決曰歲星守心年穀
豐注云歲星守心爲重華故年豐也劉向新序原憲曳杖履行歌
商頌聲滿天地如出金石尚書高宗命說曰若歲大旱用汝作霖雨

一生憂患萃殘年心似驚蠶未易眠海上偶來期汗漫
葦間猶得見延緣良醫自要經三折老將何妨敗兩甄

翁覃溪曰六白並用
鄭尚書履聲事

收取桑榆種梨棗祝君眉壽似增川

晉周訪傳擊賊率杜曾使李恒督左甄許朝督右甄訪自領中軍令其眾曰一甄敗鳴三鼓兩甄敗鳴六鼓自旦至申兩甄皆敗訪親鳴鼓士皆騰踊奔赴曾遂大潰詩小雅如川之方至以莫不增

施註蘇詩卷之三十八

施註蘇詩卷之三十九

漫堂先生宋 犖

閱定

毗陵邵長蘅

刪補

樸園先生張榕端

商丘宋 至

長洲顧嗣立

詩五十一首

起建中靖國辛巳改元度嶺北歸即以是年七月卒於毗陵 施註缺今補

昔在九江與蘇伯固唱和其畧曰我夢扁舟浮

震澤雪浪橫江一作空千頃白覺來滿眼是廬山倚

天無數開青壁蓋實夢也昨日又夢伯固手持

乳香嬰兒示予覺而思之蓋南華賜物也豈復

與伯固相見於此耶今得來書知已在南華相

待數日矣感歎不已故先寄此詩

扁舟震澤定何時。滿眼廬山覺又非。春草池塘惠連夢。上林鴻雁子卿歸。水香知是曹溪口。眼淨同看古佛衣。不向南華結香火。此生何處是真依。

漢書蘇武傳昭帝即位求武等匈奴言武死後使至常惠教漢使謂單于言天子射上林中得鴈足有係帛書言武等在某澤中單于視左右大驚乃使武歸曹溪志梁時有天竺國僧自西來汎舶曹溪口聞異香曰上流必有勝地尋之遂開山立石乃云百七十年後當遇無上法師在此演法今六祖南華寺是也眼淨字屢見傳燈錄五祖黃梅弘忍大師以衣鉢潛付六祖今衣猶傳寺中古佛衣即指此白樂天詩本結菩提香火社為嫌煩惱電泡身

次韻韶守狄大夫見贈二首

查注狄大夫名威見李集九威善銘序中又清詩才雅知有

華髮蕭蕭老遂良

公自注褚河南帖云即日遂良鬢髮盡白蓋謫長沙時也

一身萍挂海中央

無錢種菜為家業。有病安心是藥方。才疎正類孔文舉。

癡絕還同顧長康。萬里歸來空泣血。七年供奉殿西廊。

公自注邇英閣在延和殿西廊下

馮注指指宗晏駕故用泣血事字

後漢書孔融傳字文舉融負其高氣志在靖難而才疎意廣迄無成功

森森畫戟擁朱輪。坐詠梁公覺有神。白傅閒游空誦句。

公自注事見白樂天吳郡詩石記

拾遺窮老敢論親

公自注事見子美寄狄明府詩

東海莫懷疎

受意西風幸免庾。公塵為公過嶺傳新唱。催發寒梅一

信春

唐書狄仁傑封梁公此借用指韶州白樂天吳郡詩石記云韋在此州歌詩甚多有郡宴詩云兵衛森畫戟燕寢凝清香最為警策今刻此篇於石傳貽將來因以予旬宴一章亦附於後杜子美狄明府詩梁公會孫我姨弟不見十年官濟濟

次韻韶守李通直二首

本集方子才惟照帖云似以生還平生愛龍舒風土欲卜居與弟二名善

范注宋詩卷之三十一

二

一篇瀧吏可書紳莫向長沮更問津老去常憂伴新鬼
歸來且喜是陳人曾陪令尹蒼髯古又見郎君白髮新
回首天涯一惆悵卻登梅嶺望楓宸

韓退之瀧吏詩有云往問瀧頭吏潮州尚幾里瀧吏垂首笑官何問之愚旃大概
雙小所任自有宜官何不自量滿溢以取斯不知官在朝有益國家不得無風其
間不武亦不文仁義飾其躬乃姦敗羣倫叩頭謝吏言始慙今更羞云云大指皆
嘲憤之詞也左傳文二年夏父弗忌為宗伯尊僖公且明見曰吾見新鬼大故鬼

小嶺南錄梅嶺即大庾嶺
上多梅樹或云梅福隱處

青山祇在古城隅萬里歸來卜築初會見四山朝鶴駕

更看二李跨鯨魚欲從抱朴傳家學應怪中郎得異書

待我丹成馭風去借君瓊珮與霞裾

公自注僕昔為開封幕先
公為赤令暇日相與論內

外丹且出其丹示僕今三十年而見君曲江同遊南華宿
山水間數日道舊感歎且勸我卜居於舒故詩中皆及之

元祐中舒州李亮王
伯時元中號龍眠三
李同年登進士俱
以文鳴稱紳間

按先生與李惟熙帖云偶得生還平生愛龍舒風土欲卜居為終老之計云云是
青山當指舒州但四山未詳其名且一統志龍眠山在桐城縣又舒州有潛山左
慈修煉處皖山天柱山道書稱司玄洞天漢武帝嘗登封於此以代南岳
或即指此數山也詩國風佩玉瓊瑤韓退之詩乞君飛霞珮與我高頡頏

狄韶州煮蔓菁蘆葍羹

我昔在田間寒庖有珍烹常支折脚鼎自煮花蔓菁中
年失此味想像如隔生誰知南岳老解作東坡羹中有
蘆葍根尚合曉露清勿語貴公子從渠嗜羶腥

周易鼎折足覆公餗劉禹錫嘉話諸葛亮所止令兵士獨種蔓菁取其纒出甲可
生啖一也葉舒可煮食二也久居則隨以滋長三也棄不令惜四也同即易尋而
採五也冬有根可食六也今蜀人呼為諸葛菜唐本草萊葍即蘆葍也陶弘景別
錄蘆葍根可食葉不中啖陸佃埤雅萊葍能制麪毒是萊葍之所服故名按蔓菁
蘆葍諸家皆作二物惟陸機草虫魚疏葉是蔓菁根是蘆葍則一物矣
先生似亦從陸說東坡羹頌見先生文集中有玉糝羹詩見補遺卷

李伯時畫其弟亮功舊隱宅圖

樂天蚤退今安有。摩詰長閒古亦無。五畝自栽池上竹。
十年空看輞川圖。近聞陶令開三徑。應許揚雄寄一區。
晚歲與君同活計。如雲鵝鴨散平湖。

白樂天池上篇十畝之宅五畝之園有水一池有竹千竿唐書王維字摩詰別墅在輞川有華子岡竹里館茱萸泝辛夷塢陶淵明歸去來詞三徑就荒漢書揚雄傳處岷山之陽曰郫有田一廛有宅一區杜

子美詩房相西池鵝一羣眠沙泛浦白於雲

舊傳先生詩本題云東坡居士過龍光求大竹作肩輿得兩竿南華珪首座方受請為此山長老乃

畱一偈院中須其至授之以為他時語錄中第一問

斫得龍光竹兩竿。持歸嶺北萬人看。竹中一滴曹溪水。
漲起西江十八灘。

贈嶺上老人

鶴骨霜髯心已灰。青松合抱手親栽。問翁大庾嶺頭住。
曾見南遷幾箇回。

贈嶺上梅

梅花開盡百花開。過盡行人君不來。不趁青梅嘗煮酒。
要看細雨熟黃梅。

盧仝詩鷺花爛熳君不來及至君來花已老杜子美詩南京犀浦道四月熟黃梅

予昔過嶺而南題詩龍泉鐘上今復過而北次

前韻

按即前過大庾嶺詩

秋風卷黃落。朝雨洗綠淨。人貪歸路好。節近中原正。下
嶺獨徐行。艱嶮未敢忘。遙知叔孫子。已致魯諸生。

月令季冬之月草木黃落漢武帝秋風辭草木黃落兮鴈南飛漢晝叔孫通為博士說上曰臣願徵魯諸生與臣弟子共起朝儀於是通使徵魯諸生三十餘人魯有兩生不甯行云云通笑曰若真鄙儒不知時變遂與所徵三十人西按陸游序云建中初韓曾二相得政盡收用元祐人其不召者亦補大藩惟東坡兄弟猶領宮祠末句蓋寓所謂不能致者二人意深而語緩

過嶺二首

暫著南冠不到頭卻隨北鴈與歸休平生不作兔三窟
今古何殊貉一丘當日無人送臨賀至今有廟祀潮州
劍關西望七千里乘興真為玉局游

柳子厚六言詩一生判卻歸休為著南冠到頭唐晝楊馮貶臨賀尉姻友憚往獨徐晦至藍田慰餞李夷簡表為監察御史曰君不負楊臨賀有負國乎韓退之謫潮州潮人為之立廟先生集中有廟碑

七年來往我何堪又試曹溪一勺甘夢裏似曾遷海外

年長海挂奉玉局
親表云行去英州後
任守節拉奉成都
玉局親任德在任

視遠信猶夢夢中
知生胸中別有澄
空者在

似云信言核心已
於不必亦猶之云
非實景也

焦坑亦在南原為西

醉中不覺到江南波生濯足鳴空澗霧繞征衣滴翠嵐
誰遣山鷄忽驚起半崑花雨落毵毵

按年譜公以紹聖元年自定州貶惠州凡四年再貶儋耳明年改元元符至三年乃量移廉州凡七年江南謂虔州

留題顯聖寺

浮石去南原約四十里有唐顯聖院名勝志云建中靖國元年辛巳子瞻賦舟訪元師題壁云

渺渺疎林集晚鴉孤村煙火梵王家幽人自種千頭橘
遠客來尋百結花浮石已乾霜後水焦坑閑試雨前茶
祇疑歸夢西南去翠竹江村遠白沙

首楞嚴經阿難白佛言世尊此寶壘華緝續成中雖本一體如我思惟如來一縉得一結名若百結成終名百結又江南人謂丁香為百結

予初謫嶺南過田氏水閣東南一峰豐下銳上
里人謂鷄籠山予更名獨秀峰今復過之戲畱

一絕 峯在南康見南安志

倚天巉絕玉浮屠，肯與彭郎作小姑。獨秀江南知有意，
要三二別四三壺。

韓退之詩倚天更覺青巉巖李太白詩青冥皖公山巉絕可人意同安志小孤山在宿松縣東南一百二十里又江州有澎浪磯語轉為彭郎磯遂有小姑嫁彭郎之語互見十五卷李思訓長江絕島圖詩注一統志大別山在漢陽府城北小別山在漢川王子年拾遺記海中三壺一曰方壺則方丈也二曰蓬壺則蓬萊也三曰瀛壺則瀛洲也此三山上廣中狹下方皆如工製猶華山之似削成列子渤海之東有大壑焉其中有山一曰岱輿二曰圓嶠三曰方壺云云按詩意則本前說也

乞數珠贈南禪湜老

本集有虔州崇慶院藏經序湜長老勸建寺南禪即崇慶也

從君覓數珠，老境仗消遣。未能轉千佛，且從千佛轉。儒
生推變化，乾策數大衍。道士守玄牝，龍虎看舒卷。我老
安能為萬劫，付一喘嘿坐。閱塵界往來八十反，
一作區區

我所寄蹙縮，蠶在繭。適從海上回蓬萊，又清淺。

傳燈錄法達禪師誦法華經及三千部六祖謂之曰心迷法華轉心悟轉法華周
易大衍之數五十其用四十有九又曰凡天地之數五十有五此所以成變化而
行鬼神也金品論夫龍虎金木也金為虎木為龍虎之異名真鉛金水也龍之
異名真汞木火也楞嚴經心能記憶八萬四千洹河沙劫周徧了知得無疑惑

鬱孤臺

公自注再過虔州和前韻

吾生如寄耳，嶺外亦閒游。贛石三百里，寒江尺五流。楚
山微有霰，越瘴久無秋。望斷橫雲嶠，翬飛咤雪洲。曉鐘
時出寺，暮鼓各鳴樓。歸路迷千嶂，勞生閱百州。不隨猿
鶴化，甘作賈胡留。祇有貂裘在，猶堪買釣舟。

孟浩然詩贛石三百里沿江千嶂間李肇國史補蜀之三峽南康之贛石皆險絕
之所爾雅山狹而長曰嶠王注橫雲嶠指五嶺咤雪洲謂瓊崖儋萬四州南越地
炎瘴而無雪有雪則以為咤抱朴子周穆王南征久而不歸一軍
皆化君子為猿為鶴小人為虫為沙賈胡留後漢馬援事注已見

查注虔州志
漢英字子伴經
聖而和虔州

虔守霍大夫監郡許朝奉見和此詩復次前韻

大邦安靜治。小院得閒遊。贛水雨已漲。廉泉春未流。同烹貢茗雪。一洗瘴茅秋。秋思生尊鱸。寒衣待橘洲。揚雄未有宅。王粲且登樓。老景無多日。歸心夢幾州。敢因逃酒去。端為和詩留。舊篋藏新語。清風自滿舟。

贈虔州術士謝晉臣

屬國新從海外歸。君平且莫下簾帷。前生恐是盧行者。

後學過呼韓退之。死後人傳戒定慧。生時宿直斗牛箕。

憑君為算行年看。便數生時到死時。

頷聯已見三十六卷答周循州詩。惟自字今作恐字。韓退之詩我生之辰月宿南斗牛奮其角箕張其口。樊注蘇內翰云吾生平遭口語無數。蓋生時與退之相似。

吾命宮在斗牛間
而身宮亦在箕

虔州景德寺榮師湛然堂

卓然精明念不起。兀然灰槁照不滅。方定之時慧在定。定慧照寂非兩法。妙湛總持不動尊。默然真入不二門。語息則默。非對語。此話要將周易論諸方人人把雷電。不容細看真頭面。欲知妙湛與總持。更問江東三語掾。

楞嚴經攝心為戒。因戒生定。因定發慧。是則名為三無漏學。又淨極光通達寂照。含虛空。又妙湛總持不動尊。首楞嚴王世希有周易復卦注。凡動息則靜。靜非對動者也。語息則默。默非對語者也。

次陽行先

公自注用查注宋史陽孝本字行先。贛州人。宋城。鬱孤臺韻。詩之曰。王巖居士隱遁二十年。

室空惟法喜。心定有天游。摩詰元無病。須洎不入流。苦

嫌尋直枉坐待寸田秋雖未麒麟閣已逃鸚鵡洲酒醒
風動竹夢斷月窺樓衆謂元德秀自稱陽道州拔葵終
相魯碎穀會封畱用舍俱無礙飄然不繫舟

金剛經須陀洹名爲入流而實無所入漢書蘇武傳甘露二年單于入朝帝思股肱之良乃圖畫其人於麒麟閣輿地志鸚鵡洲在武昌府城南卽黃祖殺禰衡處

再用數珠韻贈湜老

嗣宗雖不言叔寶猶理遣東坡但熟睡一夕一展轉南
遷昔虞翻卻掃今馮衍古佛旣手提諸方皆席卷當年
清隱老鶴瘦龜不喘和我彈丸詩百發亦百反耆年日
彫喪但有犢角繭時來窺方丈共笑虎毛淺

傳燈錄手提諸佛直見本來面目諸方尊宿無能出其右又百丈禪師侍馬祖言下省悟次日馬祖陞座衆纒集百丈出卷卻席祖便下座白樂天贈王山人詩夜

後不聞龜喘息秋來惟長鶴精神禮記天地之牛角繭栗爾雅釋獸篇虎切毛謂之號注切淺也疏淺毛者別名號貓號音游又鈕限助諫二切

和猶子遲贈孫志舉

查注孫志舉字夫二子一名魏字志舉一名勵字志舉見虔州志

軒裳大爐鞴陶冶一世人從橫落模範誰復甘飢貧可
憐方回癡初不疑嘉賓頗念懷祖黠瞋兒與兵姻失身
墮浩渺投老無涯垠回看十年舊誰似數子真孫郎表
獨立霜戟交重闔深居不汝覲豈問親與鄰連枝皆秀
傑英氣推伯仁我從海外歸喜及崆峒春新年得異書
西郭有逸民公自注陽行先以志舉年登真隱訣見借小孫又過我歡若平生親清詩
五百言句句皆絕倫養火雖未伏要是丹砂銀我家六
男子朴學非時新詩詞各璀璨老語徒周諄願言敦宿

介夫嘗都人不附新
法辭條似日文忠作
剛說貴之虔州志

好永與竹林均六子豈可忘從我屢厄陳

莊子大宗師今一以天地為大鑪以造化為大冶楊子師者令模範也以木曰模以竹曰範晉書郝愔傳字方回超字嘉賓超實黨桓氏以愔忠於王室不令知之將亡出一箱付門生曰我亡後公若大損眠食可呈此箱及超死愔果哀悼成疾門生依旨呈之悉與溫往反密計愔於是大怒曰小子死恨晚矣又王述傳字懷祖子坦之為桓溫長史溫欲為子求婚於坦之及還家省父而述愛坦之雖長大猶抱置膝上坦之因言溫意述大怒遽排下曰汝竟癡耶詎可畏溫面而以女妻兵也晉書周俊傳三子顗嵩謨顗別有傳伯仁顗字登真隱訣梁貞白先生所述抱朴子丹砂燒之成水銀積變又還成丹砂故能令人長生天洞鍊真寶經將丹砂修煉伏火後鼓成白銀名之為一返也將白銀化出砂令伏火鼓之乃成黃銀名之為二返也六男子謂邁迨過遲迨遠左傳襄三十一年穆叔曰趙孟年未盈五十而諄諄焉如八九十者陶詩詩書敦宿好

南禪長老和詩不已故作六蟲篇答之

鳳皇覽德輝遠引不待遣鷓鴣戀庭宇倏忽來千轉那將坐井蛙而比談天行蠹魚著文字槁死猶遭卷老牛

疲耕作見月亦妄喘東坡方三問南禪已五反老人但目擊侍者應足繭最後六蟲篇深寄恨語淺

賈誼弔屈原賦鳳皇翔於千仞今覽德輝而下之莊子山木篇鳥莫知於鷓鴣注鷓鴣燕也韓退之詩何殊蠹書虫生死文字間風俗通吳牛望月而先喘又滿奮語載世說已見淮南子楚王欲攻宋墨子聞之自魯而趨十日十夜足重繭而不息至於郢見楚王杜子美詩足繭荒山轉愁寂

明日南禪和詩不到故重賦數珠篇以督之二

首

未來不可招已過那容遣中間見在心一一風輪轉自從一生二巧歷莫能衍不如袖手坐六用都懷卷風雷生馨歎萬竅自號喘詩人思無邪孟子內自反大珠分一月細綆合兩繭纍然挂禪牀妙用夫豈淺

金剛經過去心不可得見在心不可得未來心不可得楞嚴經覺明空昧相待成
搖故有風輪執持世界莊子齊物論一與言為二二與一為三自此以往巧歷不
能得而况其凡
乎六用注已見

朝來取飯化乃是維摩遣全鋒雖未露半藏已曾轉說
有陋裴頠談無笑王衍看經聊爾耳遮眼初不卷三陀
故自醒一呷何由喘請歸視故櫝靜夜珠當反安居三
十年古衲磨山繭持珠尚嘿坐豈是功用淺

傳燈錄羅山示衆云全鋒敵勝罕遇知音同死同生萬中無二又僧問大茅和尚
如何是大茅境界師云不露鋒僧云何為不露鋒師云無當者又有一媪令人詣
趙州求轉藏經趙州卻下禪牀轉一布乃曰轉藏經已竟其人回舉似媪媪曰此
來請轉全藏如何祇為轉半藏晉書裴頠傳頠深患王衍之徒聲譽太盛位高勢
重不以物務自嬰遂相倣倣風教陵遲乃著崇有論以釋其蔽晉書王衍傳魏正
始中何晏王弼等祖述老莊立論以為天地萬物皆以無為為本無也者開物成
務無往不存者也衍甚重之惟裴頠以為非著論以譏之而行處之自若傳燈錄
藥山看經曰且圖遮眼再見尚書顧命三宿三祭三咤注云至齒而不飲曰咤韓

非子楚人有賣其珠於鄭者為木蘭之櫃薰桂椒之櫝綴以珠
玉鄭人買匱而還其珠此可謂善賣櫝矣未可謂善鬻珠也

用前韻再和霍大夫漢英前和陽行先韻

文字先生飲公自注謂劉執中江山清獻遊典刑傳父老尊俎繼

風流度嶺逢梅雨還家指麥秋自慙鴻鴈侶爭集稻梁

洲野闊橫雙練城堅聳百樓行看鳳尾詔卻下虎頭州

君意已吳越我行無去畱歸途應食粥乞米使君舟

王注清獻趙閱道也劉趙二公皆知虔州廣絕交論分鴈鷺之稻梁庾信詠鴈詩
稻梁俱可戀飛去復飛還王注雙練謂章貢二水後漢公孫瓚傳云兵法百樓不
攻紀聞譚晉元帝踐祚凡諸侯屢奏批之曰諾而草書若字之尾如鳳形
故謂之鳳尾詔松陵集皮陸詩君批鳳尾詔我住虎頭巖虎頭謂虔州也

用前韻再和許朝奉

高門元世舊客路晚追遊清絕聞詩語疏通豈法流傳

家有衣鉢斷獄盡春秋邂逅陪車馬尋芳謝朓洲
淒涼望鄉國得句仲宣樓恨賦投湘水悲歌祀柳州何如五
字律相與一尊留更約登塵外歸時月滿舟

漢藝文志法家者流蓋出於理官斷獄如雋不疑引春秋蒯臧斷戾太子事見漢書本傳謝朓詩芳洲採杜若白氏金針梁元帝詩云朝出屠羊縣夕返仲宣樓凡詩四句以第一句對三句以第二句對四句謂之扇對又梅聖俞續金針引前人詩云昔時花下雷連飲暖日天桃鶯亂啼今日江邊容易別淡煙衰草馬頻嘶以證其格今此兩聯即其格也塵外亭名在虔州公有詩見三十卷傳燈錄慧禪師唱曰夜靜水寒魚不食滿船空載月明歸

用前韻再和孫志舉

人衆者勝天天定亦勝人鄧通豈不富郭解安得貧驚
飛賀厦燕走散入幕賓醉眠中山酒結夢南柯姻寵辱
能幾何悲歡浩無垠回視人間世了無一事真灑掃古

玉局香火通帝闈我室思無邪我堂德有鄰所至爲鄉
里事賢友其仁之子富經術蔚如井大春蛇蠶楚南極
淑氣生此民唱高和自寡非我誰當親譬彼嶰谷竹翦
裁待伶倫俗學吁可鄙紙繒配芻銀聊將調癡鬼亦復
爭華新願子事篤實浮言掃謔諄窮通付造物得喪理
本均期予如太倉會當發陳陳

漢書佞幸傳文帝使善相人者相鄧通曰當貧餓死上曰能富通者在我何說貧於是賜通蜀嚴道銅山得自鑄錢鄧氏錢布天下漢書游俠傳武帝徙豪右茂陵郭解貧不中徙吏恐不敢不徙衛將軍爲言郭解家貧不中徙上曰郭解布衣權至使將軍此其家不貧淮南子湯沐具而蟻風相弔大厦成而燕雀來賀互見前思無邪先生齋名韓退之詩我來亦已幸事賢友其仁東漢井丹字大春深於經術再見韓送廖道士序彬之爲州又當中州清淑之氣蛇蠶扶輿磅礴而鬱積意必有魁奇忠信材德之民生其間王注紙繒芻銀喻俗學之無實謔音占字出素問病而在言也

崔文學甲攜文見過蕭然有出塵之姿問之則
孫介夫之甥也故復用前韻賦一篇示志舉

象服盛簪珥豈是邢夫人敝衣破冠履可憐范叔貧君
看崔員外晚就觀國賓當年頗赫赫翁媪爭為姻公自注見退之

贈崔員外 贈崔員外晚就觀國賓當年頗赫赫翁媪爭為姻公自注見退之

真道存百無害甘守吳市闔自言總角歲慈母為擇鄰

邦人驚似舅矯矯惡不仁詩文非他師家法乃富春豈

非空同秀為國產雋民挺然齊魯生近出姬姜親為文

不在多一頌了伯倫清詩要鍛一作煉乃得鉛中銀自我

遷嶺外七見槐火新著書已絕筆一嘿含千諄蕢桴和

葦籥天節非人均時時自娛嬉豈為俗子陳

邢夫人事見第十四卷芙蓉城詩注杜子美詩甫昔少年日早充觀國賓韓退之寄崔立之詩老婦願嫁女約不論財賫老公羽不量分累月答其兒晉書何無忌傳桓玄聞義軍起大懼曰劉裕勇冠三軍當今無敵劉毅家無儋石之儲樛滿一擲百萬何無忌劉牢之之甥酷似其舅共舉大事何謂無成晉書劉伶傳字伯倫未嘗厝意文翰惟著酒德頌一篇管子有鉛下有銀蘇頌本草圖經銀在鉶中與銅相雜土人采得以鉛再三煎鍊方成又鉛銀最難得今時燒煉家每一斤鉛止得一二銖周禮司燿掌行火之政令四時變國火注春取榆柳夏取棗杏夏季取桑柘秋取柞檀冬取槐檀也杜子美詩九鑽巴巖火先生用其意蓋紀年也禮記蕢桴土鼓葦籥伊耆氏之樂也

畫車二首

何人畫此隻一作輪輪車便是當年欵器圖上易下難須審

細左提右挈免疎虞

公羊傳晉人敗秦師於穀匹馬隻輪無反者家語孔子觀於魯桓公之廟有欵器焉問守廟者此何器對曰此蓋宥坐之器孔子曰吾聞宥坐之器虛則欵中則正

滿則覆明君以爲至誠漢書張耳傳廝養卒說燕曰夫以一趙尚易燕况以兩賢王左提右挈而責殺王滅燕易矣

九衢歌舞頌王明誰惻寒泉獨自清賴有千車能散福
化爲膏雨滿重城

虔州呂倚承事年八十三讀書作詩不已好收

古今帖貧甚至食不足

潘子真詩話補遺呂倚夢得維揚人少有場屋聲善屬對喜收書畫

贈證不偶老始以恩補虔州瑞金簿致仕貧無以歸年八十餘惟有一女嫁贛人因居焉與王禹玉有舊元豐間餉錢二萬酒十壺夢得作啟致謝隔句中用白水真人青州從事爲對禹玉極嘆賞之其後東坡過虔以詩遺之云

揚雄老無子馮衍終不遇不識孔方兄但有靈照女家
藏古今帖墨色照箱篋飢來據空案一字不堪煮枯腸
五千卷磊落相撐拄吟爲蜩蛩聲時有鳥可句爲語里

長者德齒敬已古如翁有幾人薄少可時助

韓退之贈盧全詩俸錢供給公私餘時致薄少助祭祀

王子直去歲送子由北歸往返百舍今又相逢

贛上戲用舊韻作詩畱別

先生有贈王子直秀才詩見三十五卷

米盡無人典破裘送行萬里一鄒游解舟又欲攜君去
歸舍聊須與婦謀聞道年來丹伏火不愁老去雪蒙頭
剩買山田添鶴口廟堂新拜富民侯

顏魯公與蔡明遠帖云聞鄒游與明遠同來欲至采石計其不久亦合及吾於淮泗之間魏野間居詩成家書滿室添口鶴生孫

次韻江晦叔二首

晦叔事見送江公著知吉州題注

人老家何在龍眠雨未驚酒船回太白穉子候淵明幸

與登仙郭同依坐嘯成小樓看月上劇飲到參橫
鐘鼓江南岸歸來夢自驚淨雲世事吹孤月此心明雨
已傾盆落詩仍翻水成二江爭送客木杪看橋橫

次韻江晦叔兼呈器之

劉安世字器之終於寶文閣待制學者號曰元城先生

橫空初不跨鵬鵠但覺胡牀步步高

公自注器之言嘗夢飛自覺身與坐牀皆起空中

枕晝眠春有夢扁舟夜渡海無濤歸來又見顛茶陸

公自注

在錢塘嘗語晦叔陸羽茶顛君亦然

多病仍逢止酒陶

公自注陶淵明有止酒詩器之小時飲量無敵今不復飲矣

笑

說南荒底處所祇今榕葉下庭臯

公自注南荒見法錄器之元祐初至步城同朝至元符末歸自南荒

下注先生渡江北還以三更發瓊州晚到滬角場元城先生語錄某初到南方有一高僧教某南方地熱而酒性亦熱今嶺南煙瘴之地更加以酒必大發疾故某過嶺即合家斷酒雖徧歷水土惡弱他人必死之地某合家十口皆無恙今北歸已十年矣無一患瘴者此其效也

寒食與器之游南塔寺寂照堂

查注春和志槐安歲在縣之南塔寺

城南鐘鼓鬪清新端為投荒洗瘴塵總是鏡空堂上客

誰為寂照境中人紅英掃地風驚曉綠葉成陰雨洗春

記取明年作寒食杏花曾與此翁鄰

先生和聰上人詩一悟鏡空老始知圓澤賢標嚴經湛然寂照韓退之杏花詩居鄰北郭古寺空杏花兩株能白紅明年更發應更好道人莫忘鄰家翁

器之好譚禪不喜游山山中笋出戲語器之可

同參玉版長老

冷齋夜話先生邀器之食笋味勝問此何名東坡曰即玉版也此老師善說法器之乃悟其為

戲坡公大笑作偈云云

叢林真百丈法嗣有橫枝

公自注玉版橫枝竹筍也

不怕石頭路來參玉

版師聊憑柏樹子與問籜龍兒瓦礫猶能說此君那不

不言人事而人事之變遷自見

知

釋氏要覽梵語貧波此云叢林傳燈錄洪州百丈山懷海禪師所居處巖巖峻極故號曰百丈又黃梅謂道信師曰和尚他後橫出一枝佛法禪家旁出者謂之橫枝前燕錄石季龍使人采藥上華山得玉版先生詩則借以喻筭也莊子道在瓦礫傳燈錄有僧問如何是佛文殊答云牆壁瓦礫而猶能說之此君竹也用王子猷語

求和清都觀道士童顏鬢髮問其年生於丙子

蓋與予同求此詩 吉安志萬安縣有三鄉一曰永和

鏡湖勅賜老江東未似西歸玉局翁羈枕未容春夢斷

清都宛在默存中每逢佳境攜兒去試問行年與我同

自笑餘生消底物半篙清漲百灘空 公自注予與劉器之同發虔州江水忽清漲丈餘贛

石二百里無一見者至求和器之解舟先去予獨遊清都作此詩

贈詩僧道通

雄豪而妙苦而腴祇有琴聰與蜜殊 公自注錢塘僧思聰總角善琴後捨琴而學詩復弃

詩而學道其詩似皎然而加雄放安州僧仲殊詩敏捷立成而工妙絕人殊辟穀常啖蜜語帶烟霞從古少 公自注李太白

云他人之文如山無烟霞春無草木氣含蔬筍到公無 公自注謂無酸餽氣也香林乍喜聞簷

奴 藟古井惟慙斷轆轤為報韓公莫輕許從今島可是詩

劉禹錫答柳子厚書新文吟而繹之顧其詞甚約而味齋然以長端而曼苦而腴

張競辰永康所居萬卷堂 王注張合注華陽張德遠之

君家四壁如相如卷藏天祿吞石渠豈惟鄴侯三萬軸

家有世南行祕書兒童拍手笑何事笑人空腹談經義

咭字說也

合注王鈺默記先生自
海外歸之南唐軍後
劉義仲約與白介甫
論三國志有嘉事備
云云可為先生在南唐
遇見此與之證

未許中郎得異書且與揚雄說奇字清江縈出碧玉環
下有老龍千古間知君好事家有酒化為老人夜扣關
留侯之孫書滿腹玉函寶方何用讀濠梁空復五車多
地上從來一編一作足王注次以曰張氏嘗有達龍化老人之事

國朝雜事唐太宗出幸有司請載書以
從帝曰不須虞世南在此行祕書也

劉壯輿長官是是堂

查注劉義仲字壯輿父怒與編資
治通鑑見宋史

閒燕言仁義是非安可無非非義之屬是是仁之徒非
非近乎訛是是近乎諛當為感麟翁善惡分錙銖抑為
阮嗣宗臧否兩含糊劉君有家學三世道益孤陳古以
刺今紬史行天誅皎皎大明鏡百陋逢一姝鶚立時四

顧何由擾羣狐作堂名是是自說行坦途孜孜稱善人
不善自遠徂願君置座右此語禹所謨

鬼道出嵩山集稱壯輿
字壯廬山之陽云云

漢書士相與言仁義於閒燕歐陽永叔非非堂記是是近乎諛非非近乎訛不幸
而過寧訕無謂先生用其說按麟翁句指仲尼作春秋韓退之詩近來自說尋
坦途左傳宣十六年羊舌職曰吾聞之禹
稱善人不善人遠後漢崔瑗有座右銘

予昔作壺中九華詩其後八年復過湖口則石
已為好事者取去乃和前韻以自解云

江邊陣馬走千峰問訊方知冀北空尤物已隨清夢斷

公自注劉夢得以九
華為造物一尤物真形猶在畫圖中

公自注道藏有
五岳真形圖歸來晚歲同

元亮卻掃何人伴敬通賴有銅盆修石供仇池玉色自

璵瓏公自注家有銅盆貯仇池石正綠色有洞水達
背予又嘗以怪石供佛印師作怪石供一篇

次韻郭功甫二首

功甫觀先生畫雪雀有感作詩寄惠州云平生才力信瑰奇今在窮荒豈易歸正似雪林枝上畫羽翰雖好不能飛後先生北歸又用前韻寄詩云秋霜春雨不同時萬里今從海外歸已出網羅毛羽在卻尋雲跡帖天飛今次其韻也

蚤知臭腐即神奇海北天南總是歸九萬里風安稅駕雲鵬今悔不卑飛

可憐倦鳥不知時空羨騎鯨得所歸玉局西南天一角萬人沙苑看孤飛

按年譜元符三年庚辰五月自儋移廉州八月又移永州十一月被命復朝奉郎提舉成都玉局觀沙苑用徐佐卿化鶴事詳見三十七卷新居詩注

次韻法芝舉舊詩一首

法芝名曇秀見揚州惠州卷中

春來何處不歸鴻非復羸牛踏舊蹤但願老師真似月

誰家舊裏不相逢

王注建中靖國初盡起元祐諸公之廢先生亦得請歸常州故以歸鴻起興先生舊有詩與法芝云團團如磨牛步步踏陳迹又云老芝如雲月炯炯時一出故今云爾

次舊韻贈清涼長老

查注案先生南遷過金陵有贈清涼和長老詩

過淮入洛地多塵舉扇西風欲污人但怪雲山不改色
豈知江月解分身安心有道年顏好一作少遇物無情句法
新送我長蘆舟一葉笑看雪浪滿衣巾

傳燈錄僧問龍光和尚賓頭盧一身何為赴四天供師曰千江同一月萬戶盡逢春

睡起聞米元章冒熱到東園送麥門冬飲子

一枕清風直萬錢無人肯買北牕眠開心煖胃門冬飲

此詩作於元章自米元章
寓居黃老集方鏡東坡
詩五言序曰年已中秋
同東坡以七月二十八日畢

此世季夏相值白沙年
園玉羅浮嘗見赤猿
後入夢云云：枕訪
丙有六月相逢萬里
歸山冠白履步青園
今看夢飲苦悲哉
寺句

知是東坡手自煎

本草別錄麥門冬葉如薤根似麥而有鬚凌冬不凋故又名忍冬

夢中作寄朱行中

舊傳先生本序云前一日夢作此詩寄朱行中覺而記之自不曉所謂謾寫去夢中

分明用此 查注宋史朱服字行中烏程人曾坐與東坡色紙也 甚疑斥

舜不作六器誰知貴璆璠哀哉楚狂士抱璞號空山相
如起現柱頭壁與俱還何如鄭子產有禮國自閑雖微
韓宣子鄙夫亦辭環至今不貪寶凜然照塵寰

周禮宗伯以玉作六器以禮天地四方尚書舜典修五禮五玉注五等諸侯所執之玉也逸論語璆璠魯之寶玉也孔子曰美哉璆璠遠而望之煥若也近而視之瑟若也春秋陽虎竊寶玉大弓注寶玉即璆璠左傳昭十六年晉韓宣子有環其一在鄭商宣子謁諸鄭伯子產弗與曰大國之求無禮以斥之何饜之有韓子買諸賈人以告子產曰今吾子以好來辱而謂敝邑強奪商人母乃不可乎韓子辭玉曰起不敏敢求玉以微二罪請辭之

答徑山琳長老

徑山長老無畏大士維琳湖之武康人也至常州與東坡問疾詩云扁舟駕蘭陵白援舊風日

君家有天人雄維摩詰我口吞文殊千里來問疾若以默和酬露柱皆笑出

與君皆丙子各已三萬日一日一千偈電往那容詰大
患緣有身無身則無疾平生笑羅什神呪真浪出

晉書鳩摩羅什傳從師授經日誦千偈王注按年譜先生生於景祐三年丙子卒於常州乃建中靖國元年辛巳實二萬三千四百六十日今云三萬日舉成數耳老子吾有大患為吾有身若無吾身吾有何患又羅什傳未終之日覺四大不愈乃日出三番神呪令外國弟子誦之以自救未及致力轉覺危殆於是力疾與眾僧告別此詩蓋先生示疾時而和琳老者也故用羅什將終時事

施註蘇詩卷之三十九



施註蘇詩卷之四十

長洲顧嗣立

漫堂先生宋 犖

閱定

毗陵邵長蘅

刪補

樸園先生張榕端

商丘宋 至

遺詩二十九首

施註缺
今補

老翁井

老蘇嘉祐集有老翁井銘叙云往歲十年山空月明
有老人偃息泉上就之則隱而入于泉因作詩其上

井中老翁悞年華白沙翠石公之家公來無蹤去無迹

井面團圓水生花翁今與世兩何與無事紛紛驚牧豎

改顏易服與世同無使世人知有翁

予以事繫御史臺獄獄吏稍見侵自度不能堪

查氏援弟于晦庵
訪語云此詩于送蜀
俗去塵詩皆老
蘇公所作

死獄中不得一別子由故作二詩授獄卒梁成以遺子由

聖主如天萬物春。小臣愚暗自亡身。百年未滿先償債。十口無歸更累人。是處青山可埋骨。他年夜雨獨傷神。與君世世為兄弟。又結來生未了因。

柏臺霜氣夜淒淒。風動琅璫月向低。夢遶雲山心似鹿。魂飛湯火命如鷄。眼中犀角真吾子。身後牛衣愧老妻。百歲神遊定何處。桐鄉知葬浙江西。

故有此句

漢書御史府中列柏樹常有野鳥數十棲宿其上因名烏臺又名柏臺杜子美詩風動金琅璫犀角字出國語正衣用王章事桐鄉用朱邑事並已見

十二月二十八日蒙恩責授檢校水部員外郎

黃州團練副使復用前韻施氏原本目錄十二月二十八日出獄次前韻十二字

百日歸期恰及春。餘年樂事最關身。出門便旋風吹面。走馬聯翩鵲啁人。卻對酒盃渾是夢。試拈詩筆已如神。此災何必深追咎。竊祿從來豈有因。

左傳定三年閻曰夷射姑旋焉杜注旋小便也韓退之石鼎聯句序道士起出戶若將便旋然又詩起居諫議聯翩來

平生文字為吾累。此去聲名不厭低。塞上縱歸他日馬。城東不鬪少年雞。休官彭澤貧無酒。隱几維摩病有妻。

堪笑睢陽老從事。為予投檄向江西。公自注子由聞予下獄乞以官爵贖予罪貶筠州監酒

淮南子近塞上之人其馬亡入胡中人皆弔之其父曰此何詎知不為福居數月其馬將胡駿馬而歸人皆賀之其父曰此何詎不為禍曹子建詩鬪鷄東郊道唐

查注以八月十日赴獄至此恰滿百

維摩詰示疾法喜喜以為妻注謂見法而喜喜世人以妻色為悅菩薩以法喜為悅

東城父老傳明皇好鬪鷄
時賈昌為五百小兒長

劉顛宮苑退老於廬山石碑菴顛陝西人本進

士換武家有聲伎 詩缺

西山戲題武昌王居士 并引

予往在武昌九曲西山亭上有題一句玄鴻橫號

黃櫨峴九曲亭即吳王峴山一山皆櫨葉其旁即

元結陂湖也荷花極盛因為對云皓鶴下浴紅荷

湖座客皆笑同請賦此詩 一統志樊山即西山也山有九曲嶺元結寒溪在其下相傳有吳王

避暑合注學齋佔畢坡多有和一字詩又有郊居江干一首及四言一首

江干高居堅關扃犍耕躬稼角挂經篙竿繫舸菰莢隔

查注漫史詩注東坡作吃後待山谷亦有戲題詩二老亦作詩戲耶

笳鼓過軍鷄狗驚解襟顧景各箕踞擊劍賡歌幾舉觥

荆笄供膾愧攪聒乾鍋更戛甘瓜羹

漢兒寬傳帶經而鋤唐書李密傳以蒲鞞乘牛挂漢書一帙角上行且讀宋沈慶之詩歸來笳鼓競杜子美詩殺戮到鷄狗戛羹漢高祖事在漢書楚元王傳詳見十三卷哭刁景純詩注按經字係九青韻豈先生偶失檢耶

十二月二十日恭聞太皇太后升遐 慈聖后也 以軾罪

人不許承服欲哭則不敢欲泣則不可故作挽

詞二章 東都事略皇太后崩於元豐二年十月二十日

巍然開濟兩朝勳信矣才難十亂臣原廟故應祠百世

先王何止活千人和熹未聖猶貪位明德雖賢不及民

月落風悲天雨泣誰將椽筆寫光塵

在都事昭憲聖達
豫中曾信之曰仁宗以
制科以蘇軾兄弟其
喜曰吾為子孫以兩字
相今聞軾以作詩繫獄
非仇人中傷之疑至
于其罪微矣夫疾
勢已甚不可免也
軾中和賦也且免

杜子美蜀相詩兩朝開濟老臣心論語十亂注其一人蓋邑姜也後漢和熹鄧皇后紀和帝崩殤帝生始百日乃迎立之尊后為太皇太后臨朝及殤帝崩太后定策立安帝猶臨朝政范曄論曰鄧后稱制終身號令自出術謝前政之良身闕明辟之義至使嗣主側目斂衽于虛器直生懷懣懸書于象魏借之儀者殆其惑哉又明德馬皇后紀皇太后曰馬貴人德冠後宮即其人也遂立為皇后常衣大練裙不加緣建初元年欲封爵諸舅太后不聽晉書王恂傳夢人以大筆如椽與之既覺語人云此當有大手筆事俄而帝崩哀冊論議皆恂所草老子和其光同其塵王注王立之云此詩蓋未嘗進其後作宣仁挽詞取其兩句云固應祠百世何止活千人

未報山陵國士知遶林松柏已猗猗一聲慟哭猶無所萬死酬恩更有時夢裏天衢隘雲仗人閒兩淚變形惟關雎卷耳平生事白首累臣正坐詩

史記刺客列傳豫讓曰知伯以國士遇我我以國士報之毛詩關雎卷耳皆后妃之詩左傳成三年對曰以君之靈彘臣得歸骨于晉

戲足柳公權聯句 并引

宋玉對楚王此獨大王之雄風也庶人安得而共之譏楚王知己而不知人也柳公權小子與文宗聯句有美而無箴故為足成其篇

人皆苦炎熱我愛夏日長薰風自南來殿閣生微涼一為居所移苦樂永相忘願言均此施清陰分四方

戲作賈梁道詩 并引 施註目有緒 紹似康一題即此首

王凌謂賈充曰汝非賈梁道之子耶乃欲以國與人由是觀之梁道之忠于魏也久矣司馬景王既執凌歸過梁道廟凌大呼曰我亦大魏之忠臣也及司馬病見凌與梁道守而殺之二人者可謂忠

義之至精貫于神明矣然梁道之靈獨不能已其
子充之姦至使首發成濟之事此又理之不可曉
者也故予戲作小詩云

嵇紹似康為有子郗超叛鑿似無孫如今更恨賈梁道
不殺公閻殺子元

晉書嵇紹傳中散大夫康之子也王師敗績于蕩陰百官及侍衛莫不散潰惟紹
嚴然端冕以身捍衛兵交御輦飛箭雨集紹遂被害于帝側血濺御服天子深哀
歎之及事定左右欲浣衣帝曰此嵇侍中血勿浣也又郗鑿傳與王敦相見鑿曰
丈夫既繫身北面義全在三豈可偷生屈節覲顏天壤耶敦聞言大忿之及祖約
蘇峻反鑿設壇場刑白馬大誓三軍三軍爭為用命圍解進位太尉尋薨冊曰惟
公忠亮雅正行為世表社稷之危賴公以寧云云子愔愔子超桓溫辟為征西大
將軍掾又轉為參軍溫懷不軌欲立霸王之基超為之謀主
以愔忠于王室不令知之公閻賈充字子元司馬景王字

戲孫公素

披扇當年笑溫嶠握刀晚歲戰劉郎不須戚戚如馮衍
便與時時說李陽

世說溫嶠下玉鏡臺一枚聘姑女既婚交禮女以手披紗扇撫掌大笑曰我固疑
是老奴果如所卜三國志法正傳孫權以妹妻先主妹才捷剛猛有諸兄之風侍
婢百餘人皆親執刀侍立先主每入衷心常凜凜漢書馮衍傳妻北地任氏妬悍
衍作書與其兄遂逐之世說王夷甫婦郭泰女才拙而性剛夷甫患之而不能
禁時其鄉人幽州刺史李陽京都大俠郭氏憚之夷甫驟諫
之乃曰非但我言卿不可李陽亦謂卿不可郭氏為之小損

趙成伯家有麗人僕忝鄉人不肯開樽徒吟春

雪美句次韻一笑

繡簾朱戶未曾開誰見梅花落鏡臺試問高吟三十韻

何如低唱兩三杯

公自注世言檢死秀才衣帶上有雪詩三十韻又云陶
穀學士買得党太尉家妓遇雪陶收雪水烹團茶謂妓
曰黨家應不識此妓曰彼麤人安得此但能於銷
金煖帳中淺斟低唱喫羊羔兒酒陶嘿然慙其言
莫言衰鬢聊相映須

合注集錄錄公素
畧由嘗求故多書就

得纖腰與共回知道文君隔青瑣梁園賦客官言才自公

注聊答來句義取婦人而已罪過罪過

文君司馬相如妻見本傳世說韓壽美姿容賈充女於青瑣牕中看見壽說之謝惠連雪賦梁王不悅遊於兔園名鄉生延枚叟相如未至居客之右

送南屏謙師 并序

南屏謙師妙於茶事自云得之於心應之於手非
可以言傳學到者十二月二十七日聞軾遊壽星
遠來設茶作此詩贈之
道人曉出南屏山來試點茶三昧手忽驚午盞兔毛斑
打作春甕鵝兒酒天台乳花世不見玉川風腋今安有
先生有意續茶經會使老謙名不朽

劉貢父贈謙師詩亦云馮湯奪得茶三昧先生有月兔茶詩

合注鄭昉重刊施注本題此南屏謙師來設茶八字此引

按第六卷先生月兔茶詩云中有迷離玉兔兒兔毛斑疑即指此茶也杜子美詩鵝兒黃似酒天台記丹丘出大茗服之生羽翼茶寮記雲脚漸垂乳花浮面又茶有石乳滴乳白乳之號

按第六卷先生月兔茶詩云中有迷離玉兔兒兔毛斑疑即指此茶也杜子美詩鵝兒黃似酒天台記丹丘出大茗服之生羽翼茶寮記雲脚漸垂乳花浮面又茶有石乳滴乳白乳之號

虛飄飄三首

焦竑外集序云虛飄飄三首坡多與黃秦倡和見少游集

虛飄飄畫簷蛛結網銀漢鵲成橋塵瀆雨桐葉霜飛風

柳條露凝殘點見紅日星曳餘光橫碧霄虛飄飄比浮

名利猶堅牢

淮南子烏鵲填河成橋而渡織女

虛飄飄花飛不到地虹起謾成橋入夢雲千疊游空絲

萬條蜃樓百尺橫蒼海鴈字一行書絳霄虛飄飄比人

身世猶堅牢

此名东坡次山谷韻

此名黃山谷原唱

此名秦少游沙山
谷韻

大臨字郊老故周
人後家黃州得白
法於東坡

史記天官書海
旁蜃氣象樓臺

虛飄飄風寒吹絮浪春水暖冰橋勢緩
霍音垂線聲乾
葉下條雨中漚點隨流水風裏綵雲橫
碧霄虛飄飄比
時富貴猶堅牢

字彙漚雨貌漚點水中小泡楞嚴經云如湛巨海流一浮漚
起滅無從白樂天詩大都好物不堅牢綵雲易散琉璃脆

劉監倉家煎米粉作餅子余云為甚酥潘邠老
家造逡巡酒余飲之云莫作醋錯著水來否後
數日余攜家飲郊外因作小詩戲劉公求之

野飲花間百物無杖頭惟挂一葫蘆已傾潘子錯著水
更覓君家為甚酥

贈包安靜先生二首

包安靜先生
一本先生下有茶字

皓色生甌面堪稱雪見羞東坡調詩腹今夜睡應休自公

注偶謁大中精藍中故人烹

日注茶果不虛故詩以記之

五代劉翹有妾名花見

羞雪見羞三字本此

建茶三十片不審味如何奉贈包居士僧房戰睡魔自公

注昨日點日注極佳點此復云

罐中餘者可示及舟中滌神耳

茶經歷代貢茶皆以建寧為上國史補建州有先春龍焙

茶錄建人以鬪茶為茗戰胡嶠茶詩破睡當封不夜侯

元祐元年二月八日朝退獨在起居院讀漢書

儒林傳感申公故事作小詩一絕

寂寞申公謝客時自言已見穆生幾縮臧下吏明堂廢

又作龍鍾病免歸

漢書儒林傳申公魯人也少與楚元王交俱事齊人浮丘伯在長安元王遣子郢與申公俱卒學元王薨郢嗣立為楚王令申公傅太子戊戊不好學病申公及戊立為王胥靡申公申公媿之歸魯退居家教終身不出門復謝賓客蘭陵王臧及代趙綰皆從受詩綰臧請立明堂以朝諸侯不能就其事乃言師申公於是上使使東帛加壁安車以蒲裹輪駕駟迎申公至見上上問治亂之事申公時已八十餘老對曰為治不在多言顧力行何如耳上默然時竇太后喜老子言不悅儒術得綰臧之過以讓上上因廢明堂事下綰臧吏皆自殺申公亦病免歸數年卒穆生事已見十五卷次韻潛師放魚詩注

初貶英州贈馬夢得

萬古仇池穴歸心負雪堂殷勤竹裏夢猶自數山玉

杜子美詩萬古仇池穴潛通小有天雪堂在黃州府治東顏延之詠竹林七賢以山王貴盛黜之乃作五君詠

贈虔州慈雲寺鑿老

居士無塵堪洗沐道人有句借宣揚牕閒但見蠅鑽紙

冷齋在禪云東坡自海外得之度以水酒丹石行時至區慈雲寺法長老時嘗許林以遺學

宋刊本英州下有過托二字
馬夢得二月在東坡
首句今疑云過托蓋
夢得托人也

門外惟聞佛放光徧界難藏真薄相一絲不挂且逢場
卻須重說圓通偈千眼薰籠是法王

蠅鑽紙佛放光注已見一絲不挂逢場作戲皆禪宗語釋典菩薩千手目與一手目同又于六開士於浴室證悟本因於薰籠焙浴具得大安樂法華經法王無上尊圓覺經註佛為萬法之王又曰空王

查云詩中有玩世疾俗之意書是在黃州生軒見時所作

洗兒

人皆養子望聰明我被聰明悞一生惟願孩兒愚且魯

無災無難到公卿

過子忽出新意以山芋作玉糝羹色香味皆奇

絕天上酥陀則不可知人間決無此味也

種白芋真芋連禪紫芋並毒少正可煮啖查云此乃是海外作之兼肉作羹甚佳蹲鴟之饒蓋謂此也

予之坡作行戲之云
以雲間二字作芋頭
此外二字作附背

香似龍涎仍醞白味如牛乳更全清莫將南海金蘘膾
輕比東坡玉糝羹

香譜龍涎於香品中最貴重出大食國海傍多亦不過數兩上品曰泛水次曰滲沙維摩經阿難白佛言憶念昔時世尊身病有小疾當用牛乳又杜子美泉眼詩香美勝牛乳金蘘膾注已見

擷菜

并序

此古見富惠集

吾借王參軍地種菜不及半畝而吾與過子終年
飽菜夜半飲醉無以解酒輒擷菜煮之味含土膏
氣飽風露雖梁肉不能及也人生須底物而更貪
耶乃作四句

秋來霜露滿東園蘆葍生兒芥有孫我與何曾同一飽

不知何苦食鷄豚

晉書何曾傳性豪奢務極華侈日食萬錢猶曰無下箸處

食檳榔

合注鄭和重刊施注本題下注云或云叔堂作

月照無枝林夜棟立萬礎眇眇雲間扇蔭此九月暑上
有垂房子下繞絳刺禦風欺紫鳳卵雨暗蒼龍乳裂包
一墮地還以皮自煮北客初未諳勸食俗難阻中虛畏
泄氣始嚼或半吐吸津得微甘著齒隨亦苦面目太嚴
冷滋味絕媚嫵誅彭勳可策推轂勇宜賈瘴風作堅頑
導利時有補藥儲固可爾果錄詎用許先生失膏梁使
腹委敗鼓日啖過一粒腸胃為所侮蟄雷殷臍腎藜藿

腐亭午書燈看膏盡。鉦漏歷歷數老眼。怕少睡。竟使赤
背弩。渴思梅林。燕飢念黃獨。舉奈何。農經中收此。困羈
旅牛舌不餉人。一斛百多與。乃知見本偏。但可酬惡語。

異物志檳榔樹若筍竹生竿近上未五六尺間洪腫起如槐木焉因圻裂出若黍
秀也無花而為實大如桃李天生棘重累其下所以禦衛其實也味苦澀剖其上
皮煮其膚熟而食之堅如乾索彼方珍之以為口食。嵇含南方草木狀交廣人凡
貴勝族客必先呈此果若遲遲不設用相嫌恨本草主治消穀逐水除痰瀉殺三
虫宣利臟腑滯破胸中氣嶺南人噉之當果實以祛瘴瘵也一名洗瘴丹按彭
者三尸之姓彭質彭矯彭居也周成雜字檳榔果也似螺可食李當之藥錄檳榔
一名檳門韓昌黎進學解敗鼓之皮世說魏武行役失汲道軍皆渴乃令曰前有
大梅林饒子甘酸可以解渴士卒聞之口皆出水乘此得及前源本草拾遺陳藏
器云黃獨過霜雪枯無苗蓋蹲鴟之類梁劉孝綽詠有人乞牛舌乳不付因餉檳
榔詩云云宋劉穆之貧時從妻兄江氏乞檳榔江曰檳榔消食君苦飢何須此後
尹丹陽以金盤
斛許誇示之

儋耳山

漢儋耳郡本朱崖地在中國極南

突兀隘空虛。他山總不如。君看道傍石。盡是補天餘。

詩小雅他山之石可以攻玉列子天亦物也物何義內云未之白自謂亦並指器之
有不足故昔者女媧氏鍊五色之石以補其闕 諸人也劉安世字器之

夜坐與邁聯句

清風來無邊。明月翳復吐。坡松聲滿虛空。竹影侵半戶。

邁暗枝有驚鵲。壞壁鳴飢鼠。坡露葉耿高梧。風螢落空

廡。微涼感團扇。古意歌白紵。樂哉今夕游。獲此陪杖屨。

邁傳家詩律細。已自過宗武。短詩膝上成。聊以感懷祖。

坡

古樂府有白紵辭杜子美詩晚節漸於詩
律細又集中有示宗武詩懷祖事屢見

曹溪夜觀傳燈錄。燈花落一僧字上口占。

星花漫錄叙堂云
石考作者傳寫之
誤一字不工遂使全
篇俱病

山堂夜岑寂燈下看傳燈不覺燈花落茶毗一箇僧

釋典天竺第九祖入滅衆以香油旃檀開維真體閣維卽茶毗焚燒也

施註蘇詩卷之四十

施註蘇詩卷之四十一

長洲顧嗣立

漫堂先生宋 榮

閱定

毗陵邵長蘅

刪補

樸園先生張榕端

商丘宋 至

和陶淵明詩引

子由作

東坡先生謫居儋耳寘家羅浮之下獨與幼子過負
擔度海葺茅竹而居之日啗藟芋而華屋玉食之念
不存於胸中平生無所嗜好以圖史爲園囿文章爲
鼓吹至是亦皆罷去猶獨喜爲詩精深華妙不見老
人衰憊之氣是時轍亦遷海康書來告曰古之詩人

有擬古之作矣未有追和古人者也追和古人則始於東坡吾於詩人無所甚好獨好淵明之詩淵明作詩不多然其詩質而實綺癯而實腴自曹劉鮑謝李杜諸人皆莫及也吾前後和其詩凡一百有九篇至其得意自謂不甚媿淵明今將集而併錄之以遺後之君子其爲我志之然吾於淵明豈獨好其詩也如其爲人實有感焉淵明臨終疏告儼等吾少而窮苦每以家弊東西游走性剛才拙與物多忤自量爲己必貽俗患俛仰辭世使汝等幼而饑寒淵明此語蓋實錄也吾真有此病而不蚤自知平生出仕以犯世

按梁溪漫志此是
行乃東坡所改非
子由原本

患此所以深愧淵明欲以晚節師範其萬一也嗟乎淵明不甯爲五斗米一束帶見鄉里小兒而子瞻出仕三十餘年爲獄吏所折困終不能悛以陷大難廼欲以桑榆之末景自託於淵明其誰甯信之雖然子瞻之仕其出處進退猶可攷也後之君子其必有以處之矣孔子曰述而不作信而好古竊比於我老彭孟子曰曾子子思同道區區之迹蓋未足以論士也轍少而無師子瞻旣冠而學成先君命轍師焉子瞻嘗稱轍詩有古人之風自以爲不若也然自斥居東坡其學日進沛然如川之方至其詩比李太白杜子

美有餘遂與淵明比轍雖馳驟從之而常出其後其
和淵明轍繼之者亦一二焉紹聖丁丑十二月十九
日海康城南東齋引

追和陶淵明詩六十二首

飲酒二十首

合注卷三十五字揚州時作

吾飲酒至少常以把盞為樂往往頽然坐睡人見
其醉而吾中了然蓋莫能名其為醉為醒也在揚
州飲酒過午輒罷客去解衣槃礴終日歡不足而
適有餘因和淵明飲酒二十首庶以彷彿其不可
名者示舍弟子由鼂無咎學士

鼂無咎名補之時通判揚州事見三十二卷次韻鼂

此云飲木就陶而
時之亦自露本也
正出褚摹筆蘭亭
願亦已法正其
且其字亦定以七子
之學古亦不更便鈎
靡堪耳

無咎
詩註

我生不如陶

一作我不
如陶生

世事纏綿之云何得一適亦有如生

時寸田無荆棘佳處正在茲縱心與事往所遇無復疑

偶得酒中趣空杯亦常持

二豪詆醉客氣湧胸中山漼然似冰釋亦復在一言嗇

氣實其腹云當享長年少飲得徑醉此祕君勿傳

晉劉伶傳為酒德頌曰有貴介公子搢紳處士聞吾風聲議其所以先生方捧甕
承槽銜杯漱醪無思無慮其樂陶陶兀然而醉悅然而醒二豪侍側焉知螺贏之
與螟蛉又互見前江表傳孫權曰朕年六十世事難易靡所不嘗近
為鼠子所卻令人氣湧如山老子渙若冰將釋又虛其心實其腹

道喪士失已出語輒不情江左風流人醉中亦求名淵
明獨清真談笑得此生身如受風竹掩冉衆葉驚俯仰

各有態得酒詩自成

唐文藝傳胡楚賓屬文敏甚必酒中然後下筆

蠢蠕食葉蟲仰空慕高飛一朝傳兩翅乃得黏網悲啁啾同巢雀沮澤疑可依赴水生兩殼遭閉何時歸二蟲竟誰是一笑百念衰幸此未他聞有酒君莫違

陸龜蒙蠹化橘之蠹大如小指鬚葉如饑蟻之速蛻為胡蝶從其空翅輕瞥然而去須臾犯螫網而膠之引絲還纏半若拳桔禮記季秋之月爵入大水為蛤

小舟真一葉下有暗浪喧夜棹醉中發不知枕几偏天明問前路已度千金嗟我亦何為此道常往還未來寧蚤計既往復何言

百年六十化念念竟非是是身如虛空誰受譽與毀得

酒未舉杯喪我固忘爾倒牀自甘寢不擇管與綺

莊子齊物論今也吾喪我子知之乎

頃者大雪年海波翻玉英有士常痛飲饑寒見真情牀頭有敗榼孤坐時一傾未能平體粟且復澆腸鳴脫衣裹凍酒每醉念此生

趙飛燕外傳露立閉息順氣體溫舒無軫粟已見

我坐華堂上不改麋鹿姿時來蜀岡頭喜見霜松枝心知百尺底已結千歲奇煌煌凌霄花纏繞復何為舉觴酌其根無事莫相羈

白樂天詩有木名凌霄擢秀非孤標偶依一株樹遂抽百尺條託根附樹身開花寄樹梢

紀云佳之乃形神俱似

花與澤物而氣息

紀云氣骨澤成
意思則森
比更事之煩也

芙蓉在秋水時節自闔開清風亦何意入我芝蘭懷一
隨採折去永與江湖乖斷絲不復續斗水何足栖不如
玉井蓮結根天池泥感此每自慰吾事幸不諧醉中有
歸路了了初不迷乘流且復逝抵曲吾當迴

李白憶舊遊詩秋水出芙蓉天然去雕飾韓退之詩太華峰頭玉井蓮開花十丈
藕如船再見維摩經高原陸地不生蓮花卑溼淤泥乃生此花漢賈誼傳乘流則

逝得坎
則止

籃輿兀醉守路轉古城隅酒力如過雨清風消半途前

山正可數後騎且勿驅我緣在東南往寄白髮餘遙知

萬松嶺下有三畝居

萬松嶺在杭州本集次款楊之儀梅花詩經
君壽湖時曰多松嶺上一枝用

民勞吏無德歲美天有道暑雨避麥秋溫風送蠶老三

宋史元祐七年有
此實免積欠

嚙初有聞一漑未濡槁詔書寬積欠父老顏色好再拜
賀吾君獲此不貪寶頽然笑阮籍醉几書謝表

嵇叔夜養生論為稼於湯世必一漑者後枯再見晉阮籍傳文帝讓九錫公卿將
勸進使籍為其辭籍方據案醉眠使者以告籍便書案使寫之無所改竄互見十
二卷京師哭任遵聖詩注按元祐七年五月先生守揚州上奏略曰今大姓富家
為市易所破十無一二其餘小民大率皆有債欠臣親見兩浙京西淮南之民皆
為積欠所壓日就窮蹙本州於理合放而於條未有明文者且令權住催理聽候
指揮伏望特畱聖意深詔左右大臣早賜果決行下六月十六日又上奏曰今夏
田一熟民於百死之中微有生意而監司爭言催欠臣敢昧死請內降手詔一應
淮南東西浙西諸般欠負不問新舊特與權住催理一年此詩所述蓋是得請故也

我夢入小學自謂總角時不謂有白髮猶誦論語辭人

閒本兒戲顛倒略似茲唯有醉時真空洞了無疑墜車

終無傷莊叟不吾欺呼兒具紙筆醉語輒錄之

詩國風總角之宴言笑晏晏注云總角結髮也杜子美春
陵行呼兒具紙筆隱几臨軒楹作詩呻吟內墨淡字欹傾

醉中雖可樂猶是生滅境云何得此身不醉亦不醒癡
如景升牛莫保尻與領黠如東郭魏束縛作毛穎迺知
嵇叔夜非坐虎文炳

晉桓溫傳劉景升有千斤大牛噉芻豆十倍常牛負重致遠曾不若一羸特魏武
入荊州以享軍士韓退之毛穎傳居東郭者號曰魏蒙將軍拔其毫載穎而歸聚
其族而加束縛焉晉嵇康傳字叔夜美詞氣有風儀
而土木形骸不自藻飾後為鍾會譖於文帝而害之

我家小馮君天性頗醇至清坐不飲酒而能容我醉歸
休要相依謝病當以次豈知山林士骯髒迺爾貴乞身
當念蚤過是恐少味

小馮君出漢書馮奉
世傳詩意謂子由也

去鄉三十年風雨荒舊宅惟存一束書寄食無定迹每

淵明原詩末句
指深少惜此押息
字似誤

查注善見淮老
皆先生孫

用愧淵明尚取禾三百頎然六男子麤可傳清白於吾
豈不多何事復歎惜

韓退之示兒詩始我來京師止攜一束書漢楊震儂子孫常蔬食步行或
令為開產業震不冝曰使後世稱為清白吏子孫以此遺之不亦厚乎

嘒嘒六男子弦誦各一經復生五丈夫戢戢丁欲成歸
田了門戶與國充踐更普兒初學語玉骨開天庭淮老
如鶴雛破殼已長鳴舉酒屬千里一歡愧凡情

揚子嘒嘒之學各習其師史記孔子弟子傳商瞿年長無子瞿母請之孔子曰無
憂瞿年四十後當有五丈夫子唐食貨志凡民始生黃四歲為小十六為中二十
一為丁六十為老韓退之寄盧仝詩去歲生兒名添丁意令與國充耘耔漢
吳王濞傳注服虔曰以當為更卒出錢二百謂之過更自行為卒謂之踐更

淮海雖故楚無復輕揚風齋廚聖賢雜無事時一中誰
言大道遠正賴三杯通使君不夕坐衙門散刀弓

尚書淮海惟揚州史記貨殖傳自淮以北西楚也其俗剽輕李濟羽資暇錄揚州者以其土俗輕揚故名其州今作楊柳之楊繆也魏徐邈傳醉客謂酒清者為聖人濁者為賢人屢見

何人築東臺一郡坐可得亭亭古浮圖獨立表眾惑蕪城閱興廢雷塘幾開塞明年起華堂置酒弔亡國無令竹西路歌吹久寂默

釋氏要覽梵語塔婆此云高顯文選鮑昭蕪城賦注云昭見廣陵故城荒蕪乃吳王濞所都也遂為此賦唐地理志揚州江都縣東十一里有雷塘貞觀十八年長史李襲譽引渠以溉田

鼉子天麒麟結交及未仕高才固難及雅志或類已各懷伯業能共有丘明恥歌呼時就君指我醉鄉里吳公門下客賈誼獨見紀請作鵬鳥賦我亦得坎止行樂當

及時綠髮不可恃

英雄記魏太祖稱長大而能勤學者惟吾與袁伯業耳山陽太守袁遺字伯業見魏武紀

蓋公偶談道齊相獨識真頽然不事事客至先飲醇當時劉項罷四海瘡痕新三杯洗戰國一斗消彊秦寂寞千載後陽公嗣前塵醉臥客懷中言笑徒多勤我時閱舊史獨與三人親未暇餐脫粟苦心學平津草書亦何用醉墨淋衣巾一揮三十幅持去聽坐人

漢曹參傳為齊相膠西蓋公為言治道貴清淨而民自定及為相日夜飲酒賓客欲有言輒飲以醇酒醉而後去終莫得開說唐陽城傳為諫議大夫日夜劇飲客欲諫止者城揣知其情強飲客客辭即自引滿或先醉臥客懷中漢公孫弘傳為丞相封平津侯身食一肉脫粟飯南史齊高帝諸子新浦侯子雲善草隸百濟使人求書曰侍中尺牘之美遠流海外今日所求惟在名迹子雲書三十紙與之

歸園田居六首

東坡曾孫叔子名峴刻所藏真迹於泉南船司閒與集本不同當是集本有誤今從石本

三月四日游白水山佛迹巖沐浴於湯泉晞髮於懸瀑之下浩歌而歸肩輿卻行以與客言不覺至荔支浦上晚日蔥曨竹陰蕭然荔子纍纍如芡實矣有父老年八十五指以告余及是可食公能攜酒來游乎意欣然許之歸臥既覺聞兒子過誦淵明歸園田居詩六首乃悉和一作次其韻始余在廣陵和淵明飲酒二十首今復為此要當盡和其詩迺已耳

一本云今書以寄妙總大士參寥子

環州多白水際海皆蒼山以彼無盡景寓我有限年東

家著孔丘西家著顏淵市為不二價農為不爭田周公與管蔡恨不茅三閒我飽一飯足薇蕨補食前門生餽薪米救我廚無烟斗酒與隻雞酣歌餞華顛禽魚豈知道我適物自閑悠悠未必爾聊樂我所然

先生有破鏡煮飯茅三閒之句

魏志邴原別傳嘗游學諸孫崧崧曰君鄉里鄭君學者師模也君乃舍之所謂以鄭為東家丘也原曰君謂僕以鄭為東家丘君以僕為西家愚夫邪說苑虞人與芮人質其成於文王二國相謂讓其所爭以為閑田宋武二王傳論襄陽龐公謂劉表曰若使周公與管蔡處茅屋之下食藜藿之美豈有若斯之難云云食前用孟子食前方丈字

窮猿既投林疲馬初解鞅心空飽新得境熟夢餘想江鷗稍馴集蜚叟已還往南池綠錢生北嶺紫筍長提壺豈解飲好語時見廣春江有佳句我醉墮渺莽

新浴覺身輕。新沐感髮稀。風乎懸瀑下。卻行詠而歸。仰
觀江搖山。俯見月在衣。步從父老語。有約吾敢違。
老人八十餘。不識城市娛。造物偶遺漏。同儕盡丘墟。平
生不渡江。水北有幽居。手插荔支子。合抱三百株。莫言
陳家紫甘冷。恐不如君來。坐樹下飽食。攜其餘歸舍。遺
兒子懷抱。不可虛有酒。持飲我不問。錢有無。

史記律書文帝時人民樂業自年六七十翁未嘗至市非蔡君謨荔支譜興化軍
風俗園池勝處惟種荔支尤重陳紫富室大家歲或不嘗雖別品千計不為滿意
陳氏欲採摘必先閉戶隔牆入錢得者自以為幸不敢較其
直之多少也君謨所述闕中諸郡荔子以陳家紫為第一

坐倚朱藤杖。行歌紫芝曲。不逢商山翁。見此野老足。願
同荔支社。長作鷄黍局。教我同光塵。月固不勝燭。公自注
莊子曰

他云星上首總結

淵明有遊斜川詩序

月固不勝火郭象曰大而闇不若小而明陋哉斯言也予為更之曰明於大者必
晦于小月能燭天下而不能燭毫釐此其所以不勝火也然卒之火勝耶月勝耶
霜飈散氛禳。廓然似朝旭。

昔我在廣陵。悵望柴桑陌。長吟飲酒詩。頗獲一笑適。當
時已放浪。朝坐夕不矧。矧今長閑人。一劫展過隙。江山
互隱見。出沒為我役。斜川追淵明。東臯友王績。詩成竟
何為。六博本無益。

合注神作莫不廢夕沈注候
詩小雅邦君諸侯莫有朝夕禮記朝不廢朝夕不廢夕左傳百官承事朝而夕
唐王績游北山東臯著書自號東臯子宋玉招魂篔簹象碁有六博注云投六箸
行六碁故
謂之六博

形贈影 合注卷四十

天地有常運。日月無閑時。孰居無事中。作止推行之。細

察我與汝相因以成茲。忽然乘物化。豈與生滅期。夢時我方寂。偃然無所思。胡為有哀樂。輒復隨漣沔。我舞汝凌亂。相應不少疑。還將醉時語。答我夢中辭。

莊子天運篇天其運乎地其處乎日月其爭於所乎孰主張是孰維綱是孰居無事推而行是互見前

影答形

合注卷四十

丹青寫君容。常恐畫師拙。我依月燈出。相肖兩奇絕。妍形本在君。我豈相媚悅。君如火上煙。火盡君迺別。我如鏡中像。鏡壞我不滅。雖云附陰晴。了不受寒熱。無心但因物。萬變豈有竭。醉醒皆夢耳。未用議優劣。

圓覺經由寂靜故十方世界諸如來心於中顯現如鏡中像

神釋

合注卷四十

二子本無我。其初因物著。豈惟老變衰。念念不如故。知君非金石。安足長託附。莫從老君言。亦莫用佛語。仙山與佛國。終恐無是處。甚欲隨陶翁。移家酒中住。醉醒要有盡。未易逃諸數。平生逐兒戲。處處餘作具。所至人聚觀。指目生毀譽。如今一弄火。好惡都焚去。既無負載勞。又無寇攘懼。仲尼晚乃覺。天下何思慮。

陶淵明飲酒詩一士長獨醉一夫終年醒醒醉還相笑發言各不領寄言酣中客日沒燭當炳周易繫辭子曰天下何思何慮天下同歸而殊塗一致而百慮

詠二疏

合注卷四十

二疏事漢時。迹寓心已去。許侯何足道。寧識此高趣。可

先生自杭移家
出海州二派也聖在
焉

憐魏丞相。免冠謝陋舉。中興多名臣。有道獨兩傳。世途
方轂擊。誰肯行此路。是身如委蛻。未蛻何所顧。已蛻則
兩忘。身後誰毀譽。所以遺子孫。買田豈先務。我嘗遊東
海。所歷若有素。神交久從君。屢夢今乃悟。淵明作詩意
妙想非俗慮。庶幾二大夫。見微而知著。

漢疏廣傳東海蘭陵人也地節三年立皇太子廣為太傅兄子受為少傅太子外
祖平恩侯許伯白使其弟舜監護太子家宣帝以問廣曰不宜獨親外家上善其
言以語丞相魏相相免冠謝曰此非臣所及莊子知北遊生非汝有是天地之委
和也性命非汝有是天地之委順也子孫非汝有是天地之委蛻也越絕書子胥
曰聖人見微知
著睹始知已

詠三良

子車氏奄息仲行
鍼虎秦之良臣也

合注卷四十

此生太山重。忽作鴻毛遺。三子死一言。所死良已微。賢

昔漢漁隱云先生
秦穆少差於金
和之良詩言亦及
蓋少年議論也
此晚年所見善焉
也

哉晏平仲。事君不以私。我豈犬馬哉。從君求蓋帷。殺身
固有道。大節要不虧。君為社稷死。我則同其歸。顧命有
治亂。臣子得從違。魏顆真孝愛。三良安足希。仕宦豈不
榮。有時纏憂悲。所以靖節翁。服此黔婁衣。

漢司馬遷傳死有重於太山有輕於鴻毛用之所趣異也禮記仲尼之畜狗死使
子貢埋之曰敝帷不棄為埋狗也左傳襄二十五年齊崔杼弑其君光晏子立於
崔氏之門外曰君為社稷死則死之為社稷亡則亡之若為己死而為己亡非其
私暱誰敢任之魏顆從父治命事在左傳宣十五年詳卷四送蔡冠卿詩注陶詠
貧士詩安貧守賤者自古有黔婁好爵吾不
縻厚饋吾不酬一旦壽命盡弊服仍不周

詠荆軻

合注卷四十

秦如馬後牛。呂氏非復羸。天欲厚其毒。假手李客卿。功
成志自滿。積惡如陵京。滅身會有時。徐觀可安行。沙丘

一狼狽笑落冠與纓太子不少忍顧非萬人英魏韓裂
智伯肘足本無聲胡為棄成謀託國此狂生荆軻不足
說田子老可驚燕趙多奇士惜哉亦虛名殺父囚其母
此豈容天庭亡秦只三戶况我數十城漸離雖不傷陞
戟加周營至今天下人愍燕欲其成廢書一太息可見
千古情

晉元帝紀初立石圖有牛繼馬後故宣帝深忌牛氏而以毒酒鴆殺其將牛金而
恭王妃夏侯氏竟通小吏牛氏而生元帝亦有符云史記秦本紀秦之先柏翳佐
舜賜姓嬴氏莊襄王為秦質子於趙見呂不韋姬悅而取之生始皇名為政姓趙
氏呂不韋傳不韋取邯鄲諸姬與居知有身以獻秦質子楚生子政立為王是為
始皇帝左傳昭四年司馬侯曰楚王方侈天其或者欲逞其心以厚其毒而降之
罰史記李斯傳為秦相呂不韋舍人因以得說秦王拜為客卿卒用其計謀竟并
天下詩小雅如岡如陵又如坻如京鄭氏云京大也史記秦始皇紀崩於沙丘平
臺趙高與公子胡亥丞相斯詐為受遺詔沙丘立胡亥為太子賜公子扶蘇死潘

安仁西征賦云據天位其若茲亦狼狽而可愍謂始皇也滑稽傳淳于髡仰天大
笑冠纓索絕史記燕世家秦兵臨易水燕太子丹陰養壯士使荆軻襲刺秦王秦
覺殺軻擊燕燕斬丹以獻史記魏世家當晉六卿之時知氏最强率韓魏之兵以
圍趙襄子於晉陽魏桓子肘韓康子韓康子履魏桓子肘足接於車上而知氏地
分身死國亡為天下笑史記荆軻傳田光見荆卿欲自殺以激荆卿因自刎而死
呂不韋傳嫪毐事連相國呂不韋出就國不韋自度稍侵見誅乃飲酖而死劉向
說苑茅焦對秦始皇帝曰陛下車裂假父有嫉妬之心囊撲兩弟有不慈之名遷
母萑陽有不孝之行從蒺藜於諫士有桀紂之治漢項籍傳楚雖三戶亡秦必楚
荆軻傳軻善擊筑者高漸離秦既逐荆軻之客惜其善擊筑重赦之乃矐其目
使擊筑漸離乃以鉛置筑中舉筑扑始皇不中遂誅漸離終身不近諸侯之人

答龐參軍

合注卷四十

周循州彥質在郡二年書問無虛日罷歸過惠為

余畱半月既別和此詩追送之

施注周循州字文之

我見異人且得異書挾書從人何適不娛羅浮之趾卜
我新居子非玄德三顧我廬

旨酒荔蕉絕甘分珍雖云晚接數面自親海隅一笑豈云無人無酒酤我或乞其鄰

漢司馬遷傳李陵素與士大夫絕甘分少再見陶龐參軍詩序諺云數面成親舊况其情過此者乎再見

將行復止眷言孜孜苟有於中傾倒出之奕奕千言粲焉陳詩觴行筆落了不容思禮記命酌曰請行觴

少妙侍側兩髦了分歌舞壽我永為歡欣曲終悽然仰視浮雲此曲此聲何時復聞查注此妙印指前章臨行所出小聲也

韓退之詩捧書隨諸兄累累角尚

擊鼓其鏜船開艫鳴顧我而言雨泣載零子卿白首當還西京遼東萬里亦歸管寧

紀云末二句朋友之誼君子之言

詩國風擊鼓其鏜又涕零如雨漢蘇武傳字子卿在匈奴十九歲始以強壯出及還鬢鬢盡白

感子至意託辭西風吾生一塵寓形空中願言謙亨君子有終功名在子何異我躬

貧士

和陶貧士七首并引

余遷惠州一年衣食漸窘重九俯邇一作樽俎蕭然

乃和淵明貧士七篇以寄許下高安宜興諸子姪并令過同作先生仲子適時居許州見尺牘高安指子由諸子宜興則子適也合注

長庚與殘月耿耿如相依以我旦暮心惜此須臾暉青天無今古誰知織烏飛我欲作九原獨與淵明歸俗子不自悼顧憂斯人饑堂堂誰有此千駟良可悲

合注斜川集有冬夜晦語兄弟訪云而兄嘗語及原也兄家潁川許子宜興者櫻陽也而兄語遂非子由舊解也馮注殆誤

史記齊世家景公坐栢侯錄載坡公云織烏謂日言往來九校之織蓋釋
寢歎曰堂堂誰有此乎鬼詩織烏西志客還字之句也

夷齊恥周粟高歌誦虞軒產祿彼何人能致綺與園古

來避世士一作人死灰或餘煙末路益可羞朱墨手自研滯

明初亦仕絃歌本誠言不樂迺徑歸視世差獨賢

漢張良傳呂后令呂澤卑辭厚禮迎此四人顏師古曰謂園公綺里季夏黃公用
單先生再見晉陶潛傳嘗謂親朋曰聊欲絃歌以為三徑之資可乎執事者聞之
以為彭澤令

誰謂淵明貧尚有一素琴心閑手自適寄此無窮音佳

辰愛重九芳菊起自尋疎巾歎虛漉塵爵笑空斟忽餉

二萬錢顏生良足欽急送酒家保勿違故人心

南史陶潛傳顏延之在潯陽與潛情款後為始安郡臨去畱二萬
錢與潛潛悉送酒家稍就取酒漢蘇布傳賣傭於齊為酒家保

紀云置之陶居中
幾不可辨

人皆有耳且夫子曠與婁弱毫寫萬象水鏡無停酬閑

居惜重九感此歲月周端如孔北海只有樽空憂二子

不竝世高風兩無儔我復五百年清夢未易求

芙蓉雜金菊枝葉長闌干遙憐退朝人饒酒出太官豈

知江海上落英亦可餐典衣作重九徂歲一作暑慘將一作多寒

無衣粟一作寒我膚無酒顰我顏貧居真可歎二事長相關

國朝故事九月九日以花糕法酒賜近臣西京雜記漢武帝宮人賈佩蘭
九月九日佩茱萸囊食餌飲菊花酒云令人長壽方言餌即糕或謂之糝

老詹亦白髮公自注惠州太守詹範字惠之相對垂霜蓬賦詩殊有味涉世

非所工杖藜山谷閒狀類渤海龔半道要我飲意與王

弘同有酒我自至不須遣龐通門生與兒子杖屨聊相

從

南史陶潛傳江州刺史王弘欲識之不能致也潛嘗往廬山弘令潛故人龐通之齋酒具於半道栗里要之潛使一門生二兒舉籃輿及至欣然便共飲酌俄頃弘至亦無忤也互見前

我家六兒子。流落三四州。辛苦見一作更不識。今與農圃儔。

買田帶修竹。築室依清流。未能遣一加。分汝薪水憂。坐

念北歸。印此勞未易酬。我獨遺以安。鹿門有前修。

陶潛傳為彭澤令送一力給其子曰今遣此力助汝薪水之勞此亦人子也可善遇之再見

九日閑居

查注詩中有登高望遠之句應為海外作合注卷四十一

明日重九雨甚展轉不能寐起索酒和淵明一篇

醉熟昏然殆不能佳也

九日獨何日。欣然愜平生。四時靡不佳。樂此古所名。龍

山憶孟子。粟里懷淵明。鮮鮮霜菊艷。漚漚糟牀聲。閑居

知令節。樂事滿餘齡。登高望雲海。醉覺三山傾。長歌振

履商。起舞帶索榮。坎壈識天意。淹留見人情。但願飽秔

稌。年年樂秋成。

新序原憲曳杖拖履行歌商頌聲滿天地如出金石列子天瑞篇孔子游於太山見榮啟期鹿裘帶索鼓琴而歌

已酉歲九月九日

合注卷四十一

十月初吉菊始開。迺與客作重九。因次淵明已酉

九月九日一首。胡廣飲菊潭而壽。然李固傳贊云

其視胡廣猶糞土也

今日我重九公自注海南氣候不常有月即中秋有菊即重陽誰謂秋冬交黃花與我期

草中實後凋香餘白雲乾色映青松高悵望南陽野古

潭霏慶霄伯始真糞土平生夏畦勞飲此亦何益內熱

中自焦持我萬家春一醉五柳陶夕英幸可掇繼此木

蘭朝

漢地理志南陽郡穰縣屬荆州古潭指穰縣菊水也胡廣字伯始飲水愈疾事詳三十七卷以黃子木拄杖壽子由詩注

歲暮作和張常侍合注卷四十一

十二月二十五日酒盡取米欲釀米亦竭時吳遠

游陸道士皆客於余因讀淵明歲暮和張常侍詩

亦以無酒為歎乃用其韻贈二子吳遠游名復古字子野事見三十八卷次韻子

由贈吳子野先生詩注陸道士名惟忠字子厚始見東坡於黃州惟忠作詩論內外丹自以為決不死坡告之曰子神清而骨寒其清可以仙其寒亦足以死後十五年復見於惠曰吾真坐寒而死矣紹聖四年卒坡為銘其墓坡嘗以文祭張安道云某於天下未嘗誌墓獨銘五人皆盛德故如惟忠吳遠游輩於公困厄流離之中追隨不捨惟忠不幸而死故獨得公為銘以垂千載是亦可謂知所託矣

我生有天祿玄膺流玉泉何事陶彭澤乏酒每形言仙

人與道士自養豈在繁但使荆棘除不憂黎棗愆我年

六十一頽景薄西山歲暮似有得稍覺散亡還有如千

丈松常苦弱蔓纏養我歲寒枝會有解脫年米盡初不

知但怪饑鼠過二子真我客不醉亦陶然

漢食貨志酒者天之美祿黃庭經舌下玄膺死生岸出清入玄二氣渙子若得之昇天漢注云玄膺通津液之岸也管受精符揚雄反騷恐日薄於西山

游斜川合注卷四十二

正月五日與兒子過出游作

謫居澹無事何異老且休雖過靖節年未失斜川游春
江淥未波人臥船自流我本無所適汎汎隨鳴鷗中流
遇伏洄捨舟步曾丘有口可與飲何必逢我儔過子詩
似翁我唱而輒酬未知陶彭澤頗有此樂不問點爾何
如不與聖同憂問翁何所笑不為由與求

陶淵明游斜川詩開歲倏五十吾生行歸休楚辭卜居泛泛若水中之鳧隨波上下偷以全吾軀南史袁粲傳道遇一士大夫便呼與飲明日此人謂被知顧到門求進粲曰昨飲酒無偶聊相要耳

郭主簿 合注卷四十二

清明日聞過誦書聲節閑美感念少時悵焉追懷

先君宮師之遺意且念淮德二幼孫無以自遣迺
和淵明二篇隨意所寓無復倫次也

今日復何日高槐布初陰良辰非虛名清和盈我襟孺
子卷書坐誦詩如鼓琴卻去四十年玉顏如汝今閉戶
未嘗出出為鄰里欽家世事酌古百史手自斟當年二
老人喜我作此音淮德入我夢角羈未勝簪孺子笑問
我君何念之深

禮記前髮為鬢男角女羈注云夾凶曰角午達曰羈

雀鷖含淳音竹萌抱靖一作節公自注此兩句先君
誦我先君詩

肝肺為澄澈猶如鳴鶴和未作獲麟絕願因騎鯨李追

此御風列丈夫貴出世功名豈人傑家書三萬卷獨取
服食訣地行即空飛何必挾日月道家才服餌安後一卷太清服食經五卷

楞嚴經衆生堅固服餌而不休息食道圓成各地行仙堅固草木而不休息藥道圓成名飛行仙互見前莊子山木篇昭乎如揭日月而行

示周掾祖謝

合注卷四十二題作和陶示周續之祖企謝景夷三郎

游城東學舍作

聞有古學舍竊懷淵明欣攝衣造兩塾窺戶無一人邦
風方杞夷廟貌猶殷因先生饌已缺弟子散莫臻忍饑
坐談道嗟我亦晚聞永言百世祀未補平生勤今此復
何國豈與陳蔡鄰永媿虞仲翔弦歌滄海濱

三國吳虞翻傳字仲翔徙交州雖處罪放而講學不倦徒常數百人

贈羊長史

合注卷四十二

得鄭會嘉靖老書欲於海舶載書千餘卷見借因
讀淵明贈羊長史詩云愚生三季後慨然念黃虞
得知千載事上賴古人書次其韻以謝鄭君

我非皇甫謐門人如摯虞不持兩鳴酒肯借一車書欲
令海外士觀經似鴻都結髮事文史俯仰六十餘老馬
不耐放長鳴思服輿故知根塵在未免病藥俱念君千
里足歷塊猶踟躕好學真伯業比肩可相如此書久已
熟救我今荒蕪顧慙桑榆迫久厭詩酒娛奏賦病未能
草玄老更疎猶當距楊墨稍欲懲荆舒

元祐六年三月十一日半
月永題名蘇軾言輔
劉季孫鮑朝懋鄭
嘉會蘇堅同遊
本集尺牘有與鄭
嘉會書云此中枯寂
殆非人世然居之甚
安况諸史滿前其
可與語也著書則
未暇日與小兒編
排齊整之以須異
日歸之於左右也正
謝其借書事 查注

晉皇甫謐傳自表就武帝借書帝送一車與之門人摯虞等皆為晉名臣兩陽古語借書一甌還書一甌韻注甌通作鴟盛酒器即鴟夷也後漢靈帝紀光和元年始置鴻都門學生蔡邕書石經英雄記袁遺字伯業已見本卷飲酒詩注詩魯頌荆舒是懲按王安石初封荆國公後封舒王詩意指此

乞食 合注卷四十一

莊周昔貸粟猶欲春脫之魯公亦乞米炊煮尚不辭淵明端乞食亦不避嗟來嗚呼天下士死生寄一杯斗水何所直遠汲苦姜詩幸有餘薪米養此老不才至味久不壞可為子孫貽

禮記齊大饑黔敖為食於路以待餓者有餓者來黔敖左奉食右執飲曰嗟來食揚其目而視之曰子惟不食嗟來之食以至於斯也

胡西曹示顧賊曹 合注卷四十二

長春如稚女飄飄倚輕颺卯酒暈玉頰紅綃卷生衣低

顏香自斂含睇意頗微寧當娣一作配黃菊未肯似一作似戎葵

誰言此弱質閱世觀盛衰顏然疑薄怒沃盥未可揮瘴

雨吹蠻風凋零豈容遲老人不解飲短句餘清悲

爾雅長婦謂稚婦為娣娣謂長婦為妯宋玉神女賦頰薄怒以自持兮曾不可乎犯干左傳僖二十三年晉公子重耳之秦秦伯納女五人奉匭沃盥既而揮之

移居二首 合注卷四十一

去歲三月自水東嘉祐寺遷合江樓迄今一年多

病鮮歡頗懷水東之樂得歸善縣後隙地數畝父

老云此古白鶴觀也意欣然欲居之廼和此詩

昔我初來時水東有幽宅晨興一作與烏鵲朝暮與牛羊夕

誰令遷近市日有造請役歌呼雜閭巷鼓角鳴枕席出

門無所詣樂事非宿昔病瘦獨彌年束薪與誰析

左傳昭三年齊景公欲更晏子之宅曰子之宅近市湫隘囂塵不可以居請更諸爽垲者漢張湯傳造請諸公不避寒暑

洄潭轉碕岸我作江郊詩今為一厘氓此地乃得之葺為無邪齋思我無所思古觀廢已久白鶴歸何時我豈丁令威千歲復還茲江山朝福地古人不吾欺

時運 合注卷四十

丁丑二月十四日白鶴峰新居成自嘉祐寺遷入詠淵明時運詩云斯晨斯夕言息其廬似為余發也迺次其韻長子邁與余別三年矣挈攜諸孫萬里遠至老朽憂患之餘不能無欣然

年未有思年邪高
錄敘齋在白鶴峰
居

查注萬字伯遠亦
放信直宿遠方居宜興
明年授韶州仁化令後
同必官至駕部負外
子符高宗躬任玉
禮部者書

我卜我居居非一朝龜不吾欺食此江郊廢井已塞喬木干霄昔人伊何誰其喬苗

下有澄潭可飲可濯江山千里供我遐矚木固無經瓦豈有足陶匠自至歎歌相樂

我視此邦如沫如沂邦人勸我老矣安歸自我幽獨倚門或揮豈無親友雲散莫追

顧野王玉篇洙水出泰山沂水出琅邪縣揚子倚門牆則塵之再見王仲宣贈蔡子篤詩風流雲散一別如雨

旦朝丁下誰款我廬子孫遠至笑語紛如翦髮一作髮垂髻覆此瓠壺三年一夢迺復見余

詩小雅伐木丁丁鳥鳴嚶嚶呂氏春秋款門而謁款扣也漢張蒼傳肥白如瓠陳遵傳腹如瓠壺

始經曲阿

虞人非其招欲往畏簡書穆生責醴酒先見我不如江
左古弱國強臣擅天衢淵明墮詩酒遂與功名疎我生
值良時朱金義當紆天命適如此幸收廢棄餘獨有媿
此翁大名難久居不思犧牛龜兼取熊掌魚北郊有大
賚南冠解囚拘眷言羅浮下白鶴返故廬

揚子使我紆朱懷金其樂不可量也莊子列禦寇子見夫犧牛乎衣以文繡食以
芻菽及其牽而入於太廟雖欲為孤犢其可得乎外物篇神龜能見夢於元君而
不避余且之網知能七十二鑽
而無遺策不能避剗腸之患

北郊白雲祈新君
即位例嘗有郊祀
思報耳

施註蘇詩卷之四十一

施註蘇詩卷之四十二

漫堂先生宋 榮

長洲顧嗣立

樸園先生張榕端

閱定

毗陵邵長蘅

刪補

商丘宋 至

追和陶淵明詩六十首

讀山海經

合注卷四十一 一本有十三首三字

淵明讀山海經十三首其七皆仙語余讀抱朴子

有所感用韻賦之

晉葛洪字稚川止羅浮山鍊
丹自號抱朴子因以名書

今日天始霜衆木斂以疎幽人掩關臥明景翻空廬開
心無良友寓眼得奇書建德有遺民道遠我無車無糧

食自足。豈謂穀與蔬。媿此稚川翁。千載與我俱。畫我與淵明。可作三士圖。學道雖恨晚。賦詩豈不如。

莊子山木篇南越有邑焉名為建德之國其民愚而朴少私而寡欲云云君曰彼其道遠而險又有江山我無舟車奈何市南子曰君無形倨無畱居以為君車君曰彼其道幽遠而無人吾誰與為隣吾無糧我無食安得而至焉市南子曰少君之費寡君之欲雖無糧而乃足

稚川雖獨善。愛物均孔顏。欲使螻蛄流。知有龜鶴年。辛勤破封蟄。苦語劇移山。博哉無窮利。千載食此言。

抱朴子論仙篇或問曰古人推龜鶴於別類以死生為朝暮而吾子乃欲延螻蛄之命令有歷紀之壽吾子不亦謬乎莊子螻蛄不知春秋此小年也郭景純游仙詩借問蟬蛻輩寧知龜鶴年

淵明雖中壽。雅志仍丹丘。遠矣無懷民。超然邈無儔。奇文出續息。豈復生死流。我欲作九原。異世為三游。

莊子上壽百歲中壽八十下壽六十楚辭遠遊仍羽人於丹丘兮畱不死之舊鄉陶淵明五柳先生傳酣歌賦詩以樂其志無懷氏之民歟葛天氏之民歟又臨終自為祭文及與儼等疏具集中禮記屬續以俟氣絕

子政信奇逸。妙算窮陰陽。淮南枕中訣。養練歲月長。豈伊臭濁中。爭此頃刻光。安知青藜火。丈人非中黃。

漢劉向傳字子政淮南枕中鴻寶苑秘書言神仙使鬼物為黃金之術向幼而讀誦以為奇互見十二卷贈王仲素詩注王子年拾遺記劉向正月十五夜受書天祿閣有老人著黃衣植青藜杖見向暗中誦書老人吹杖端烟然因以照坐與向說開闢以前事授以五行洪範之文抱朴子仙藥篇中黃子有服食節度極言篇黃帝適東岱抱朴子地真篇黃帝西見中黃子受九如之方而奉中黃

亂離棄弱女。破冢割恩憐。寧知効龜息。三歲號窮山。長生定可學。當信仲弓言。支牀竟不死。抱一無窮年。

抱朴子故太丘長陳仲弓篤論士也撰異聞記云其郡人張廣定者遭亂當避有一女年四歲不能步涉又不可擔負計棄之固當餓死不欲令其骸骨之露村側

有大古冢先有穿穴乃以器盛緘之下此女於家中以數月許乾飯及水漿與之而捨去後三年廣定乃得還鄉欲收所棄女骨其女故坐冢中見其父母猶識之父母其喜初猶恐其鬼也入就之乃知其不死問從何得食女言糧初盡時見冢角有一物伸頸吞氣試効之輒不復饑日月為之以至於今廣定索女所言物乃是一大龜耳

二山在咫尺靈藥非草木玄芝生太元黃精出長谷仙都浩如海豈不供一浴何當從山火束縕分寸燭

抱朴子微旨論或曰竊聞求生之道當知二山不審此山為何所在曰有之夫太元之山難知易求不天不地不沈不浮玄芝萬株絳樹時生此一山也長谷之山杳杳巍巍玄雲飄飄玉液霏霏有道之士登之不衰採服黃精以致天飛此二山也皆古賢之所秘子精思之漢崩通傳束縕請火

蜀士李八百穴居吳山陰默坐但形語從者紛如林其後有李寬鷄鵠非同音口耳固多偽識真要在心

抱朴子吳大帝時蜀中有李阿者穴居不食世傳見之號為八百歲翁人往問事阿無所言但瞻顏色後一旦忽去不知所往後有一人姓李名寬到吳而蜀語能

呪水治病頗愈於是遠近翕然謂寬為李阿因共呼為李八百而實非也了無治身之要後有見寬者與凡人無異及吳大疫寬亦得溫病死於廬中而事寬者猶謂之化形屍解之仙非真死也

黃花冒甘谷靈根固深長葛井窖丹砂紅泉湧尋常二

女戲口鼻一作耳松膏以為糧聞此不能寐起坐夜未央

抱朴子南陽酈縣山中有甘谷水所以甘者谷上下左右皆生甘菊菊花墮其中故水味為變谷中居民飲甘谷水者無不老壽此菊力也又臨沅縣有民世年百歲或八九十是宅井水殊赤試掘之左右得古埋丹砂數十斛砂汁因泉入井故飲而得壽已見前注又上黨有趙聖者病癩歷年垂死有仙人以囊藥賜之曰此是松脂耳汝鍊服之可以長生不死聖服之年百七十歲夜見而上有采女二長二三寸游戲口鼻之間如是且一年此女長如大人在側又嘗聞琴瑟之音欣然獨笑在人間二百許年色如少童乃入抱犢山去必地仙也

談道鄙俗儒遠自太史走仲尼實不死於聖亦何負紫文出吳宮丹雀本無有遼哉廣桑君獨顯三季後

荀子儒効篇德然若終身之虜而不能有他志是俗儒者也抱朴子辨問篇俗儒云聖人所不能則餘人皆不能未聞周孔能爲斯事也或曰周孔皆能爲此但不爲爾吾答之曰必若所云者吾亦可以言周孔皆以昇仙但以此法不可以訓世恐人皆知不死之可得故周孔密自爲之而秘不告人吳王伐石以治宮室而於合石之中得紫文金簡之書不能讀使使者持以問仲尼而欺仲尼曰吳王閑居有赤雀銜書以置殿上不知其義故遠諮呈仲尼視之曰此乃靈寶之方長生之法禹之所服隱在水邦年齊天地朝於紫庭者也禹將仙化封之名山石函之中今乃赤雀銜之殆天授也以此論之是夏禹不死也而仲尼又知之安知仲尼不皆密修其道乎

金丹不可成安期渺雲海誰謂黃門妻至道迺近在屍解竟不傳化去空餘悔丹成亦安用御氣本無待

真誥葛洪內篇漢期門郎程偉妻能通神變化煎水銀成銀偉從受方妻謂偉骨相不應得之過之不已妻乃屍解去抱朴子云黃門郎莊子逍遙遊乘天地之正而御六氣之變以遊無窮者彼且惡乎待哉

鄭君故多方玄翁所親指奇文二百篇了未出生死素

書在黃石豈敢辭跪履萬法等成壞金丹差可恃

晉葛洪傳從祖玄學道得仙以其鍊丹秘術授鄭隱洪就隱學悉得其法抱朴子余覽允鄭君門人請見方書先以道家訓戒書近百卷稍稍示余余頗以其疑事咨問之鄭君言君才可教也今當以佳書相示久之漸得見短書縑素所寫者積年之中合集所見二百許卷跪履張良事已見仙傳拾遺張良葬於龍首原赤眉之亂人發其墓但見黃石枕化而飛去得素書一篇云抱朴子鄭君語余曰雜道書卷有佳事但當校其精麤擇所施行若金丹一成此輩一切不用也

古強本妄庸蔡誕亦夸士曼都斥仙人謁帝輕舉止學道未有得自欺誰不爾稚川亦隘人疏錄此庸子

抱朴子昔有古強者食草木之方年八十許尚聰明時人便謂之仙人而強曾畧涉書記頗識古事自言已四千歲敢爲虛言之不忤此皆有名無實使世間不信天下有神仙皆坐此輩以僞亂真也五原有蔡誕者好道而不得佳師廢棄家業走之深山中三年饑凍辛苦久而不堪還家黑瘦骨立不復似人其家問之因欺家云吾未能昇天但爲地仙也爲老君牧龍因與諸仙博戲忽失此龍以罪見謫送付崑崙山下芸鋤芝草法當十年乃得原會僉僉子王喬諸仙來按行爲吾作力且得放歸於是遂老死矣河東蒲坂有項曼都者入山學仙十年而歸家云曾到天上仙人以流霞一杯飲我輒不饑渴忽然思家到天帝前謁拜失儀見斥

河東因號曼都為斥仙人世多此輩種類非一不可不詳也

東坡信畸人。涉世真散材。仇池有歸路。羅浮豈徒來。踐地及茹蠱。心空了無猜。攜手葛與陶。歸哉復歸哉。

莊子畸於人而侔於天仇池注再見又先生常夢至仇池詳載桃花源詩引見本卷後韓退之憶昨行踐地茹蠱不擇化忽有飛詔從天來任文未捕崖州熾雖得赦宥恒愁猜

還舊居 合注卷四十一

夢歸白鶴山居作

痿人常念起。夫我豈忘歸。不敢夢故山。恐與墳墓悲。生世本暫寓。此身念念非。鵝城亦何有。偶拾鶴毳遺。窮魚守故沼。聚沫猶相依。大兒當門戶。時節供丁推。夢與鄰

合注大兒當門戶後留長子道在白鶴新居也

翁言憫然憐我衰。往來付造物未用相招麾。

漢韓王信傳僕之思歸如痿人不忘起盲者不忘視莊子魚相煦以溼相濡以沫杜子美詩大兒久在外門戶無人持束敏求春明退朝錄吳正肅言律令有丁推推字不通少壯之意當是丁稚唐以高宗諱避之損其點畫爾史記汲黯傳嚴助曰使黯任職居官無以踰人然至其輔少主守城深堅招之不來麾之不去雖自謂賁育亦不能奪之矣

止酒

丁丑歲余謫海南子由亦貶雷州五月十一日相遇於藤同行至雷六月十一日相別渡海余時病痔呻吟子由亦終夕不寐因誦淵明詩勸余止酒乃和元韻因以贈別庶幾真止矣

時來與物逝。路窮非我止。與子各意行。同落百蠻裏。蕭

然兩別駕各攜一稚子。子室有孟光我室惟法喜。相逢山谷間一月同臥起。茫茫海南北麤亦足生理。勸我師淵明力薄且為已。微疴坐杯酌止酒則瘳矣。望道雖未濟隱約見津涘。從今東坡室不立杜康祀。

唐王績傳所居東南有磐石立杜康祠祭之

西田獲早稻

合注卷四十二

蓬頭三獠奴誰謂愿且端。晨興灑掃罷飽食不自安。願治此圃畦少資主遊觀。晝功不自覺夜氣乃潛還。早韭欲爭春晚菘先破寒。人間無正味美好出艱難。蚤知農圃樂豈有非意干尚恨不持鋤。未免駢我顏此心苟未

韓退之南食咀吞汗面舐

降何適不間關。休去復歇去菜食何所嘆。

北史蠻獠傳南方曰蠻其流曰蠻曰獠南史周顒清貧嘗欲終日長蔬食文惠太子問菜食何味最勝曰春初早韭秋末晚菘傳燈錄石霜和尚有僧入室石霜云休去歇去

下溪田舍穫

合注卷四十二

聚糞西垣下鑿泉東垣隈。勞辱何時休宴安不可懷。天公豈相喜雨霽與意諧。黃松養土膏老楮生樹鷄未忍便烹煮繞觀日百迴。跨海得遠信冰檠鳴玉哀。茵蔯點膾縷照坐如花開。一與蚤叟醉蒼顏兩摧頰齒根日浮動自與梁肉乖。食菜豈不足呼兒拆鷄栖。

左傳閔公元年管敬仲言於齊侯曰宴安酖毒不可懷也杜子美詩一日須來一百迴韓退之李花詩冰盤夏薦碧實脆杜子美乞瓷盃詩大邑燒瓷輕且堅扣如

哀玉錦城傳又詩棟樹
寒雲色茵蔯春藕香

使都經錢谿

合注卷四十二 題作和陶乙巳歲三月為建威
本軍使都經錢谿

游城南謝氏廢園作

喬木卷蒼藤。浩浩崩雲積。謝家堂前燕。對語非宿昔。仰
看桄榔樹。玄鶴舞長翮。新年結荔子。主人黃壤隔。谿陰
宜館我。稍省薪水役。相如賣車騎。五畝亦可易。但恐鵬
鳥來。此生還蕩析。誰能插籬槿。護此殘竹柏。

赴假金陵夜行

合注卷四十一 題作和陶辛丑七月赴假
還江陵夜行途中作口語

郊行步月作

缺月不蚤出。長林踏青冥。犬吠主人怒。媿此閭里情。怪

我夜不歸。茜袂窺柴荆。雲間與地上。待我兩友生。驚鵲
再三起。樹端已微明。白露淨原野。始覺丘陵平。暗蛩方
夜績。孤螢亦宵征。歸來閉戶坐。寸田且默耕。莫赴花月
期。免為詩酒縈。詩人如布穀。聒聒常自鳴。

擬古九首

有客叩我門。繫馬門前柳。庭空鳥雀散。門閉客立久。主
人枕書臥。夢我平生友。忽聞剝啄聲。驚散一杯酒。倒裳
起謝客。夢覺兩愧負。坐談雜今古。不答顏愈厚。問我何
處來。我來無何有。
酒盡君可起。我歌已三終。由來竹林人。不數濤與戎。有

酒從孟公慎。勿從揚雄嶠。嶠嶺頌沙麓。塵埃汙西風。昔我未嘗達。今者亦安窮。窮達不到處。我在阿堵中。

說苑孔子遭難陳蔡之境歌兩柱之間子路援干而舞三終而出南史顏延之五君詠山濤王戎以貴顯被黜再見漢陳遵字孟公屢見漢元后傳后薨王莽詔揚雄作誄曰太陰之精沙麓之靈作合於漢配元生成晉顧愷之傳傳神寫照正在阿堵中再見

客去室幽幽。服鳥來坐隅。引吭伸兩翮。太息意不舒。吾生如寄耳。何者為我廬。去此復何之。少安與汝居。夜中聞長嘯。月露荒榛蕪。無問亦無答。吉凶兩何如。

少年好遠游。蕩志隘八荒。九夷為藩籬。四海環我堂。盧生與若士。何足期渺茫。稍喜海南州。自古無戰場。奇峰望黎母。何異崧與邛。飛泉寫萬仞。舞鶴雙低昂。分汜古文

流未入海。膏澤彌此方。芋魁當可飽。無肉亦奚傷。

楚辭遠遊悲時俗之迫隘兮願輕舉以遠遊神仙傳若士謂盧敖曰吾方與汗漫期於九垓之外屢見九域志儋州有黎母山水

馮洗古烈婦。翁媪國於茲。策勲梁武後。開府隋文時。三世更險易。一心無磷緇。錦繖平積亂。犀渠破餘疑。廟貌空復存。碑板漫無辭。我欲作銘誌。慰此父老思。遺民不可問。僂句莫余欺。犧牲菌鷄卜。我當一訪之。銅鼓壺盧笙。歌此迎送詩。

北史列女傳譙國夫人洗氏世為南越首領在父母家撫循部眾能壓服諸越海南儋耳歸附者千餘洞梁大同中高涼太守馮寶聘以為妻高州刺史李遷仕反夫人擊之大捷及寶卒嶺表大亂夫人懷集百越數州晏然陳永定二年廣州刺史歐陽紇反夫人發兵拒境詔使持節冊夫人為高源郡太夫人儀如刺史陳亡隋文帝遣陳主遺書諭之歸化夫人得信驗盡日慟哭親披甲乘介馬張錦繖領毅驍衛詔使巡撫諸州封譙國夫人每歲時大會陳所賜物於庭以示子孫曰我

事三代主惟用一好心今賜物具存此忠孝之報國語奉文屏之渠注云甲也樓
句龜也事出左傳已見史記封禪書令越巫立越祝祠而以鷄卜雷陽雜編頌表
之人凡小事必卜其名鷄卜鼠卜米卜著卜牛骨卜雞卵卜田螺卜筮竹卜頌表
錄異銅鼓蠻夷之樂形如腰鼓一頭有面頭面圓二尺許用銅鑄其身遍有蟲魚
草木之狀擊之響亮不下鳴鼉胡盧笙交亂人多取無柄
之瓠剖而為笙上安十三簧吹之音律清響雅合律呂

沈香作庭燎甲煎紛相和豈若注微火紫煙嫋清歌貪
人無飢飽胡椒亦求多朱劉兩狂子公自注朱初平劉誼欲隕
墜如風花本欲竭澤漁奈此明年何冠帶黎人以取水沈

說苑庭燎大燭也詩有庭燎備禮記庭燎之有自齊桓公始也南史范曄傳撰和
香方以比類朝士其序曰沈實易和以自比也甲煎淺俗比徐湛之也胡椒暗使
元載事已見史記孔子世家竭澤涸漁則蛟龍不合陰陽呂氏春秋義賞篇
晉文公與楚人戰城濮雍季曰竭澤而漁豈不獲得而明年無矣

鷄窠養鶴髮及與唐人游來孫亦垂白頗識李崖州再
逢盧與丁閱世真東流斯人今在亡未遽掩一丘我師

吳季子守節到晚周一見春秋未渺焉不可求

錢希白洞微志太平興國中李守忠奉使南方過海至瓊州界逢一翁自稱楊遐
舉年八十一邀守忠詣其家見其父叔皆年一百二十餘又見其祖曰宋卿年一
百九十五語次見梁上鷄窠中有小兒出頭下視宋卿曰此九代祖也不語不食
不知其年朔望取下子孫列拜而已爾雅曾孫之子為玄孫玄孫之子為來孫崖
州謂唐相李德裕也德裕大中二年貶崖州司戶參軍洞微志云李守忠見宋卿
訪及往時韋執誼李德裕二相經由宋卿曰李太尉到朱崖雖不多時尚時時令
人北去買藥其時某以小吏亦三獻劇料於太尉觀太尉方正端重實為名相雖
遷降南荒茅茨之下了無介懷盧丁謂盧多遜丁謂也盧丁皆貶崖州司戶參軍
漢楊惲傳古與今如一丘之貉蘅按公詩反用其語似謂李與盧丁賢姦之不同
也盧丁乃其本朝故語意特深渾左傳襄三十一年吳屈狐庸言於趙文子曰季
子守節者也雖有國不立

城南有荒池瑣細誰復採幽姿小芙蓉香色獨未改欲
為中州信浩蕩絕雲海遙知玉井蓮落葉不相待攀躋
及少壯已矣一作那容悔

黎山有幽子。形槁神獨完。負薪入城市。笑我儒衣冠。生
不聞詩書。豈知有孔顏。翛然獨往來。榮辱未易關。日暮
鳥獸散。家在孤雲端。問答了不通。歎息指屢彈。似言君
貴人。草莽棲龍鸞。遺我古貝布。海風今歲寒。

莊子大宗師翛然而往翛然而來舊唐書南蠻傳婆利國有古貝草緝花以作布
鹿麕者名白氈番禺雜編嶺南邕容皆有古貝樹語訛為劫貝其花藥似茸絲以線
織為布

戴主簿 合注卷四十二 題作和陶五月旦日作和戴主簿

海南無冬夏。安知歲將窮。時時小搖落。榮悴俯仰中。上
天信包荒。佳植無由豐。鉏耰待肅殺。有擇非霜風。手栽
蘭與菊。侑我清宴終。擷芳眼已明。飲酒腹尚冲。草去土

自隕井深牆愈隆。勿笑一畝園。蟻垤齊衡嵩。

嶺表錄異廣南節氣四季溫燉當盛暑北風而雨便似窮秋或
嚴冬南風而晴卻如初夏時之寒暑繫在陰晴彼人謂之溫天

怨詩示龐鄧 合注卷四十二 題作和陶怨詩楚調示龐主簿
鄧治中 查注確是南海秋冬作

當歡有餘樂。在戚亦頽然。淵明得此理。安處故有年。嗟
我與先生。所賦良奇偏。人間少宜適。惟有歸耘田。我昔
墮軒冕。毫釐真市廛。困來臥重裯。憂媿自不眠。如今破
茅屋。一夕或三遷。風雨睡不知。黃葉滿枕前。寧當出怨
句。慘慘如孤煙。但恨不蚤悟。猶推淵明賢。

柳子厚乞巧文胡為賦授有此奇偏劉
楨贈徐幹詩起坐失次第一日三四遷

劉柴桑 合注卷四十一 題作和陶酬劉柴桑

紅。諸。與。紫。芋。遠。插。牆。四。周。且。放。幽。蘭。春。莫。爭。霜。菊。窮。
冬。出。甕。盜。磊。落。勝。農。疇。淇。上。白。玉。延。公自注淇上出山藥一名玉延能。復。過。
此。不。一。飽。忘。故。山。不。思。馬。少。游。

與殷晉安別

合注卷四十二

送昌化軍使張中

張中事見三十一本亦作送昌化軍使張中卷八卷新居詩注官赴蜀中用封人

孤。生。知。永。棄。末。路。嗟。長。勤。久。安。儋。耳。陋。日。與。雕。題。親。海。
國。此。奇。士。官。居。我。東。鄰。卯。酒。無。虛。日。夜。棊。有。達。晨。小。甕。
多。自。釀。一。瓢。時。見。分。仍。將。對。牀。夢。伴。我。五。更。春。暫。聚。水。
上。萍。忽。散。風。中。雲。恐。無。再。見。日。笑。談。來。生。因。空。吟。清。詩。
送。不。救。歸。裝。貧。

禮記王制雕題交趾有不火食者矣白樂天答元微之詩與君相遇知何處兩葉浮萍大海中劉禹錫寄僚友詩故人雲雨散滿目山川多

田舍始春懷古

合注卷四十二

儋。人。黎。子。雲。兄。弟。居。城。東。南。躬。農。圃。之。勞。偶。與。軍。
使。張。中。同。訪。之。居。臨。大。池。水。木。幽。茂。坐。客。欲。爲。釀。
錢。作。屋。余。亦。欣。然。同。之。名。其。屋。曰。載。酒。堂。用。淵。明。
懷。古。田。舍。韻。作。二。首。

退。居。有。成。言。垂。老。竟。未。踐。何。曾。淵。明。歸。屢。作。敬。通。兔。休。

閑。等。一。味。妄。想。生。愧。醜。

公自注淵明本用緇字今聊取其同音

聊。將。自。知。明。稍。積。

在。家。善。城。東。兩。黎。子。室。邇。人。自。遠。呼。我。釣。其。池。人。魚。兩。
忘。返。使。君。亦。命。駕。恨。子。林。塘。淺。

後漢馮衍字敬通為曲陽令論功當封以讒毀故賞不行帝將召見王護等排間
由此得罪顯宗即位又多短衍以文過其實遂廢於家詩小雅有覲面目注覲面
慙也詩國風其室則邇其人甚遠白樂
天渭上釣詩况我垂釣意人魚又兼忘

茅茨破不補嗟子迺爾貧菜肥人愈瘦竈閑井亦勤我
欲致薄少解衣勸坐人臨池作虛堂雨急瓦聲新客來
有美載果熟多幽欣丹荔破玉膚黃柑溢芳津借我三
畝地結茅為子鄰鳩舌儻可學化為黎母民

韓退之寄盧仝詩時致薄少助祭祀按廣輿記載黎子雲兄弟貧而好學所居多
林木水竹東坡嘗造訪遇雨從農家借笠著屐小兒隨行調笑云云今世傳東坡
冒雨圖即此事
也故附著之

停雲 合注卷四十一

自立冬以來風雨無虛日海道斷絕不得子由書

迺和淵明停雲詩以寄

停雲在東黯其將雨嗟我懷人道修且阻眷此區區俛
仰再撫良辰過鳥逝不我佇

莊子其疾俯仰之
間再撫四海之外

颺作海渾天水溟濛雲屯九河雪立三江我不出門寤
寐北牕念彼海康神馳往從

南越志颺風具四方之風也嘗以五六月與杜子美
朝獻太清宮賦九天之雲下垂四海之水皆立再見

凜然清癯落其驕榮餽莫化之廓兮忘情萬里遲子晨
興宵征遠虎在側以寧先生

遲遠子由二子
也遠小字虎兒

對奕未終摧然斧柯再遊蘭亭默數永和夢幻去來誰
少誰多彈指太息浮雲幾何

述異記信安山有石室王質入其室見童子對棊質觀之局未終視所執斧柯已朽爛矣蓋王羲之蘭亭叙曰永和九年暮春之初會於蘭亭修禊事也

勸農 合注卷四十一

海南多荒田俗以買香為業所產秔稌不足於食
迺以藟芋雜米作粥糜以取飽予既哀之乃和淵
明勸農詩以告其有知者

谷爾漢黎均是一民鄙夷不訓夫豈其真怨忿劫質尋
戈相因欺謾莫訴曲自我人

後漢順帝紀益州盜賊劫質令長殺列侯左傳昭公元年日尋干戈以相征討

天禍爾土不麥不稷民無用物怪珍是植播厥熏和腐
餘是穡貪夫汚吏鷹擊狼食

漢酷吏傳義縱以鷹擊毛摯為治

豈無良田無無平陸獸蹤交締鳥喙諧穆驚麇朝射猛
豨夜逐芋羹藟藟以飽耆宿

毛詩周原膺膺董荼如飴

聽我苦言其福永久利爾鉏耜好爾鄰偶斬艾蓬藿南
東其畝父兄播種以扶游手

左傳昭十六年庸次比耦以艾殺此地斬之蓬蒿藜藿而共處之詩小雅我疆我理南東其畝左傳襄十七年子罕親執朴以扶其不勉者後漢章帝紀元和三年勸農詔曰務盡地方勿令游手

天不假易亦不汝匱春無遺勤秋有厚冀雲舉雨決婦
姑畢至我良孝愛祖跣何媿

左傳桓十三年夫人鄧曼曰見莫敖而告諸天之不假易也漢書溝洫志鄭國在前白渠起後舉禹為雲決渠為雨

逸諺戲侮博奕頑鄙投之生黎俾勿冠履霜降稻實千
箱一軌大作爾社一醉醇美

尚書無逸乃逸乃諺既誕否則侮厥父母生黎見三十八卷用過韻冬至詩注毛詩乃求于斯倉乃求萬斯箱黍稷稻粱農夫之慶

雜詩十一首 合注卷四十二

斜日照孤隙始知空有塵微風動衆竅誰信我忘身一
笑問兒子與汝定何親從我來南海幽絕無四鄰耿耿
如缺月獨與長庚晨此道固應爾不當怨尤人

故山不可到飛夢隔五嶺真游有黃庭閉目寓兩景室
空無可照火滅膏自冷披衣起視夜海闊河漢來西牕
半明月散亂梧楸影良辰不可繫逝水無由騁我苗期
後枯持此一念靜

黃庭經注脾中央即黃庭之宮又黃庭有內景外景

真人有妙觀俗子多妄量區區勸粒食此豈知子房我
非徒跣相終老懷未央兔死縛淮陰狗功指平陽哀哉
亦可羞世路皆羊腸

史記雷侯學辟穀道引輕身呂后德雷侯乃強食之漢蕭何傳為相國後下廷尉數日赦出何徒跣入謝又上曰諸君徒能得獸耳功狗也至如蕭何發縱指示功人也列侯畢已受封奏位次皆曰平陽侯曹參宜第一上善鄂千秋言乃令何第一漢韓信傳高祖令武士縛信載後車信曰果若人言狡兔死良狗烹械信至洛

陽救以爲淮陰侯。酈道元水經注羊腸坂在晉陽西北石磴縈委若羊腸故取名焉。

相如偶一官。嗤鄙蜀父老。不記犢鼻時。滌器混傭保。著書曾幾何。渴肺灰土燥。琴臺有遺魄。笑我歸不蚤。作書遺故人。皎皎我懷抱。餘生幸無媿。可與君平道。

九域志成都府古跡有司馬相如琴臺漢書王吉貢禹傳序蜀有嚴君平卜筮於成都市以爲卜筮者賤業而可以惠衆人有邪惡非正之問則依著龜而言利害

孟德黠老狐。姦言嗾鴻豫。哀哉喪亂世。梟鸞各騰翥。逝者知幾人。文舉獨不去。天方斲漢室。豈計一郝慮。昆蟲正相齧。迺比蘭相如。去聲我知公所坐。大名難久住。細德方險微。豈有容公處。既往不可悔。庶爲來者懼。

後漢孔融傳字文舉曹操忌融正議慮顛大業山陽郝慮承望風旨奏免融官因顯明讎怨操故書激厲融曰廉蔣小國之臣猶能相下國家東遷文舉盛歎鴻豫

名實相副鴻豫亦稱文舉奇逸博聞誠怪今者與始相違操既積嫌忌郝慮復搆成其罪遂令路粹枉狀奏融下獄棄市慮字鴻豫史記越世家范蠡曰大名之下難以久居賈誼弔屈原賦見細德之險微兮遙增擊而去之

博大古真人。老聃關尹喜。獨立萬物表。長生乃餘事。稚川差可近。儻有接物意。我頃登羅浮。物色恐相值。徘徊朱明洞。沙水自清駛。滿把昌蒲根。歎息復棄置。

莊子天下篇關尹老聃古之博大真人哉朱明洞詳三十五卷遊羅浮山公自注

藍喬近得道。常苦世福迫。西游王屋山。不踐長安陌。爾來寧復見。鳥道度太白。昔與吳遠遊。同藏一瓢窄。潮陽隔雲海。歲晚儻見客。伐薪供養火。看作栖鳳宅。

莫州鄭總作藍喬傳喬字子升循州龍川人母陳氏禱羅浮山而孕年十二已能爲詩文求道書讀之辭母之江淮抵京師七年而歸語母曰兒所以復返者念母

故也瓢中出丹一粒餽焉以黃金數斤遺母曰是真氣所成潮州人吳子野遇之於京師方大暑同登汴橋買瓜喬曰塵埃汗吾瓜當於水中嗽爾自擲於河至夜不出吳候其邸則已酣寢始知喬已得道遂與執轡語人曰吾羅浮仙人也由此升天矣一日躡風雲而上征宮中歷歷聞笙簫聲猶長吟李太白詩云下窺夫子不可及矯首相思空斷腸吳子野嘗謁東坡於惠州

南榮晚聞道未肯化庚桑陶頑鑄強獷枉費塵與糠越子古成之韓生教休糧參同得靈鑰九錄啟伯陽鷲城見諸孫貧苦我為傷空餘焦先室不傳元化方遺像似

李白一奠臨江觴

神仙傳魏伯陽得神丹玄奧之理微顯闡幽著參同契三卷隱丹經金匱九籀有九轉丹法籀所以藏書也後漢華佗傳字元化精於方藥為曹操所殺臨死出一卷書與獄吏曰此可以活人吏畏法不敢受佗索火燒之

餘齡難把玩妙解寄筆端常恐抱求歎不及丘明遷親

合注此詩似括來甫

唐子達與楊恆祖書人自得振靈地之珠家之自括荆山之玉

友復勸我放心餞華顛虛名非我有至味知誰餐思我無所思安能觀諸緣已矣復何嘆舊說易兩篇括自著易傳申韓本自聖陋古不復稽巨君縱獨慾借經作巖崖遂令青衿子珠璧人人懷鑿齒井蛙耳信謂天可彌大道久分裂破碎日愈離我如終不言誰悟角與羈吾琴豈得已昭氏有成虧禮記內則三月之末擇日者初娶若婦男角女羈

史記申韓傳申不害荆人也申子之學本於黃老而主刑名韓非韓之諸公子也喜刑名法術之學而其歸本於黃老漢王莽傳字巨君奏起明堂辟雍靈臺為學者築舍萬區益博士員徵天下通一藝教授十一人以上及有逸禮古書毛詩周官爾雅通知其意者詣公車習鑿齒傳釋道安與鑿齒初相見道安曰彌天釋道安鑿齒曰四海習鑿齒再見漢夏侯勝傳章句小儒破碎大道昭氏成虧出莊子齊物論已見三十八卷餅筍詩

我昔登胸山出日觀滄涼欲濟東海縣恨無石橋梁今

茲黎母國何異于公鄉。蠓浦既黏山。暑退亦飛霜。所欣非自調。不怨道里長。

九域志海州東海郡胸山縣滄涼字出列子已見三十五卷浴日亭詩注番禺雜編蠓殼即牡蠣有高四五尺者水底見之如山岸呼為蠓山韓退之初南食詩蠓相黏為山南史張融海賦積雪中春飛霜暑路

連雨獨飲 合注卷四十二

吾謫海南盡賣酒器以供衣食獨有一荷葉杯工製美妙畱以自娛迺和淵明連雨獨飲二首

平生我與我舉意輒自然。豈止磁石鐵。雖合猶有閒。此外一子由出處同偏僂。晚景最可惜。分飛海南天。糾纏不吾欺。寧此憂患先。顧引一作影一杯酒。誰謂無往還。寄語

我一作爾

海北人。今日為何年。醉裏有獨覺。夢中無雜言。

晉殷浩傳桓溫嘗問浩君何如我浩曰我與我周旋久寧作我漢賈誼服賦禍之與福何異糾纏應劭曰如糾索相附會也臣瓚曰糾絞也纏索也晉劉伶傳仍引酒御肉隄然復醉

阿堵不解醉。誰歟此頽然。誤入無功鄉。掉臂嵇阮閒。飲中八仙人。與我俱得僂。淵明豈知道。醉語忽談天。偶見此物真。遂超天地先。醉醒可還酒。此覺無所還。清風洗徂暑。連雨催豐年。牀頭伯雅君。此子可與言。

陶淵明獨飲詩故老贈予酒乃言飲得仙試酌百情遠重觴忽忘天天際去此幾任真無所先無還借用楞嚴經語再見魏文帝典論劉表子好酒為三爵大曰伯雅受七升次曰仲雅受五升次曰季雅受三升

王撫軍座送客 合注卷四十二

再送張中

曾中有佳處。海瘴不能腓。三年無所媿。十口今同歸。汝去莫相憐。我生本無依。相從大塊中。幾合幾分違。莫作往來相。而生愛見悲。悠悠含山日。炯炯留清輝。懸知冬夜長。不恨晨光遲。夢中與汝別。作詩記忘遺。

毛詩百卉具腓莊子大塊載我以生維摩經不使人有往來想

答龐參軍

合注卷四十二

三送張中

留燈坐達曉。要與影晤言。下帷對古人。何暇復窺園。使君本學武。少誦十三篇。頗能口擊賊。戈戟亦森然。才智

誰不如。功名歎無緣。獨來向我說。憤懣當奚宣。一見勝百聞。往塵臯蘭山。白衣挾三矢。趁此征遼年。

詩國風彼美淑姬可與晤言漢董仲舒傳下帷講論蓋三年不窺園史記孫武傳以兵法見闔閭闔閭曰子之十三篇吾盡觀之矣可以小試勒兵乎晉朱伺傳楊珉曰朱將軍何以不言伺曰諸君以舌擊賊伺惟以力耳唐高祖諸子傳號王巨入對合旨揚國忠謂巨曰比來人多以口打賊君不爾乎漢趙充國傳百聞不如一見兵難踰度願馳至金城圖上方畧漢霍去病傳合短兵塵臯蘭下唐薛仁貴傳天子征遼仁貴著白衣自標顯所向披靡後與九姓衆戰發三矢輒殺三人互見三十三卷次韻王晉卿詩注

桃花源

并引

合注卷四十二

世傳桃源事多過其實考淵明所記止言先世避秦亂來此則漁人所見似是其子孫非秦人不死者也又云殺鷄作食豈有仙而殺者乎舊說南陽

有菊水水甘而芳居民三十餘家飲其水皆壽或
至百二三十歲蜀青城山老人村有見五世孫者
道極險遠生不識鹽醢而溪中多枸杞根如龍虵
飲其水故壽近歲道稍通漸能致五味而壽益衰
桃源蓋此比也歟使武陵太守得而至焉則已化
爲爭奪之場久矣常意天壤間若此者甚衆不獨
桃源予在潁州夢至一官府人物與俗間無異而
山川清遠有足樂者顧視堂上榜曰仇池覺而念
之仇池武都氏故地楊難當所保予何爲居之明
日以問客客有趙令時德麟者曰公何問此此乃

福地小有洞天之附庸也杜子美蓋云萬古仇池
穴潛通小有天他日工部侍郎王欽臣仲至謂予
曰吾嘗奉使過仇池有九十九泉萬山環之可以
避世如桃源也

凡聖無異居清濁共此世心閑偶自見念起忽已逝欲
知真一處要使六用廢桃源信不遠杖藜可小憇躬耘
任地力絕學抱天藝臂雞有時鳴尻駕無可稅苓龜亦
晨吸杞狗或夜吠耘樵得甘芳齧齧謝炮製子驥雖形
隔淵明已心詣高山不難越淺水何足厲不如我仇池
高舉復幾歲從來一生死近又算癡慧蒲澗安期境羅

浮稚川界夢往從之游神交發吾蔽桃花滿庭下流水
在戶外卻笑逃秦人有畏非真契

傳燈錄瀉山云凡聖同居龍蛇混雜楞嚴經當知是根非一非六汝須陀洹雖得
六銷猶未忘一又塵旣不緣根無所偶反流全一六用不行莊子大宗師化子之
左臂以為雞子因以求時夜化予之尻以為輪以神為馬子因而乘之豈更駕哉
羅浮山靈異記麻姑壇有枸杞樹時有赤犬見於樹下或天晴朗時聞犬吠聲陶
淵明桃源記南陽劉子驥高尚士也聞之欣然規往遊焉嶺表錄異葛蒲澗在廣
州城之東北十五里澗中生葛蒲多是一寸十二節山半有葛蒲觀跨水有玉舄
閣即安期生上昇之地五見三十五卷廣州蒲澗寺注羅浮山記
葛稚川入羅浮煉丹弟子從之者五百餘人置觀四所今丹存焉

施註蘇詩卷之四十二

